

Jesucristo beserirare ESPÍRITU SANTO TIIÁPURIGUE

Espíritu Santo atiadarere Jesús
wedeguerrigue

1 Teófilo, muerẽ sicapũ too sugueropũre jóawũ. Tiipũpũre niipetire Jesús basocáre buerucuriguere, cũũ tiirucúriguere wedewũ. Sicato cũũ buenecáriguere, ²tée cũũ bueyapacutiriguere wedewũ. Teero biiri cũũ ãmũásepũ muãwariguere wedewũ. Jesús ãmũásepũ muãwaadari suguero, cũũ buerá cũũ beserirare dutiré cũũyigũ cũã tiiádarere. Espiritu Santo masírẽ ticorémãna teeré dutiyigũ. ³Cũũ dia masãri siro, Jesús bauáyigũ. Cuarenta buercoreire pee bauáyigũ cũãrẽ. Teero tiirá, cũũrẽ ãnarã, “marĩ ‘diajõããwĩ’ jĩĩarigũra catii” jĩiyira. Cõãmacũ dutiré basocáre niãdare jeariguere wedenemoyigũ sũcã.

⁴Jesús cũãmena niigũ, cũãrẽ Jerusalenpũ niidutiyigũ mēna. Cũãrẽ jĩiyigũ:

—Yũũ Pacũ mũãrẽ too sugueropũ jĩĩrirobirora Espiritu Santore ticodiocogũdũre yueya. Teeré wedetoawũ. ⁵Juan mũãrẽ ocomēna wãmeõtiwi. Yũũ Pacũpeja nemorõ ãñurõ tiigũdaqui mũãrẽ: Péerogã siro Espiritu Santore ticodiocogũdaqui, jĩiyigũ Jesús.

Jesuré Cõãmacũ ãmũásepũ
néemũarigũ

⁶Cũũmena neããrira cũũrẽ sãĩñáyira:

—Ësã Òpũ, ¿mũũ mecũtígãrẽ romanuãrẽ cõãjãgũdari? Teero biiri ¿ãpẽrá marĩya wederare diamacũrã marĩrẽ dutirá sããrĩ tiigũdari? jĩĩmiyira.

⁷Cũũ yũũyigũ:

—Marĩ Pacũ sícũrã masĩqui. Cũũ “teerora wãaaro” jĩĩrĩ, teerora wãaadacu. Ate masírẽ mũãye maquẽ niiria. ⁸Teero niipacari, marĩ Pacũ cũũ tutuarere mũãrẽ ticogũdaqui, Espiritu Santo mũãpũre atiri. Mũã cuiro manirõ, wãcũtutuaremena yéẽ quetire basocáre wedera wãaadacu. Jerusalén macãrãrẽ, Judea dita macãrãrẽ, Samaria dita macãrãrẽ, niipetiro atibũrecopũ niirãrẽ wedera wãaadacu, jĩiyigũ.

⁹Teero jĩĩ wedetoaari siro, cũũrẽ cũũ Pacũ néemũawayigũ ãmũásepũ. Cũũ muãwari, cũũ buerá ãnanũseyira. Cũũrẽ õmebũrã tuubiãcõjãyiro. Teero tiirá, cũũrẽ ãnanemoriyira sãa. ¹⁰Cũã Jesús muãwari ãnanucũrĩ, cũã decopũ ãmũã pũarã suti butiré sããarira bauãncãjeayira. ¹¹Cũãrẽ jĩiyira:

—Múã Galilea macãrã, ¿deero tiirá ãmũásepũ ãnamũõconucũ? Ñni Jesús múãmema niiãrigũ mecũtigã ãmũásepũ mũãwaarigũra atibũrecopũre atigũdaqui sũcã. Múã cũũrẽ mũãwari ãñaãriobirora atigũdaqui, jĩĩyira.

Judare wasogũdũre beserigue

12Teero tiári siro, Jesús beserira ãtãgũ Olivopũ niiãrira diiwã, Jerusalénpũ coepũtũawayira. Tiimacã pũtogã niã tiigũ sica kilómetro wáaro. 13Jerusalénpũ pũtũajeara, cũã cãnirĩ wiipũ wáayira. Tiiwĩ casacũtiri wii niyiro. Sicatatia ãmũãrõ macã tatiapũ sããwayira. Cũã niyira: Pedro, Santiago, Juan, Andrés, Felipe, Tomás, Bartolomé, Mateo, Santiago (Alfeo macũ), Simón (romanuã dutirãre cõãdũgara menamacũ niimirigũ), Judas (Santiago macũ) niyira. 14Cũã sãcãrõmẽna neã, Cõãmacũrẽ sãrucũyira. Jesús baira, cũũ paco María, ãpẽrá numiãcã cũãmema neãyira.

15Teebũrecorire Jesuré padeorã neãyira sũcã. Ciento veinte watoa niyira. Pedro wũmũnũcã, cũãrẽ wedeyigũ.

16—Yãa wedera, too sugueropũ marĩ ñecũ David Espĩritu Santo masĩrẽ ticorẽmena Judare wãadarere jóasũguerigũ niiwĩ. Cõãmacũye queti jóaripũ maquẽ diamacũrã wãaadare niirõ tiiwũ.

Teero tiigũ, ãpẽrãrẽ Judas nẽewa, cũãrẽ Jesuré ñowĩ. Cũãpe Jesuré ñee, nẽewawa. 17Judas ãsã menamacũrã niimiwĩ. Jesús cũũcãrẽ basocãre buerere cũũmiwĩ. 18Cũũ ñañaarõ tii wapatãriguemena sicadita sãĩnõyiro. Too síro dupupe ñaacũmu, cũũ páaga podo, cõtamisĩ witibatejõãyigũ. 19Niipetira Jerusalén macãrã teerẽ tũoyĩra. Cũã tiiditare Acéldama jĩĩyira. Acéldama “Dii Dita” jĩĩrõ tiicũ cũãyemena.

20Tiatopũ Salmopũpũre jóagũ teerẽ biiro jóarigũ niiwĩ:

Cũũye niimirigue cõãjãnoãrõ.^a

Cũũ jóarigũ niiwĩ sũcã:

Ãpĩ cũũ pademiriguere wasoãro,^b

jĩĩ jóarigũ niiwĩ.

21-22Marĩmena sĩquẽrã niipetiropũ wãanetõrira niĩya, marĩ Õpũ Jesús marĩmena niirĩ. Juan Jesuré wãmeõtiri, tẽe Cõãmacũ cũũrẽ ãmũásepũ néemũãrĩ, ãñãrãra niĩya. Ñniãpũre sũcũ besero booa ãsã oncemena niigũdũre. Cũũ ãsã tiirõbiro Jesús diarigũpũ masãrigue quetire wedegũ wãagũdaqui, jĩĩ wedeyigũ Pedro.

23Tiitatiapũ niirã pũarãrẽ beseyira. Sũcũ José Barsabãre beseyira. Cũũ wãmesotoapeore griegoayemena Justo niyiro. Ñpĩ Matĩare beseyira. 24-25Too síro marĩ Õpũrẽ sãĩrã, biiro jĩĩyira:

^a1.20 Salmo 69.25.

^b1.20 Salmo 109.8.

—Ûsã Õpũ, m̃m̃ niipetira basocá wãcũrere masiã. Judas wasogúðure besetoajĩyu. Ûsãrẽ ãñoñá. ¿Nii niigari? Judas m̃m̃ dutiré cúuriguere duujáwĩ, ñañará cúã ñañarõ netõrõpũ wáagu, catigu cũũ ãñurõ tiiririgue wapa, jĩ sãiyira.

²⁶Too síro p̃rapé ùtãperũ Matías, Barsabás wãmerẽ jóayira. ¿Nii marĩ Õpũ beserigu nii? jĩrã, piipũ sãã, sicape née, ñayira. Matías wãme jóaturipe niyiuro.

—Jãã, ãni Matías Judas wasogú niiĩ, jĩiyira.

Cũũ ãpẽrá oncemena Jesucristoye quetire wedegú wáayigu.

Espíritu Santo diijeárigue

2¹Cincuenta b̃urecori Pascua netõrĩ siro, Pentecostés wãmecutiri bosebureco wáayiro. Tii bosebureco niirĩ, niipetira Jesuré padeorá sicãrõména neãyira. ²Tiiwiipú cúã duiuri, wãcũña maniró wĩno bayiró atiro tiirõbiro ùm̃uãsepũ busudiatiyiro. Tiiwii bususesajõãyiro. ³Teero wáari, pecame jũũrípõnabiro bauré cúãcõrõrẽ pesayucoyiro. ⁴Niipetirarena Espiritu Santo niinucãgũ jeayigu. Cũũ dutirém̃ena ãpẽrá basocáye wedeserere masĩripacara, wedesenucãyira.

⁵Teeburecorire Jerusalénp̃re paũ judíoa apeyé dita macãrãpũ niyira. Cúã Cõãmacũrẽ quioníremena padeorá niyira. ⁶Cúã tee busuri tuorá, toopú neãwayira. Deero jĩimasĩriyira, cúã p̃topũ

jeara. Cúã basocácõrõ cúãye wedeseremena Jesús bueráre wedeseri tuoyira. ⁷Tuomanijõãrã, cãmerĩ jĩiyira:

—Niipetira ãniã wedesera ¿Galilea macãrã mee niimiĩ? ⁸¿Deero tiirá marĩyere ãñurõ wedeseri tuoi? ⁹Marĩ aperó macãrã niã. Partia macãrã, Media macãrã, Elam macãrã, Mesopotamia macãrã, Judea macãrã, Capadocia macãrã, Ponto macãrã, Asia macãrã niã marĩ. ¹⁰Frigia macãrã, Panfilia macãrã, Egipto macãrã, Cirene p̃uto macãrã niã marĩ. Cirene Libia ditapũ niã. Siquẽrã Roma atirá niĩya. ¹¹Cúã siquẽrã judíoa niĩya. ãpẽrá judíoa niĩhẽrã Cõãmacũrẽ padeooya. ãpẽrá Creta macãrã, Arabia macãrã niĩya. Marĩ niipetira marĩye wedeseremena tuorá tiia Cõãmacũ ãñurẽ tiirere, jĩiyira.

¹²Niipetira tuomanijõãyira.

—¿Ate deero jĩũdugaro tiii? jĩĩ cãmerĩ sãĩñáyira.

¹³Siquẽrã cúãrẽ buijáyira.

—Ñniã cãmura tiíya, jĩiyira.

Pedro basocáre wederigue

¹⁴Cúã teero jĩĩrĩ tuogú, Pedro ãpẽrá once Jesús beserirarena wũmunucã, bayiró busurõmena wedeyigu:

—Yáa wedera, niipetira Jerusalén niirã, yũũ jĩĩrere ãñurõ tuoyá. ¹⁵“Ñniã cãmura tiíya” jĩĩ wãcũmiã múã. Cãmura mee tiíya. Mecũtígã ñamisãñurõgã nueve niã. ¹⁶Múã mecũtígã tuorere too

sugueropu profeta Joel jóarigu niiwĩ:

17 Atibáreco petiádari sugue-ro, Espiritu Santore nii-petirare ticodiocoguda, jĩirigu niiwĩ Cõamacũ.

Espiritu Santore ticodiocori, múã põna ãmũá, numiá yuu wededutirere wede-adacua.

Butoáre, mamarárẽ cúã quẽerõpu ãnogúdacu too síropu wáadarere.

18 Yũre padecoterare Espiritu Santore ticodiocogudacu. Cũãcã yuu wededutirere wedeadacua.

19 Ñmũásepu merẽã baurẽ tiigúdacu.

Atiditapúre díi, pecame, õme yuu tiiẽnore niãdacu.

20 Muĩpũ búreco macũ naĩtĩã-jõãgũdaqui.

Muĩpũ ñami macũ díi tiiró-biro sõãgũ wáagũdaqui.

Marĩ Õpũ jeadari búreco suguero teero wáaadacu.

Quionĩri búreco niãdacu.

Bári niirĩ búreco mee niãdacu.

21 Sícũ: “Yuu Õpũ, yũre netõ-néña” jĩi sãĩgũno netõné-nogũdaqui,^c

jĩi jóarigu niiwĩ Joel, jĩi wedeyigu Pedro—.

22 Yáa wedera, yuu jĩirere añurõ tɔoyá, jĩiyigu sũcã—. Jesús

Nazaret macã macũrẽ múã ññajĩ-yu. Cõamacũ cũm̃ena pee añurẽ tiirigu niiwĩ. Bayirõ tutuaremena tiiẽnore tiirigu niiwĩ cũm̃ena. Teerẽ múã añurõ masiã. ²³ Múã cũũrẽna curusapu siãdutiã, ñañarãpu ticowu. Cõamacũ tíatorpu “teero wáaadacu” jĩi roboira wáawu. ²⁴ Cõamacũ Jesurẽ diarigupure masõrigu niiwĩ. Cũũ diadoaririgu niiwĩ. Masãgũdu niigũ tiiyigu. ²⁵ Tíatorpu David jóasuguerigu niiwĩ Cristo Cõamacũmena wedeseadarere:

Yuu yuu Õpũrẽ yuu díamacũpu ññarucujãwũ.

Cũũ yuu diamacũpe niirĩ, cuiria.

26-27 Teero tiigũ, yuu bayirõ usenigũ wedesea. Yáa useromena bayirõ usenigũ basaa.

Yáa yeeripũnarẽ diarira ññanorõpu m̃ũ cúũdoaricu.

Yũre “bóarijããrõ” jĩigũdacu m̃ũ, yũre maĩgũ.

Teero tiigũ, yuu añurõ cuire manirõ niijãgũdacu, m̃ũrẽ yuegu.

28 Yũre catirẽ petihére bu-nucãrĩ tiiwá.

Mũũrẽ ññagũ, useniremena niigũdacu,^d

jĩi jóarigu niiwĩ David.

29 Yáa wedera, añurõ tɔojĩña ména marĩ ñecũ Daviyẽ maquẽrẽ. Cũũ diajõãyigu. Cũũ diari,

^c 2.17-21 Joel 2.28-32.

^d 2.25-28 Salmo 16.8-11.

cũrẽ yaaríra niwã. Cũũ diari yaarí cope masãcope marĩ puto-pũra niã ména. ³⁰David catigu, profeta niirigu niwĩ. Cõamacũ too síropũ tiiádarere masijĩgũ, wederigu niwĩ: “Mũũ pãrãmi niinũnũsegurũ mũũ dutirobiro- ra atiditaré Ôpũ niigũdaqui”,^e jĩirigu niwĩ Cõamacũ quioníremena. ³¹Teero tiigũ, David Cõamacũ beserigu diarigũpũre masõriguere ñagũ tiiróbiro jóarigu niwĩ: “Mũũ yũũre diarira ñnanorõpũ cõãdoaricu. Yáa õpũũ bóaricu”. ³²Jesuré wáadarere jóarigu niwĩ. Cõamacũ cũũrẽna masõrigu niwĩ. Teeré ãsã niipetira ñnawũ. ³³Cõamacũ cũũrẽ ãmũãserũ néemũãrigu niwĩ, cũũ diamacũpe duiaro jĩigũ. Cũũ Pacũ tíatorũ jĩrirobiro- ra cũũrẽ Espíritu Santore ticoyigu. Cũũpe ãsãrẽ ticonetõnecoarigu niãwĩ. Teerá niã múã ñnãarigue, múã tuoárigue. ³⁴Davipé cũũya õpũũmena ãmũãserũre mũãwaririgu niwĩ. Mũãwaripacu, ateré jóarigu niwĩ:

Cõamacũ jĩwĩ yũũ Ôpũrẽ:
“Yáa wãmo diamacũñnãpe
duiya,

³⁵tée mũũrẽ ñnatutirare mũũ
dutigũre yũũ ãnurõ
yũũri tiirĩpũ”,^f

jĩ jóarigu niwĩ.

³⁶Teero tiirá, judíoa niipetira tũomasĩãrõ. Múã Jesuré curusa-

pũ páabiatu sãadutípacari, Cõamacũ cũũrẽna marĩ Ôpũ wáari tiirĩgu niwĩ. Cõamacũ cũũrẽ ticodiocorigu niwĩ, marĩrẽ netõnéãrõ jĩigũ, jĩ wedeyigu Pedro.

³⁷Cũũ teero jĩrĩ tuorá, bayirõ wãcũpati, sãñãyira:

—Ûsãya wedera, ¿ũsã deero tii-
ádari? Jĩyira Pedrorre, ãpẽrá Je-
sús beserirare.

³⁸Pedro cũãrẽ yũuyigu:

—Wãcũpati, wasoyá múã ñnã-
ñaré tiirere. Jesucristore padeó,
wãmeõtidutiya. Múã teero tiirí,
múã ñnãnaré tiirere Cõamacũ aca-
bõgũdaqui. Espíritu Santo múã-
pũre niigũ jeari tiigũdaqui. ³⁹Cõamacũ marĩ Ôpũ tíatorũ jĩri-
robiro ra múãrẽ, múã põna niin-
nũuserare, yoaro macãrãcãrẽ,
niipetira cũũ beserãre Espíritu
Santore ticogũdaqui, jĩyigu Pe-
dro.

⁴⁰Cũũ tee dícu wederiyigu. Cũãrẽ wãcũtutuare tico, ãnurõ quioníremena wedenemoyigu:

—Atibũreco macãrã ñnãnaré tii-
rere dutijõãña. Cõamacũ netõné-
repere ñeeña, jĩyigu.

⁴¹Pedro wedeariguere padeorá wãmeõtinoyira. Tiibũreco ra Je-
suré padeorãmena tres mil watoa
basocá niinemoyira.

⁴²Cũã Jesús beserira buerere
tũorucúyira. Niipetira Jesuré pa-
deorá cãmerí wéepeo nijãyira. Sũoyá, Cõamacũrẽ sãĩ tiirucúyira.

^e 2.30 Salmo 132.11-12. ^f 2.34-35 Salmo 110.1.

**Jesuré padeorá sicato
tiinucárigue**

⁴³Jesús beserira diarecutirare netóné, apeyé pee Cōamacū sícūrā tiimasírere tiéñoyira. Cūã tiirére ñnarã, basocá niipetira cuirucuyira. ⁴⁴Jesuré padeorá sicapōna macārã tiiróbiro niyira. Cūã cūorére cāmerí batorucuyira. ⁴⁵Peedita cūorá, apeyenó pee cūorá teeré dúayira. Cūã dúa wapatáriguere apeyenó cūohérare batoyira. ⁴⁶Búrecoricōrō niipetira súbusera neāyira Cōamacūwiipū. Cūãye wiseripū useniremena cāmerí sūoyárucuyira. ⁴⁷Cōamacūrē usenire ticorucujāyira. Āpērácá cūārē añuró ñna padeoyira. Búrecoricōrō Cōamacū padeorí tiyígu cūūrē padeohérrare. Jōōpemenā Jesuré pañ padeomúānucāyira.

**Pedro, Juan wáamasihégūrē
wáari tiirigue**

3 ¹Sicabureco coeritó siro tres niirí, Pedro, Juan Cōamacūwiipū wáara tiyíra. Tiiwiipúre búrecoricōrō tii horare Cōamacūrē basocá súbuseyira. ²Toopú sícū basocú wáamasihégū duiyigu. Sicato bauágupura posarigu niyigu. Búrecoricōrō Cōamacūwii sope sãāwaro cūūrē néewa dupoyira. Tiisope wāmecutia Āñurí Sope. Too sãāwarare niyeru sãiduúyigu. ³Pedro, Juan sãāwaadara tiirí ñnagū, cūārē niyeru sãiyígu. ⁴Puarápura cūūrē ñnayi-

ra. Pedrope: —Īsārē ññaña, jĩiyigu.

⁵Cūū cūārē bayiró ñnayigu. “Yūre niyeru, apeyenó ticoadara tiicúa”, jĩi wácūmiyigu. ⁶Pedro cūūrē jĩiyigu:

—Niyeru cūoríá yū. Teeré cūorípacū, mūūrē tiáruguda. Jesucristo Nazaret macã macū tu tuaremena mūūrē jĩi: Wāmūncã, wáaya.

⁷Tee jĩigūrã, cūū duigáre diamacú macã wāmorē ñee, wéemūōcoyigu. Cūū wéemūōcorira, máata cūūye dupori, cūū añayepa tutuajōāyiro. ⁸Bupucutáa, wāmūncã, wáanucāyigu. Wáagura, bupuwá, Cōamacūwiipū cūāmena sãāwayigu. Usenire ticoyigu Cōamacūrē. ⁹⁻¹⁰Niipetira Cōamacūwiipū niirá cūūrē ñnamasíyira.

—Īni jōō bupuwágu, Cōamacūrē usenire ticogú Āñurí Soperu niyeru sãiduúarigura niirã, jĩiyira.

Cūūrē wáarere ñnamanijōāyira.

**Pórtico de Salomónpu Pedro
basocáre wederigue**

¹¹Wáamasihégū niirigu cūārē duuríyigu. Basocá cūūrē ñnamanijōā, Pedro, Juan pūtorū cutusájeyira. Too cūã nearó biayá manirí tatia niã. Tiitatia wāmecutia Pórtico de Salomón.

¹²Cūã cutusájeari ñnagū, Pedro cūārē jĩiyigu:

—Yáa wedera, ¿deero tiirá múā nocōrōca ñnamanijōāi? ¿Deero tii-

rá múã ùsãrê bayiró ññãí? Múã ùsãrê “íniã basocá ãñurá niijirã, cûã tutuaremena wáari tiíya” jĩ wácûã. ¹³Marĩ ñecûsûmûã Abraham, Isaac, Jacob, ãpêrá marĩ ñecûsûmûã Ôpû niirigu niĩ Cõãmacû. Cûûrã “Jesús uputĩ macû niĩ; ãñuniĩ” jĩ, ãñorigu niiwĩ. Jesuré múãrê dutirápure ticowu. Pilato ññacoro múã cûûrê booríwu. Cûû “Ínirê wionécogudû tia” jĩpacari, múã “wionécorigãña” jĩwû. ¹⁴Jesús ññañaré manigû, ãñuré tiigúre múã booríwu. Basocá sãgúpere wionécodutiwu Pilatore. ¹⁵Jesús marĩrê catiré ticogúpere sãadutiwu. Cõãmacû cûûrê diarigupure masõrigu niiwĩ. Ùsã teeré ññawû. ¹⁶Jesús cûû tutuaremena ãni múã ññamasigûrê wáari tiiarigu niíawĩ. Jesús ùsã cûûrê padeorĩ ññagû, múã ññacoro ãnirê ãñurõ netõnéarigu niíawĩ.

¹⁷Yáa wedera, múã “Cõãmacû macû niĩ” jĩ masĩrijĩrã, cûûrê sãadutiwu. Marĩrê dutiracã teerora tiiwá. ¹⁸Cõãmacûpe Cristo cûû beserigu ññañarõ netõádarere wedetoarigu niiwĩ. Niipetira profetas teeré jóarira niiwã. Múã cûûrê ññañarõ tiiriguemena teeré wáari tiirigu niiwĩ. ¹⁹Múã ññañaré tiiré wácûpati, wasoyá. Cõãmacû boorõbirora tiiyá. Teero tiirí, Cõãmacû múã ññañaré tiiré acabó, ãñurõ niirecutiri tiigúdaqui. ²⁰Jesucá-rê ticodiocogudaqui sũcã. Cûû Cõãmacû beserigu Cristo niĩ.

²¹Mecütigã cûûrê ùmûãsepû putu-áro booa, té Cõãmacû niipetirere wasorípu. Teeré Cõãmacû cûûyara profetas ãñurãmena wedesuguerigu niiwĩ. ²²Moisés biiro jóarigu niiwĩ: “Too síropu marĩ Ôpû Cõãmacû profetare ticocogudaqui. Yûu tiirõbiri tiigúdaqui. Cûû marĩya wedegu niigúdaqui. Niipetire cûû wederére tuopetĩjãña múã. ²³Ãpêrá cûû dutirére tiidugáherano judfoamena niinemorica; sãjãnoãdacua”,⁸ jĩ jóarigu niiwĩ Moisés.

²⁴Samuel, ãpêrá profetas mecütigã wáarere jóasuguerira niiwã. ²⁵Cõãmacû cûûyara profetamena múãrê wederigu niiwĩ. Cõãmacû múã pacûsûmûãrê, teero biiri múãrê cûû netõnére quetire ticowí. Tee quetire ticogu, Abrahamrê ateré jĩirigu niiwĩ: “Mûu pãrãmi niinunusegumena niipetira atiditã macãrê ãñurõ tiigúda”, jĩirigu niiwĩ. ²⁶Cõãmacû cûû macû diarigupure masõ, marĩrê ticocosuguerigu niiwĩ. Teeména marĩrê ãñurõ tiirigu niiwĩ. Marĩ ññañaré tiiré duudutirigu niiwĩ, jĩiyigu Pedro.

Pedro, Juan judfoare dutirá putopu wáarigue

4 ¹Pedro, Juan basocãre wedera tiirí, paia, ãpĩ Cõãmacûwii coterí basocare dutigú, ãpêrá sãduceo basoca jeayira. ²Pedro, Juanména jĩiyigu:

⁸3.22-23 Deuteronomio 18.15-19; 34.10.

—Cõamacũ Jesuré diarigupure masõrigu niwĩ. Teero tiirá, marĩcã diaari siro, masãadacu, jĩiyigu.

Saduceo basoca, cũãmena jeaarira tee buerere tworá, bayiró cúayira. ³Cúa, Pedro, Juanré ñeewayira. Muĩpũ sããritopũ niirĩ ñnarã, cũãrẽ ñeewa, peresu sõnecoyira. ⁴Cõamacũwiipũ cũã bueariguere twoárirã paũ Jesuré padeonucáyira. Jesuré padeorámena niirã, ñmũá dí cure bapaqueori, cinco mil niiyira.

⁵Apebúrecope judíoare dutirá, ãpẽrá bũtoá dutirá, teero biiri Moisés jóarigue buerá tiimacã Jerusalénpũ neáyira. ⁶Cũãmena ãpẽrá neáyira: Anás (cũũ paiaré dutigũ niiyigu), Caifás, Juan, Alejandro, ãpẽrá paiaré dutiráya wedera. ⁷Neátoa, Pedro, Juanré cũã pũtopũ néeatidutiyira. Cũã pũto jeari: —¿Noã dutirémena teeré tiirã mũa? jĩĩ sãĩñáyira.

⁸Pedro, Espiritu Santo cũũmena niirĩ, cũãrẽ yũuyigu:

—Ûsãrẽ dutirá, teero biiri bũtoá dutirá, ⁹mũa mecũã ùsãrẽ sãĩñáã, ùsã añurõ tiiárigue maquẽrẽ masídugara. Mũa “¿ñeenómena cũũrẽ wáamasihẽgũ niimiárigure netõnéãrĩ?” jĩĩ sãĩñarã tiicú. ¹⁰Mũa sãĩñáãriguere yũgũda, mũa niipetira, teero biiri niipetira Israelya põna macãrã masiãrõ jĩĩgũ. Jesucristo Nazaret macã macũ mũa curusapũ páabiatudutirigu tutuaremena ãni

mũa ññacoropũ niigũrẽ netõnéãwã. Cõamacũ cũũrẽ diarigupure masõrigu niwĩ. ¹¹Jesús ùtãqui mũa cõãriqui tiiróbiro niĩ. Profeta tiiqui maquẽrẽ jóarigu niwĩ: “Wii weerira ùtãquire booríyira. Cũã boorípacari, tiiquira uputí macãqui pũtuáwũ tiiwiipure”,^h jĩĩ jóarigu niwĩ. ¹²Ãpẽrãpãja netõnémasĩricua. Cũũ sícũrã petihérimerũ wáaborirare netõnémasĩ, jĩiyigu Pedro.

¹³Dutirá cũã cuiro maniró wederi ñnarã, tũomanijõáyira. Cũã basiro cãmerĩ wedeseyira:

—Íniã búri niirã, buerira mee niíya. Marĩ cũãrẽ ñnamasã; Jesumena wáanetõrira niíya, jĩiyira.

¹⁴Pedro, Juan netõnéãrigu cũãmena nucũrĩ ñnarã, deero jĩĩnemomasĩriyira. ¹⁵Cũãrẽ witiwadutiyira ména. Cũã sesaro cãmerĩ wedeseyira:

¹⁶—¿Deero tiiádari marĩ íniãrẽ? Niipetira ãno Jerusalén macãrã cũã tiieñoãriguere ñnapetijããrira niãwã. Teero tiirá, marĩ “tiiríawã” jĩĩmasĩricu. ¹⁷Basocá aperó macãrãpũ teeré tũonemorĩ tiirijããda. “Mũa Jesuyére wedenemorĩ, mũa ññarõ tiinõadacu” jĩĩco cũãrẽ, jĩiyira.

¹⁸Wedesetõ, cũãrẽ sããatidutiyira sũcã. Cũã, cũã pũtopũ jeari, jĩiyira:

—¿Añurõ tuoyá mũa! Jesuyére péerogã wedenemorijãña; buenemorijãña sãa, jĩimiyyira.

^h4.11 Salmo 118.22.

19 Pedro, Juan y unyira:

—¿Cõamacũ ññacorore ññã mũã dutirére o cũũ dutirépere tiirí booi? Mũã basiro beseya. 20 Ññã ññariguere, ññã tñoriguere wederipacara, niimasĩriga, jĩyira.

21 Dutirápe bayiró tutuaremena dutinemoyira, cũãrẽ cuiaro jĩĩrã. Basocã cũũrẽ wáaariguere ññarã, Cõamacũrẽ ññenire ticoyira. Teero tiirã, cũãrẽ ññarõ tiimasĩri, wionécojãyira. 22 Cũã netõnẽarigu cuarenta cũmarĩ nemorõ cño-yigu.

Jesuré padeorã Cõamacũrẽ tiiápure sãĩrigue

23 Cũãrẽ wionécoari siro, Jesuré padeorã niirõpũ wáayira. Paiaré dutirá, ññerã butoã dutirá jĩĩariguere wedeyira. 24 Cũã wederi tñorã, sĩcãrõména Cõamacũrẽ jĩyira:

—Ññã Ññũ, mũũ ññmũãse, atiyepã, día pairímaa, niipetire atibúreco niirére tiirígu niĩã. 25 Tíatorũ Espiritu Santo wãcũrẽ ticorémena mũũ ññã ññecũ Daviré wededutirigu niiwũ. David mũũ wededutiriguere biro jóarigu niiwĩ:

Judíoa niihẽrã Cõamacũmena cúara ññarã wáajãya.

Judíopeja “marĩ biiro tiiáda Cõamacũrẽ” jĩĩama-jãya.

26 Atibúreco macãrã õpãrã neããya, Cõamacũrẽ netõnẽcã cũũrẽ ññarõ tiidũgãra.

Cũũ beserigucãrẽ teerora ññarõ tiidũgãya,ⁱ

jĩĩ jóarigu niiwĩ David.

27 Cũũ jóariborora wáawũ. Atimacãpũre Herodes, Poncio Pilato, ññerã judíoa niihẽrã, judíoamena neãwã. “Cũũrẽ ññarõ tiiáda” jĩĩrira niiwã mũũ macũ Jesús mũũ beserigure ññarõ tiiáda. 28 Tíatorũ mũũ “teerora wáadacu” jĩĩrobirora tiirira niiwã. 29 Ññã Ññũ, cúã ññãrẽ bayiró tutuaremena dutiawã, cuiaro jĩĩrã. Cũã jĩĩariguere wãcũña. Ññã mũũrẽ padecotera niĩã. Ññãrẽ mũũye quetire cuire manirémena wederi tiiyã. 30 Mũũ tutuaremena diarecutirare netõnẽña. Mũũ sĩcũrã Jesús mũũ macũ cũũ tutuaremena tiiẽnodutiya, jĩyira.

31 Cũã tee jĩĩari siro, cúã niirõ cãmeñayiro. Espiritu Santo cúãpũre niiyigu. Teero tiirã, Cõamacũye quetire cuiro manirõ wedeyira.

Jesuré padeorã cúã cuorere cãmerí batorigue

32-33 Jesús cũũyere wededutigu beserira bayiró tutuaremena basocãre wedeyira: “Marĩ Ññũ Jesús diari siro, masãrigu niiwĩ. Cũũ masãri siro, cũũrẽ ññawũ”, jĩyira. Niipetira Jesuré padeorã sĩcãrĩbíro wãcũrẽ cñoiyira. Cũã cuorere “yée dícu niĩã” jĩĩyira. Teero tiirã, cúã cuorere cãmerí batoyira. Cõamacũ cũãrẽ bayiró

ⁱ 4.25-26 Salmo 2.1-2.

tiápuyigu. ³⁴⁻³⁵Wiserí, dita cwo-
rá dúayira. Cũã dúa wapatáari-
guere Jesús beserirare ticoyira.
Jesús beserirape cũa ticoariguere
cũa menamacārārē apeyenó cwo-
hérare batoyira. Teero tiirá, cũa-
ya pōna macārā bóaneōrā mani-
yíra.

³⁶Teeburecorire sícũ José wā-
mecutigu niyigu. Chipre ncũrō
macũ, Leviyá pōna macũ niyigu.
Jesús beserirape cũrē Bernabé
jĩiyira. Bernabé griegoayemena
“añurō wácūtutuari tiigú” jĩirō
tiicú. ³⁷Sicadita cũye oteré dita-
re dúayigu. Cũã dúa wapatáari-
guere Jesús beserirare ticopetijā-
yigu.

Ananías, Safira jĩiditorigue

5 ¹Āpĩ Ananías wāmecutigu,
cũũ nũmo Safiramena sicadi-
ta dúayira. ²Ananías cũũ dúa wa-
patáariguere néeduo, dũsarére ti-
coyigu Jesús beserirare. Cũũ nũ-
moména “biiro tiiáda” jĩitoayigu.

³Pedro cũũrē jĩiyigu:

—Ananías, ¿deero tiigú mũu Sa-
tanárē yũarĩ? Mũu Espíritu San-
tore jĩiditoayu, mũu dúa wapatáa-
riguere néeduo. ⁴Tiidita mũu
dúaadari sũguero, mũuya dita ni-
wũ. Tee mũu dúare wapa mũye
niyeru niãjiyu. ¿Deero tiigú “jĩidi-
togũda” jĩi wácũarĩ mũu? Mũu ba-
socá dícare jĩiditogu mee tiia; Cõ-
macũcārē jĩiditogu tiia.

⁵Teeré tũogúra, Ananías ñaa-
cũmu, diajõãyigu. Āpērã tee que-
tire tũorã, cuiPETIJÕãyira. ⁶Cũũ

diari, mamarã tiwiipú sããwa,
suti caserimena cõma, néewayi-
ra, cũũrē yaará wáara.

⁷Itiã hora siro Safira cũũ nũmo
niimiãrigo sããjeayigo. Teero
wáariguere masĩriyigo. ⁸Pedro
coore sãĩñáyigu:

—Wedeya yũre. ¿Mũãya dita
dúara, nocõrõã niyeru wapatáa-
rĩ? jĩiyigu.

—Nocõrõã wapatáawũ ñsã,
jĩiyigo.


⁹Pedro coore jĩiyigu:

—¿Deero tiirá mũã sícãrĩbíro
wácũremena “marĩ Īpũ Espíritu
marĩrē ñañarõ tiiriqui” jĩi wácũ-
miãrĩ? Mecũtígãrã mũu manu
niimiãriguere yaará jeaarira pũ-
tũajeara tiiya. Mũucãrē teorora
yaaádara néewaadacua, jĩiyigu.

¹⁰Cũũ teero jĩirĩrã, máata coo-
cã Pedro pũto ñaacũmu, diajõã-
yigo. Coo manu niimiãriguere
yaará jeaarira diaarigopũre bũ-
jeáyira. Cũãrã coore néewa, yaa-
rá wáyira coo manũnigũ pũto-
pũra. ¹¹Niipetira Jesuré padeorã,
ãpērã niipetira tee quetire tũorã,
bayirõ cuiyira.

Pedrocã Cõãmãcũ sícũrã tiimasĩremena tiieñorigue

¹²Teeburecorire Jesús beseri-
rare Cõãmãcũ cũũ sícũrã tiimasĩ-
remena pee tiieñorĩ tiiyigu baso-
cã watoapũre. Niipetira Jesuré
padeorã Pórtico de Salomón ta-
tiapu sícãrõména neãyira. ¹³Āpē-
rã cũãmena bapacuti, cui niyira.
Cũãrē bapacuti, cui pacara, Jesu-



Portico de Salomón

ré padeoráre añurō wācūyira. 14 Ἐμνά, numiá paḿ Jesuré padeomúānucāyira. 15 Diarecutirare maa wesapḿ néewa, cōāré caseri sotoapḿ cūūyira. “Pedro netōwágu, cūū wātīcōātucoro cúā sotoa netōwári, cúā diaré netōádacu”, jīī wācūyira. 16 Jerusalén wesa niiré macārī macārācā diarecutirare néewayira. Wātīā ñañarō tiinórācārē néewayira. Nii-petira netōnénoyira.

Pedro, Juan peresuwiipḿ duiarira witi rigue

17 Cúā teero tiirí tuorá, paiaré dutigú, niipetira cūū menamacārā saduceo basoca iñatutiyira cúārē. 18 Teero tiirá, Jesús beserirare ñee, néewa, peresuwiipḿ sōnecomiyira. 19 Tiiñamirā ángele peresuwii sopenāmarē páō, cúārē néewitiatiyigḿ.

20—Cōāmacūwiipḿ basocáre wedera wáaya, jīīyigḿ—. “Jesuré

padeoráre Cōāmacū añurō niirecutiri tiigúdaqui”, jīī wedeya, jīīyigḿ ángele.

21 Cūū jīīārirobirora bóemuā-atiri, Cōāmacūwiipḿ sāāwa, bueyira.

Tiiburecora paiaré dutigú, cūū menamacārāmena, judíoare dutirá, teero biiri butoá dutiráre neādutiyira. Cúā neāpetiari siro, peresuwiipḿ niirárē néeatidutimiyira. 22 Cōāmacūwii coterí basoca peresuwiipḿ jeara, cúārē buaríyira. Cúā manirí iñarā, wedera wáyira. 23 Toopú jea, cúārē wedeyira:

—Peresuwii añurō biaári wii niimiāwū. Tiisope coterí basocacā añurō cotemiāwā. Tiisopere páō iñarī, sicūno maniāwī, jīīyira.

24 Cúā teeré tuorá, Cōāmacūwii coterí basocare dutigú, paiaré dutirá dee tii masīriyira.

—¿Deero yapacūtíadari ate? jīīyira.

²⁵Cúã wăcūră tiirí, sícũ jea, wedeyigu:

—Тюо́я мэна. Мúã peresuwiipũ sônecomiārira Cōãmacũwiipũ basocáre buera tiiáwă, jĩiyigu.

²⁶Cũũ wederi tuorá, Cōãmacũwii coterí basoca cúãrê dutigúmena cúãrê ñeeră wáayira. “Basocá cúãrê maíră marĩrê ũtăperimena déebocua” jĩră, cúãrê nêewara, ñañarō tiiríyira. ²⁷Cúãrê judíoare dutirá decorũ nêejeari, paiare dutigú cúãrê jĩiyigu:

²⁸—Ūsă múãrê “cũũye maquêrê buenemorijăña” jĩimiăwũ. Ūsă múãrê buedutiripacari, niipetiro ãno Jerusalénprere múã bueré sesajōãtoaa. Múã buerémēna ũsăpere “cúã cũũrê sīārí tiiwá” jĩrĩ tiidugára tiia, jĩiyigu paiaré dutigú.

²⁹Pedro, ãpêră Jesús beserirarena cũũrê yũyigu:

—Basocá dutiré Cōãmacũ dutiré niihêrĩ, Cōãmacũ dutirépere tiiró booa. ³⁰Cōãmacũ marĩ ñecũsũmuă Őpũ Jesuré diariguprere masōrigũ niiwĩ. Jesús niĩ múã curusapũ páabiatu diari tiirígu. ³¹Cũũrēna masōtoa, ũmuăsepu néemuă, cũũya wămo diamacũniñape dupoyigu. Marĩrê netōnérigu, marĩ Őpũ niĩarō jĩigũ, teero tiirígu niiwĩ. Marĩ judíoa ñañaré tiirére wăcũpati, wasorĩ, marĩrê acabógũdaqui. ³²Ūsă Jesús tiiriguere ññarira niijĩră, teeré wedea. Espíritu Santocă ññarigu niiwĩ. Cōãmacũ cũũ dutiré tiiráre Espíritu Santore ticoqui, jĩiyigu Pedro.

Gamaliel wederigue

³³Cũũ tee jĩrĩ tuorá, bayiró peti cúayira. Cúãrê siădugamiyira. ³⁴Cúã cúari ñña, Gamaliel judíoare dutirá menamacũ wũmũncă: —Ăniărê sũowitíwaya ména, jĩiyigu.

Gamaliel fariseo basocũ, Moisés jóarigue buegú niiyigu. Basocă “ăñuniĩ” jĩĩ padeogú niiyigu. ³⁵Cúã sũowitíwari siro, toopũ niirărê jĩiyigu:

—Yáa wedera, ãñurō wăcũña múã cúãrê tiidugárere. ³⁶Tiatopũre sícũ Teudas wămecutigu “yũũ dutigú niĩ” jĩĩ wăcũmiyigu. Cuatrocientos basocă cũũ buerére nũnũyira. Too síro cũũrê ãpêră sīājáyira. Cũũrê sīăári siro, cũũrê yũũmiārira cúã booró wăabatejōăyira. Nocōrōră cũũ buemiārigue petijōăyiro. ³⁷Too síro basocáre cúã bapaqueore bũrecori niirĩ, ãpĩ Judas Galilea macũ niiyigu. Paũ basocă cũũrê nũnũrĩ tiimíyigu. Too síro cũũcărê sīājáyira. Cũũrê sīăári siro, cũũrê yũũmiārircă cúã booró wăabatejōăyira. ³⁸Teero tiigú, múãrê wedea. Cúãrê teero ññajăña. Basocă dutirémēna cúã bueri, petijōăadacu. ³⁹Cōãmacũ dutirémēna cúã bueri docare, múã sīcărĩbíricu. Múã cúãrê cămotára, Cōãmacũrê netōnăcără tiibócu, jĩiyigu Gamaliel.

⁴⁰Cũũrê “jăũ” jĩiyira.

Jesús beserirare sũocó, tăna, “Jesuyé quetire wedenemorijăña” jĩĩ, cúãrê wionécojăyira.

⁴¹Cúã judíoare dutirá putoꝝ niirira witiyira useniremena. Cãmerí wedeseyira:

—Cõamacũ marirẽ “ãpẽrá cúãrẽ ñañarõ buijápacari, Jesuyére bueduricua” jĩ masĩjĩyi, jĩiyira.

⁴²Búrecoricõrõ Cõamacũwiiꝝ, wiseripú “Jesús Cõamacũ beserigũ niiĩ” jĩ wederucujãyira.

Apóstoles cúãrẽ tiiápuadarare beserigüe

6¹Jõõpemena paꝝ Jesuré pa-deonucãrã tiiyira. Teeburecorire griegoaye wedesera hebreoaye wedeseramena cúayira.

—Ûsãya wedera wapewia numiãrẽ búrecoricõrõ péerogã yaaré ticorã niiãwã, jĩiyira.

²Teero tiirã, cúã doce Jesús beserira Jesuré padeorã niipetirare wedeadera neãdutiꝝyira.

—Ûsã Cõamacũyere wededu, yaaré batori, ãñuria. ³Teero tiirã, siete ãmũã múãmena niirãrẽ beseya. “Cúãrã basocã ãñuũya” jĩrã, Espiritu Santo dutiré tiirucúra, ãñurõ masirã niiãrõ. Múã besedarare yaaré batodutiadacu. ⁴Ûsãpe Cõamacũrẽ sãĩ, cũũyere buerucujãadacu, jĩiyira.

⁵Niipetira: —Teerora wãaaro, jĩiyira.

Teero tiirã, sícũ Esteban wãmecutiguere beseyira. “Cũũ ãñurõ Cõamacũrẽ padeói; cũũmena Espiritu Santo niiqui”, jĩiyira. Æpẽrãrẽ Felipe, Prócoro, Nicanor, Timón, Parmenas, Nicolás beseyira. Nicolás Antioquia macũ ju-

díoayũ niiripacu, cúã tiiróbiro Cõamacũrẽ padeogú wáyigũ. ⁶Cúãrẽ besetõa, Jesús beserira puto néewayira. Cúã néejeari, Cõamacũrẽ sãĩbosáyira. Cúã besearirare ñaapeoyira, Cõamacũ múãrẽ tiiápuaro jĩirã.

⁷Too síro Cõamacũyere paꝝ basocã masĩpetijõãrã tiiyira. Jerusalén macãrã paꝝ Jesuré padeorã niinucãyira. Paiaçã paꝝ Jesuyére tiinucãyira.

Estebanrẽ ñee, néewarigüe

⁸Estebanrẽ Cõamacũ ãñurõ tiiápuyigũ. Teero tiigú, tutuaremena Cõamacũ dícu tiimasírere basocã ññacorõꝝ tiiẽñoꝝyigũ. ⁹Cũũ puto ãpẽrá jeayira. Judíoa niiyira. Cúã dutiapienori basoca niimirira niiyira. Teero tiiró, cúã neãrí wii “Libertado” wãmecutiꝝyiro. Æpẽrá cúã menamacãrã judíoa Cirene macãrã, Alejandría macãrã, Cilicia dita macãrã, Asia dita macãrã niiyira. Cúã cúaremena Estebanrẽ sãĩñáyira. ¹⁰Estebanpe Espiritu Santo cúũrẽ ãñurẽ masirẽ ticorẽmena wedeseyigũ. Teero tiirã, cúã cũũmena wedese sícãrĩbíriyira. ¹¹Sícãrĩbíri, ãpẽrãrẽ niyeru tico, jĩiyira:

—Jĩiditorã wãaya. “Esteban Moisére dutiré cúũriguere ñañarõ wedeseawĩ; Cõamacũcãrẽ ñañarõ wedeseawĩ”, jĩĩ wedewa basocãre, jĩiyira.

¹²Cúã jĩiditoariguere tuorã, niipetira basocã, ãpẽrá bũtoá dutirá, teero biiri Moisés jóarigüe

buerá cúayira. Cutujeá, cūūrē ñee, judíoare dutirá p̄top̄ nē-wayira. ¹³Jīīditoracārē nēewa, wedesedutiya:

—Āni Cōāmacūwiire ñañarō jīīawī. Moisére dutiré cūūriguecārē teerora jīīawī. ¹⁴“Jesús Nazaret macā macū Cōāmacūwiire cōāgūdaqui; Moisés marīrē tiidutiriguere wasojágūdaqui” jīīrī tuoáwū, jīīditoira.

¹⁵Teeré tuoá, judíoare dutirá, too duirá niipetira Estebanrē bayiró ññayira. Cūūya diapóa cūā ññarī, ángeleya diapóa tiiróbiro bauyíro.

Esteban wederigue

7 ¹Paiaré dutigú Estebanrē sáiñáyigu:

—¿Diamacūrā niī āniā mūūrē wedesāre? jīīyigu.

²Esteban yūuyigu:

—Yáa wedera, yūu pacūsūmūā, añurō tuoádadu mūā, yūu wederi. Cōāmacū añurō asibatégu marī ñecū Abrahamrē bauáyigu, Mesopotamiap̄ cūū niirī. Harán macāp̄ cūū niigū wáadari sūguero, cūūrē wedeseyigu. ³“Mūuya ditare, mūuya wederare cúūjā, wáagua. Mūu wáari, mūu niīadari ditare ññogūda”, jīīyigu.

⁴Teeré tuoá, Abraham caldeoaya ditap̄ niīarigu Haránp̄ niigū wáyigu. Toopú cūū pacu diaweojoāyigu. Cūū pacu diaweorí siro, Cōāmacū cūūrē atiditá atitó marī niirórē atidutiya.

⁵Cūū ānopú jeari, dita ticoriyigu ména. Ticoripacu, “too sírop̄ mūuye, mūu p̄rāmerā niinunuseraya dita niīadacu” jīīyigu. Cōāmacū teeré wederitore, Abraham pōnamaníyigu ména. ⁶Cōāmacū cūūrē apéyē wedenemoyigu: “Mūu p̄rāmerā niinunusera āpēráyē ditap̄ niīadacua ména. Dutiapenori basoca niīadacua. Cuatrocientos cūmarī cūārē padeduti, ñañarō tiíapeadacua. ⁷Cūārē teero tiirí, yūu tiidita macārē ññarō tiigúdadu. Yūu teero tiíari siro, mūu p̄rāmerā niinunusera witiadacua. Witi, atiditapú jea, yūu dutiré tiíadacua”, jīīyigu Cōāmacū. ⁸Cōāmacū Abrahamrē wedecūyigu: “Niipetira ūmūārē cūā cōnerigu yapa macā caseróre widedcōāña. Ate yūu jīirére tiirá, mūā yūumena niirére ññoadacu”, jīīyigu Cōāmacū. Teero tiigú, Abraham cūū macū Isaare ocho búrecorí cūū bauári siro, cūū cōnerigu yapa macā caseróre widedcōáyigu. Isaacā teerora tiiyigu cūū macū Jacoré. Jacob teerora tiiyigu cūū pōna doce pōnarī pacūsūmūā niīadarare.

⁹Jacob pōna marī ñecūsūmūā cūā bai Joseré ññatutira, Egiptop̄ wáarare dúayira. Cōāmacūpe cūūmēna niijáyigu, ¹⁰niipetire cūūrē ññarō netōbóarere netōrī tiigúdu. Faraón Egipto dita macārā ōp̄mēna wedeseri, Cōāmacū Joseré masiré ticoyigu. Cōāmacū Faraónrē usenirī tiiyigu Jo-

seména. Teero tiigú, Faraón cūñ-rē cūñ doca macū dutigú sōnecoyigū. Apeyeré, Faraón cūñya wii maquē paderé dutigú cúñyigū.

11 'Too síro niipetiro Egiptopure, Canaánpucārē juabóare wáayiro. Teero tiirá, basocá teeditapure niirá bayiró ñañarō netōrá tiyíra. Marí ñecūsūmuācā yaaré buamasíriyira. 12 Jacob “Egiptopure yaaré dúare niñayiro” jīrē quetire tuogú, cūñ pōnaré, marí ñecūsūmuā niñadarare, “yaaré sáirá wáaya” jīcoyigū. Cūñ sicato ticocogu tiyígu. 13 Cūñ nemo jeari, José “yuu múā bai niñā” jī wedeyigū cūñ sōwūsūmuārē. Faraóncā “cūñ José sōwūsūmuā niñāwā” jīrī tuoyígu. 14 José, cūñ sōwūsūmuāmena queti ticocoyigū cūñ pacupure. “Marí pacu, niipetira maríya wederamena atiaro ñopú”, jīcoyigū. Cūñya wederape “setenta y cinco” niyira. 15 Jacob “jáu” jī, Egiptopure wáajōāyigū. Toopú diayigū. Cūñ pōna marí ñecūsūmuācā toopúra diayira. 16 Jacob diarigu opūārē Siquempure néewayira. Toopú Abraham cūñ Hamor pōnaré ūtātuti sáirítutipure cúñyira.

17 'Abrahamrē Cōāmacū jīri-gue jeaatiri, marí ñecūsūmuā pau basocáputiyira Egiptopure. 18 Cūñ toopú niirā, apī opū sāayigū. Cūñ Josenígū tiiriguere masíriyigū. 19 Cūñ marí ñecūsūmuārē jīdito, ñañarō tiíapeyigū. Cūñ pōna bauárare diaaro jīgū, cōādutiyigū.

20 'Teeburecorira Moisés bauáyigū. Cūñ Cōāmacū iñarí, añugúgā niyigū. Cūñ pacūsūmuā iñarā muipūrā cūñya wiipure cūñrē masōmiyira. 21 Dee tii masíri, cūñrē cōājāyira. Cōāari sirogā, Faraón macō cūñrē iñabuayigo. Iñabua, néema, coo macū tiiróbiro cūñrē masōyigo. 22 Egipto macārā añurō masíráyere bueyira Moisére. Teero tiigú, cuiro maniró wedesegu, opū tiiróbiro tiirécutigū niyigū.

23 'Moisés cuarenta cūmarí cuogú, cūñya wedera Israelya pōna macārārē iñadugagu, cūñ pūtopure wáayigū. 24 Toopú jeagu, sicūrē Egipto macū páari iñayigū. Cūñrē cāmeboságu, Egipto macūrē páasiñāyigū. 25 Cūñ basiropo wācūmiyigū: “Yūmenarā Cōāmacū yáa wederare dutiapenori basoca niirārē witiri tiigúdaqui. Cūñ ateré masícua”, jī wācūmiyigū. Cūñ cūñ tiiróbiro wācūriyira. 26 Apebúreco apērā cūñya wedera purá cāmeríquērā tiirí buajeáyigū. Cūārē cāmeríquēduri tiidugágu, “múā sicūya wedera niñā. ¿Deero tiirá cāmerí ñañarō tii?” jī wedemiyigū. 27 Apírē bayiró ñañarō tiigúpe Moisére tuunécojāyigū. “Muu ūsārē dutigú mee niñā; ūsārē queti besegú mee niñā. 28 ¿Muu ñamica Egipto macūrē siñáriroborora yūre siñadugágu tiii sūcā?” jī yūttutiyigū. 29 Cūñ teero jīrī tuogú, Moisés dutijōāyigū. Madián ditapure wáa, aperó macūpure tiiróbiro niñapurá ūmuā pōnacutiyigū.

30' Moisés tiiditapure cuarenta cūmarī niyigū. Sicabureco basocá maniró Sinai ūtāgū p̄top̄ wáayigū. Toopú yuc̄sati jū̄rī īñayigū. Pecame jū̄rīpōna decop̄ ángele bauáyigū. 31 Moisés teeré īñagū, īñamanijōāyigū. “¿Deero tiiró tee wáamiito?” jī, p̄togāsānūrō īñaquēnogū wáayigū. Cūñ p̄togāp̄ jeari, Cōāmacū tiimé decop̄ cū̄rē wedeseyigū. 32 “Yūñ Cōāmacū niā. Mūñ ñec̄sūmuā Abraham, Isaac, Jacob Ōpū niā”,^j jīyigū. Moisés ñap̄ōpiyigū. Cuigū, īñadujāyigū. 33 Cū̄rē wedesenemoyigū: “Mūñ yūñ p̄tora nucūā. Teero tiigū, m̄ñ sapature tuuwéya. Tuuwé-gū, yūñre padeorére ēñogúdacu. 34 Yáara basoca Egiptop̄ niirárē ñañarō tiiáperi īñā. Cūā pūnisí-re t̄oa. Cū̄rē netōnégūdu dii-átiawū. Teero tiigū, m̄ñurē Egiptop̄ ticocoguda”, jīyigū Cōāmacū.

35' Moisére boorírira too sugue-rop̄ jīyira: “Mūñ ūsārē dutigū mee niā; ūsārē queti besegú mee niā”. Cūā tee jīpacari, Cōāmacū-pe Moisére cū̄rē dutigudu, netō-négūdu sōnecoyigū sáa. Cōāmacū ángelere jū̄rísatip̄ teeré wederi tiyigū. 36 Moiséra cū̄rē néewiti-wayigū. Cū̄rā Cōāmacū sicū̄rā tii-masíre tiiēñoyigū Egiptop̄re. Día Sōárímaa pairímaap̄cārē te-rorra tiiēñoyigū. Cuarenta cūmarī basocá maniróp̄ cūā wáari, teero-

ra tiiēñorucujāyigū. 37 Cū̄rā Is-raelya pōna macārārē wederigū niwī: “Too sírop̄ Cōāmacū profetare ticocogudaqui. Cūñ maríya wedegū niigūdaqui. Yūñ tiiróbiro tiigūdaqui”,^k jī jóarigū niwī Moisés. 38 Moisés basocá maniróp̄ marī ñec̄sūmuā neārī, cūāmena niyigū. Sinai ūtāgūp̄ ángele cū̄rē wedeseyigū. Moisés Cōāmacū dutiré petihérere ñeeyigū, marirē ticoguda.

39' Cū̄rē marī ñec̄sūmuā tuo-dugáriyira. Cū̄rē boohéra, Egiptop̄ cāmecóp̄tadugamiyira. 40 Teero tiirá, Aarónrē jīyira: “Jōñ niirigū marirē Egiptop̄ néeatirigū cūñ bauhéro yoajōā. ¿Deero wáayiri? Marī masíria. Teero tiirá, ūsā padeoádarare weebosaya. Cū̄rē marī apas-gueadacu. Cūā marī wáadari-marē ēñoádacua”, jīyira. 41 Teeburecorire sicū wecū wīmagū tiiróbiro baugū weeyira. Bosebureco tii, ecaráre sīā, sóeditioyira cūñ weearigūre tiipéora. 42 Cūā teero tiirí īñagū, Cōāmacū cūā booró tiiáro jīgū, cūāmena niirigū cōājōāyigū. Cūā booró muī-pūrārē, ñocōárē padeoyira. Teeré profetas jóarira niwā:

Cōāmacū cū̄rē jīyigū:
Mūā Israelya pōna macārā,
basocá maniróp̄re cuarenta
cūmarī niirā,
ecaráre sīā sóeditioriwū,
yūñre padeorá.

^j 7.32 Éxodo 3.6. ^k 7.37 Deuteronomio 8.15,18.

43 Āpī Moloc queorére padeorá, suti caserimena tiirí wiire apacāmesāwū.

Āpī Refán ñocōāwū múā weerigucārē padeorá, teerora tiiwá.

Āniārē múā basirora weewu, padeoádara.

Teero tiigú, múārē ñee, née-wadutiguda Babilonia berupu, jīiyigu Cōāmacū,^l

jīi jóarira niiwā.

44 Esteban wedenemoyigu:

—Marī ñecūsūmuā basocá manirōpu Cōāmacū basocámēna niirí wiire cuoyíra. Tiiwiiré Cōāmacū Moisére cūñ ēñorírobirora tiidutíyigu. 45 Marī ñecūsūmuā niinunuseraya wii putuáyiro. Josuémena néeatiyira tiiwiiré. Cūñ atiditá ñeerā atiri, Cōāmacū atiditá macārārē ācūcoyigu. Cūñ wáaweorepūre niiyira. Yoari tiiwíi ānopú niyiro, té David cūñ ōpū sāāri siropu. 46 David Cōāmacū añurō tiirére buagú jīiyigu: “Muu yuu ñecū Jacob padeoríguya wiire muu niādari wiire tiibosádu-gaga”, jīimiyigu. 47 Cūñ tiibosádugapacari, cūñ macū Salomónpu tiiwiiré tiibosáyigu. 48 Cōāmacū ūmuásepu niigú basocá tiiré wiseripu niirii. Profeta teeré jóarigu niiwí:

49 Yuu boorí, ūmuáse yuu dui-rípīrō tiiróbiro niīadacu; atiditapú yée dūpori yeerisāgūdacu.

Teero tiirá, yáa wii niī-ādari wiire tiimasíría múā.

Yuu yeerisāādarō tiimasíría.

50 Yuu ate niipetirere tiiwá, jīiyigu Cōāmacū,^m

jīi jóarigu niiwí.

51 Esteban cūārē jīinemoyigu:

—Múā Cōāmacū dutirére netōncánetōjōāā. Cūārē masihērā tiiróbiro cūñ wederére tuodugária. Espírítu Santo dutirére tiidugária. Múā ñecūsūmuā tiirírobirora tiijāā. 52 Múā ñecūsūmuā niipetira profetare ñañarō netōrí tiiyíra. Marírē netōnégūdu atiadarere wedesuguerirare sīājáyira. Cūñ wedesuguerigu añugú jeari, múā cūūrē jīiditoremēna wedesā, sīādutírira niīā. 53 Múārē Cōāmacū ángeleamēna cūñ dutirére cúyiyigu. Teeré cúñnorira niipacara, múā netōncánetōjōāā, jīiyigu Esteban.

Estebanrē ūtāperimēna déesīārigue

54 Cūñ tee jīirí tuorá, cúāpe bayiró cúayira. Cūñ cúare ēñorá, upire bacadiyóyira. 55 Estebanpe Espírítu Santo cūñmenā niirí, ūmuásepu iñamūoco, Cōāmacū añurō asibatérere iñayigu. Cōāmacū diamacápe Jesús nucūrī iñayigu. 56 Cūñ cūārē iñagū, jīiyigu:

^l7.42-43 Amós 5.25-27.

^m7.49-50 Isaías 66.1-2.

—Jáã, ãmúáse páõrĩ ãñaã; Cõãmacũ diamacũpe niipetira sõwũ nucũrĩ ãñaã yũũ, jĩiyĩgũ.

⁵⁷⁻⁵⁸ Cũũ tee jĩĩrĩ tũorá, bayiró acaribí, tũodũgáhera cũãye cãmopérĩ paabiáyira. Cũũ pũto sícãrõména cutũjeá, cũũrẽ ñee, tiimacã wesapũ cõãjãyira. Cũãye suti sotoá sãñarẽ tuuwé, ticoyira sícũ mamũrẽ cotedutira. Cũũ wãmecũtiyĩgũ Saulo. Ticotoa, Estebanrẽ ãtãperimena déesãiyira.

⁵⁹ Cũã déesãrã tiirĩ, cũũpe Cõãmacũrẽ sãiyĩgũ:

—Jesús yũũ Õpũ, yũũ yeeripũnarẽ ñeeña, jĩiyĩgũ.

⁶⁰ Ñicãcoberimena jeacũmujea, bayiró acaribĩremena jĩiyĩgũ sũcã:

—Õpũ, acabõya ãniãrẽ ate cũã ñañarẽ tiirẽre, jĩiyĩgũ. Tee jĩĩtoa, diajõãiyĩgũ sãa.

Saulo Jesuré padeorãre ñañarõ tiirĩgũ

8 ¹ Saulo Estebanrẽ sãrĩ ãñagũ, “ãñuã” jĩiyĩgũ.

Tiibũrecora Jerusalẽnpũre Jesuré padeorãre ñañarõ netõrĩ tiinũcãyira. Niipetira Judea ditapũ, Samaria ditapũ dutibatéjõãiyira. Jesús beserira dícu wãariyira. ² ãpẽrã ãmúá Cõãmacũrẽ quionĩremena padeorã Estebanrẽ yaayira. Cũũrẽ yaa, bayiró boorituayira. ³ Saulope Jesuré padeorãre nemorõ ñañarõ tiinetõnũcãyĩgũ. Cũãye wisericõrõ sãawa, ãmúãrẽ, numiãrẽ ñee, néewa, biadũpõyĩgũ peresuwiipũ.

Felipe Samaria macãrãre buerigũ

⁴ Dutibatéwarira cũã wãaro Jesuyé quetire wedewayira. ⁵ Felipe Samaria dita niirĩ macãpũ wãayĩgũ. Toopũ jea, “Jesús Cõãmacũ beserigũ niĩ” jĩĩrẽre wedeyĩgũ. ⁶⁻⁷ Cõãmacũ sícũrã tiimasãrẽre tiieñoiyĩgũ. Wãtã paũ basocãpũre sããrirare witi-dutiyaĩgũ. Witiatira, bayiró acaribĩyira. Paũ wãamasihẽrãrẽ, opayuriri wãarare netõnéyĩgũ. Cũũ teero tiirĩ ãñarã, niipetira cũũ wederẽre ãñurõ tũonũnũseyira. ⁸ Tiimacãpũre bayiró use-niyira.

Simón yái tiirõbiro niigũ

⁹ Toopũre sícũ basocũ yái tiirõbiro niigũ niyiyĩgũ. Cũũ wãmecũtiyĩgũ Simón. Cũũ tiirẽmena Samaria dita macãrãrẽ ucuanẽre tiyiyĩgũ. Cũãrẽ “ũputĩ macũ niĩ” jĩĩ wãcũrĩ tiyiyĩgũ. ¹⁰ Õputĩ macãrã, búri niirã niipetira cũũ jĩĩrẽre ãñurõ tũonũnũseyira. “Ãni Cõãmacũ tutuare cuogũ niiquĩ”, jĩĩmiyira. ¹¹ Yoari pee tiieñoremena cũãrẽ ucuanẽre tiieñoiyĩgũ. Teero tiirã, cũũrẽ tũonũnũsemiyira.

¹² Felipe jea, Cõãmacũ dutirẽ basocãpũre niãdare jearigũre bueyĩgũ. “Jesús Cõãmacũ beserigũ basocãre netõnégũ niĩ” jĩĩrẽre bueyĩgũ too macãrãrẽ. Õmúá, numiã Jesuyé maquẽrẽ tũo, padeotã, wãmẽõtidutiyaĩgũ. ¹³ Simón

“yũcã Jesuré padeóa” jĩĩ, wã-meõtiduti, Felipe wáaro cũũrẽ nũnyũyũ. Felipe Cõãmacũ sĩcũrã tiimasĩrere tiĩẽñojãgũ tiiyũyũ. Simón teeré ñãagũ, ñãamanijõãyũyũ.

¹⁴Jesús beserira Jerusalénpu niirã “Samaria dita macãrã Cõãmacũyere ãñurõ padeoáyira” jĩĩrẽ quetire tũoyĩra. Teero tiirã, Pedro, Juanrẽ ticocoyira toopũre. ¹⁵Cũã toopũ jea, cũãrẽ Cõãmacũrẽ sãĩbosáyira, cũãpũre Espĩritu Santo niigũ jeaaro jĩĩrã. ¹⁶Cũãmena Espĩritu Santo niiriyũyũ ména. Jesús wãmemena dícu wã-meõtinorira niyĩra. ¹⁷Cũãrẽ ñaa-peóri, Espĩritu Santo cũãpũre niigũ jeayũyũ.

¹⁸Simón teeré ñãagũ, Jesús beserirare niyeru ticomiyũyũ.

¹⁹—Ate tiimasĩrere ticoya yũcãrẽ, yũcã ñaa-peorare Espĩritu Santo cũãpũre niigũ jeari, jĩĩmiyũyũ.

²⁰Pedro cũũrẽ jĩĩyũyũ:

—Mũcã Cõãmacũ tutuare ticorere “niyerumena sãĩgũda” jĩĩ wãcũmiãjĩyu. Mũcãmenarã tee niyeru pecamepu jũũtẽrĩjããrõ. ²¹Cõãmacũ ñãarĩ, mũcã diamacũ wãcũria. Ate ãsã tiirere tiimasĩria mũcã. ²²⁻²³Yũcã ñãarĩ, mũcã ñãatutire, mũcã ñãñaré tiirĩpore niinetõjõãã mũcãrẽ. Teero tiigũ, mũcã ñãñaré wãcũrere wãcũpati, wasoyã. Cõãmacũrẽ acabóre sãĩñã. Apetõ tiigũ, mũcã ñãñarõ wãcũrere acabõboqui, jĩĩyũyũ Pedro.

²⁴Simón jĩĩyũyũ:

—Tee mũã jĩĩãrigue yũcãre wãarijããrõ jĩĩrã, mũã yũcãre Cõãmacũrẽ sãĩbosáyã, jĩĩyũyũ.

²⁵Too síro Jesús beserira Jesús tiirĩguere cũũ bueriguere wedeyĩra. Teeré wedetõ, Samaria dita niiré macãrĩ macãrãrẽ Jesuyẽ ãñurẽ quetire wedepũtũayira, Jerusalénpu pũtuara.

Felipe Etiopía macũrẽ wederigue

²⁶Felipere sĩcũ ángele bauã, wedeyũyũ:

—Jerusalén niwarima Gaza macã búarimapũ wáaya. Tiimã basocã manirõpu niwacu, jĩĩyũyũ.

²⁷Felipe tiimapã búayũyũ. Toopũ wáagũ, sĩcũ Etiopía dita macũrẽ bũajeayũyũ. Tiidita õpõ doca macũ niipetire cooye niyerure coterĩ basocũ niyũyũ. Jerusalénpu Cõãmacũrẽ padeogũ jearigũ ²⁸coepũtũagũ tiiyũyũ. Cũũyawũ tũnurĩwũ caballoa wéeriwũpu sãñawayũyũ. Profeta Isaiás jóariguere buegũ tiiyũyũ.

²⁹Espĩritu Santo Felipere: —Iiwurẽ quẽmũ, tiiwã pũtogã wáaya, jĩĩyũyũ.

³⁰Felipe tiiwã pũtogãpu cũtũjeagũ, Isaiás jóariguere bueri tũoyũyũ. Teeré tũogũ: —¿Mũcã buerere tũogãrĩ? jĩĩ sãñáyũyũ.

³¹Cũũpe cũũrẽ yũnyũyũ:

—Tũorĩga. Yũcãre wedegũ manĩ. Jãmũ, mũãsãña; yũcã pũto sãñãgũ atiya, jĩĩyũyũ.

Cũũ mũãsãyũyũ. ³²Cõãmacũyẽ queti jóaripũ maquẽ cũũ bueriguere ate niyiro:

Oveja cúa sãgúdüre ñeewaro tiiróbiro basocüre ñee-wayira.

Oveja wĩmagürẽ póare cúa súari cüü ditamaníröbirora basocúcã ditamaníyigu.

³³Cüürẽ buijáyira. Cüü ñañarẽ tiirípacari, cüürẽ wionécori booríyira.

Cúa ñañarõ tiiríguere deero wedemasíña maniã.

Atiditapú cüü niiré petirí tiiyíra,ⁿ

jĩ jóariguere bueyigu. Ateré buegu tiiyigu Etiopía macü.

³⁴Etiopía macü teeré buetoonucõ, Felipere sãĩñáyigu:

—¿Isaías cüü jĩgú noã niigari? ¿Cüü basiroke o ápĩ niigari? jĩ sãĩñáyigu.

³⁵Felipe cúa bueariguere wedesugue, niipetire Jesuyé quetire wedeyigu. ³⁶Maapu wáara, oco niirõpu jeayira. Etiopía macü jĩyigu:

—Íñaña. Jõõ oco niã. ¿Muu yũre wãmeõtiri, ñeenó cãmotãbogari? jĩyigu.

³⁷—Muu Jesucristore añurõ padeorí, cãmotáre manicú, jĩyigu Felipe.

—Yuu Jesuré padeóa. Cüürã Cõãmacü beserigu niĩ, jĩyigu Etiopía macü.

³⁸Caballoa wéeriwu waatúguere putuánucãdutyigu. Tiiwuré putuánucõtoa, cúa puarã diinucá, oco niirõpu búa, wabawía, Felipe cüürẽ wãmeõtiyigu. ³⁹Cúa waba-

párlĩ, Espíritu Santo Felipere aperiopú néecocutuayigu. Teero tiigú, Etiopía macü Felipere ññanemoriyigu. Useniremena cüü wáarimapu wáyigu sãa. ⁴⁰Felipepe aperiopú bauágu, “Azotopu niã” jĩ ññamasíyigu. Tiimacãrẽ netõwá, macãrĩcõrõ Jesuyé añuré quetire wedewarucu, Cesarea macãpu wedejeayigu.

Saulo Jesuré padeonucárigue

(Hch 22.6-16; 26.12-18)

9¹Saulope Jesuré padeoráre ññatutigu, cüürẽ sãjãgüda jĩgü, paiaré dutigüre ññagü wáyigu. ²Cüürẽ sãiyigu:

—Yuu Damascopu wáagu tiia. Dutirépürirẽ jóabosaya yũre. Teepürirẽ judíoa nearé wiseri macãrã dutirápure wiyagüdu tiia. Mama bueré padeorá ññuã, numiãrẽ ñeegüda. Cüürẽ néeatigüda ñno Jerusalénpu peresu tiigüdu, jĩyigu.

³Too síro teepürimena Damascopu wãajõayigu. Toopú jeagüdu tiirí, wãcüña maniró ññuãsepu cüü puto bóediatiyiro. ⁴Teero wáari, ñaacümu, sícũ cüürẽ wedeseri tũoyigu:

—Saulo, ¿deero tiigü yũre ññarõ tiinunúsei? jĩyigu.

⁵—¿Noã niĩ muu? jĩyigu Saulo.

—Yuu Jesús, muu ñañarõ tiinunúsegura niã. Muu basiroke ññarõ tiigü tiia, yũre teero tiigü, jĩyigu.

ⁿ8.32-33 Isaías 53.7-8.

6 Saulo cui, ñapõpigun, jĩiyigun:
—Õpũ, ¿deero yũu tiiri boogá-
ri?

Jesús cũũrẽ jĩiyigun.^ñ

—Wũmũncãña. Iimacãpu
wáaya. Toopú sícũ wedegũdaqui
mũu tiiádarere, jĩiyigun.

7 Saulomena wáarira wedese-
re tuorá, wedesemasĩrijõãyira.
Teeré tuoracára, wedesegure
ĩñariyira. 8 Saulo wũmũncã,
cũũ capearire ñnarõmiyigun.
Baunóriyigun. Cũã cũũya wãmo-
rẽ ñee, Damascopũ tũãwáyira.
9 Itiábureco ññari, yaari, sñirí-
yigun.

10 Damascopũre sícũ Jesuré pa-
deogú niyigun. Cũũ wãmecuti-
yigun Ananías. Cũũ cãnirĩpacari,
quẽẽrõpu tiiróbiro Jesús cũũrẽ
wedeseyigun:

—Ananías, jĩiyigun.

—¿Deero jĩĩ, yũu Õpũ? jĩĩ yũu-
yigun.

11 Jesús cũũrẽ jĩiyigun:

—Diamacũ niwarĩmapũ wáa-
ya. Toopú Judaya wiipũ Tarso
macũrẽ sãĩñãña. Cũũ wãmecutii
Saulo. Cũũ yũure sãĩgũ tiii.
12 Cũũ quẽẽgũ tiiróbiro ate ññaã-
wĩ: Sícũ Ananías wãmecutigu
cũũ pũtopũ sããati, cũũrẽ ñaapeó
tiiáwĩ, ññaãrõ jĩĩgũ, jĩiyigun.

13 Ananías jĩiyigun:

—Õpũ, paũ basocá queti we-
deawã. Cũũ Jerusalénpu niigũ,
mũũrẽ padeoráre ññaãrõ tiigũ tii-

áyigun. 14 Ñno macãrãcãrẽ mũũrẽ
padeoráre ñeegũ jeaayigun. Paiaré
dutirá dutirigue cnoáyigun, jĩiyigun
Ananías.

15 Jesús cũũrẽ jĩiyigun:

—Wáagua. Yũu cũũrẽ yée que-
tire wedegũdũre besetoawũ. Cũũ
niipetire dita macãrãrẽ, cũã õpã-
rãrẽ, Israelya põna macãrãrẽ we-
dewarucugũ wáagũdaqui. 16 “Je-
suré padeóa” cũũ jĩĩremena cũũ
bayiró ññaãrõ netóádarere yũu
basiro cũũrẽ masĩrĩ tiigũda, jĩiyi-
gũ.

17 Cũũ teero jĩĩari siro, Ananías
toopú wáa, tiwiipú sããwa, Sau-
lore ñaapeó, jĩiyigun:

—Yáa wedegũ, marĩ Õpũ Jesús,
mũu maapu atiri bauárigun, yũure
ticocoawĩ, mũũrẽ “ññaãrõ sũcã”
jĩĩgũ. “Espíritu Santo mũũmena
niããrõ”, jĩĩcoawĩ, jĩiyigun.

18 Máata cũũ capearipu wai nu-
tũrĩ tiiróbiro bauré tusaarigue
ñaacodiayiro. Ññurõ ññayigun sũ-
cã. Ñña, wũmũncã, wãmeõtino-
yigun. 19 Too síro yaa, tutuajõãyi-
gũ sũcã.

Saulo Damascopũ buerigue

Jesuré padeorá Damascopũ nii-
rámena yoasãñurĩ pũtuáyigun.

20 Máata judíoa neárẽ wiseripu
“Jesús Cõãmácũ macũ niĩ” jĩĩrẽ-
re wedenũcãyigun. 21 Niipetira
cũũ wederi tuorá, tuomanĩjõãyi-
ra.

^ñ9.5-6 Versículo 5 yapapu, versículo 6 tiinucãrõpu aperiú bucũpũpu baurĩcu; aperi-
pũpũ baucũ.

—Āni Jerusalénpu niigũ, Jesuré padeoráre ñañarõ tiirígura niirã. Ānopúcãrẽ Jesuré padeoráre ñeegũ atigũ tiimíayigu, Jerusalénpu cúãrẽ néewa, pairaré dutirãpũre ticogudũ, jĩiyira.

²²Saulope cũũ wederécõrõ jõõpemena nemorõ wedemũñncãyigu. Wãcütutuaremena “Jesús diamacúrã Cõãmacũ beserigu niĩ” jĩĩ ãnopetijãyigu. Ateména Damasco macãrã judíoare jĩĩwisiójãrucuyigu.


Damasco macãrã Saulore sãdũgámirigie

²³Yoari siro, judíoa neã, Saulore sãdũtũadarere wedeseyira. ²⁴Cũũpe cũũrẽ sããdare quetire tuoájãyigu. Cũã búrecori, ñamirí, tiimacã witiwarepu cotemiyira, cũũrẽ sããdara. ²⁵Teero tiirã, ñamipũ Saulo buerã cũũrẽ “dutiwã-

ya” jĩĩ, pairí piimena cũũrẽ sãã, tiimacã sãñirõ macã sopegãpu duunũñsedicoyira.

Saulo Jerusalénpu coepũtũarigie

²⁶Cũũ Jerusalénpu jeagu, ãpẽrá Jesuré padeorãmena niidũgamiyigu. Niipetira “cũũ Jesuré padeogú mee niĩ” jĩĩ, cuiyira. ²⁷Cũã cuipacari, Bernabé cũũrẽ tiíapugũ, Jesús beserira putopũ néewayigu. Toopú jea, Saulo maapu Jesuré iñariguere, cũũ cũũmena wedeseriguere, cũũ Damascopũ Jesuyé quetire wãcütutuaremena wederiguere wedeyigu. ²⁸Bernabé wederipu, Saulo cũãmena niinũcãyigu. Jerusalénpucãrẽ wãcütutuaremena Jesuyé quetire wedeyigu. ²⁹Āpẽrá judíoa griegoaye wedeseramena cãmerí sãĩñã, wedeseyigu. Cũãpe cũũrẽ sãdũgãpacara, deero tii



Saulore piimena duunũñsedicorigie

sĩamasĩriyira. ³⁰Cũã teero tiidugári ñnarã, ãpẽrá Jesuré padeorá cũũrẽ néebuayira Cesarepũ. Toopũmena cũũrẽ Tarsopũ ticooyira sáa.

Jesuré padeorá yeerisãrigue

³¹Teeburecorimena Jesuré padeorá yeerisãyira. Jõõpemena niipetira Judea, Galilea, Samaria macãrã nemoró wãcütutua, padeonemóyira. Jesús dutirére quioniremena tiirucujãyira. Espiritu Santo tiiapuremena paũ ãpẽrá Jesuré padeohera niãrira padeonucãyira.

Pedro Enearẽ netõnerigue

³²Pedro niipetire macãrĩpũre ññanetõgũ, Jesuré padeorá Lida macãpũ niirãrẽ ññagũ jeayigu. ³³Toopũ sũcũ buajeayigu. Ocho cũmarĩ netõyiro cũũ wãamasĩhẽgũ pesaró. Cũũ wãmecũtiyigu Eneas. ³⁴Pedro cũũrẽ jĩiyigu:

—Eneas, Jesucristo mũũrẽ netõnéĩ. Wũmũnucãña. Mũũ cõãrõrẽ ññanoña, jĩiyigu.

Cũũ teero jĩĩrĩrã, máata Eneas wũmũnucãyigu. ³⁵Niipetira Lida, Sarón macãrĩ macãrã cũũrẽ ññarã, cããcã Jesuré padeonucãyira.

Dorcac masãrigue

³⁶Jope wãmecũtiri macãpũ sũcõ numiõ Jesuré padeogó niyigo. Coo wãmecũtiyigo Tabita. Griegoayemena coo wãme Dor-


cas niyiro. ^oCoo ãñurõ tiirucujãyigo. Bóaneõrãrẽ ãñurõ tiiapuyigo. ³⁷Teeburecorire diarecuti, diajõãyigo. Coo diaari siro, cãã tiirucúrobirora cooya õpũũrẽ coseyira. Cosetóanucõ, sicutatia ñmũãrõ macã tatiapũ péoyira. ³⁸Jope Lida pũtogã niicu. Teero tiirã, Jope macãrã Jesuré padeorã “Pedro Lidapũ niãyigu” jĩĩrĩ tũorã, ñmũã pũarãrẽ “Pedro boyero atiaro” jĩĩ duticoyira.

³⁹Cũã Lidapũ jeari, máata Pedro cããmena wáayigu. Toopũ jeari, coo diaarigo pesarĩ tatiapũ cũũrẽ néemũãwayira. Tiitatiapũ wapewia numiã Pedro wesa neãnucãyira. Cũã utirara, docasãñare, apeyé suti sotoã sãñarẽ coo catigo cũãrẽ jeebosãriguere ñño-yira. ⁴⁰Pedro niipetirare witiwadutiayigu. Cũã witiwaari siro, ñicãcoberimena jeacũmu, Cõamacũrẽ sãiyigu. Sãitóa, cãmenucã, diaarigore jĩiyigu:

—Tabita, wũmũnucãña.

Cũũ teero jĩĩrĩrã, coo capearire ññarõ, Pedrorẽ ññagõrã, jeacunuãyigo. ⁴¹Cooya wãmopũ ñee, coore wéemũõnucõyigu. Wapewia numiãrẽ, ãpẽrá Jesuré padeorãmena sããatiduti, catigópũ wiyayigu. ⁴²Niipetiro Jopepũ tũosesãjõãyira. Teero tiirã, paũ Jesuré padeonucãyira. ⁴³Pedro Jopepũre peeburecori Simón wáicũra caseri quẽnogũya wiipũ pũtuãyigu.

^o9.36 Dorcas griegoayemena “Ñama” jĩidũgaro tiicú.



— Jope macāye wiseri

Cornelio Pedroke atidutirigue

10 ¹Cesareapu sīcū cien surara dutigá niyigu. Cūñ wāmecūtiyigu Cornelio. Tii pōna macārā surara wāmecūtiyira Italiano. ²Cornelio añuniyigu. Cūñya wii macārā niipetira Cōāmacūrē quioniremena ñña, padeorā niyira. Cornelio judíoa bóaneōrārē niyeru ticorucuyigu. Cōāmacūrē sãirucújãyigu. ³Sicabureco ñamica tres niirí, cãnirípacu, quēēgū tiiróbiro ññayigu. Ángele cūñ puto sããjeari añurō ññãjãyigu.

—Cornelio, jĩyigu.

⁴Cornelio bayiró cuiremena ññayigu cūñrē.

—¿Deero jĩĩ? jĩĩ yũnyigu.

Ángele cūñrē jĩyigu:

—Cōāmacū mññ sãirucúrere “jáñ” jĩĩãwĩ. Mññ bóaneōrārē niyeru ticorécārē useniremena ññaãwĩ. ⁵Jope wāmecūtiri macāpu mññ ññuãrē ticocoya. Simón

Pedro wāmecūtigure atidutiya. ⁶Cūñ wáicura caseri quēnogúya wiipu niiqui. Cūñcã wāmecūtii Simón. Cūñya wii pairímaa wesapu niñã, jĩyigu.

⁷Ángele cūñrē wedettoa, wáajōãyigu. Cūñ wáaari siro, Cornelio cūñya wii padecotera puarārē, sīcū surara cūñrē añurō tiiápugure atidutiyigu. Suraracã Cōāmacūrē padeogúra niyigu. ⁸Niipetire cúãrē wedettoa, Jopepu ticocoyigu.

⁹Apebúreco coeritó niirí, cúã Jopepu jeadaara tiyira. Pedro cūñ niirí wii sotoapu Cōāmacūrē sãigú mññawayigu. ¹⁰Juabóanucãgū, yaadugayigu. Tiiwií macārã cúã yaaré doarí, cãnirípacu, quēēgū tiiróbiro ññayigu. ¹¹Ëmñãse páorí ññayigu. Toopú sicaró sutiróbiro baurí caseroca ditapu diiátiyiro. Vapari wesari siaríro niyiro. ¹²Tiicasero popeapure niipetiracōrō wáicura páira, yeparu wéera, wññrá sã-

ñayira. ¹³Sícũ cũñrẽ wedeseri t̃uoýigũ:

—Jáã, Pedro, ãniãrẽ s̃iáyaya, j̃ĩyigũ.

¹⁴Pedrope cũñrẽ yũyigũ:

—Yaaria, yũ Òpũ. Ñañará ùsã judíoa yaaya maniráno nĩyia. Yũ ãniãnorẽ yaahegu niitu, j̃ĩyigũ.

¹⁵Wedeseri t̃uonemóyigũ:

—Cõamacũ cũñ “ãñurá nĩyia” j̃ĩrãrẽ m̃ũpe “ñañará, yaaya maniráno nĩyia” j̃ĩrijãña, j̃ĩyigũ.

¹⁶Ït̃iãrĩ wedeseari siro, máata tiicasero ùmũãsepu muãjõãyiro sũcã. ¹⁷Pedro bayiró wãcũrecuti-yigũ. “¿Deero j̃ĩdũgaro tiigári tee yũ quẽẽgũ tiiróbiro ññaãrigue?” j̃ĩ wãcũyigũ. Teeré cũñ wãcũgũ tiirí, Cornelio ticocoarira jeayira. “Simónya wii ¿noopú nĩi?” j̃ĩ sãñããri siro, cũñya wiipũ jeayira. ¹⁸Jea, bayiró busurómena sãñãyira:

—¿Simón Pedro wãmecutigu atiwiiré nĩi? j̃ĩyira.

¹⁹Pedro cũñ ññaãriguere wãcũgũ tiirí, Espiritu Santo cũñrẽ j̃ĩyigũ:

—Ït̃iãrã ùmũã m̃ũrẽ ãmaãrã tĩyia. ²⁰Boyero diiwãgua. Cũãmena wãagua. “Cũã judíoa mee nĩyia; yũ cũãmena wári, ññanibocu”, j̃ĩ wãcũrijãña. Yũ cũãrẽ ticocoawũ, j̃ĩyigũ.

²¹Pedro diiwá: —Yũ niã múã ãmaãgũ. ¿Deero tiirónomena atiarĩ múã? j̃ĩyigũ.

²²Cũã yũyira:

—Sícũ cien surara dutigú Cornelio wãmecutigu ticocoawĩ. Cũñ basocú ãñugú, Cõamacũrẽ quioníremena ññagú nĩi. Cũñrẽ niipetira judíoa “ãñuni” j̃ĩyia. Sícũ ángele cũñrẽ bauá, cũñya wiipũ m̃ũrẽ atiaro j̃ĩyigũ, m̃ũ wederere t̃uoáro j̃ĩgũ, j̃ĩyira.

²³Cũã j̃ĩãriguere t̃uogú, Pedro cũãrẽ sãaatiduti, cũñ niirí wiipũ cãniduti-yigũ.

Apebúreco cũãmena wáajõãyigũ. Æpẽrá tiimacã Jope macãrã Jesuré padeorá cũñrẽ bapacutiwayira.

²⁴Apebúrecope jeayira Cesa-reapũre. Corneliope cũñya wederare, cũñ menamacãrãrẽ néõ, yueyigũ. ²⁵Pedro toopú jeari, Cornelio cũñrẽ bocagu witiwayigũ. Toopú quioníremena cũñrẽ padeogú, ñicãcoberimena jeacũmumiyigũ. ²⁶Pedro cũñrẽ wéemũõco: —Nucũña; yũcã basocú niã, j̃ĩyigũ.

²⁷Pedro cũñmena wedeapugũ sããwayigũ. Toopú sããjeagu, paũ basocá neããrirare buajeáyigũ. ²⁸Cũãrẽ j̃ĩyigũ:

—Ûsã judíoare dutirére múã ãñurõ mas̃icu. Múã judíoa nĩhẽrãye wiseripũre naĩõ sããwadutiria. Múãrẽ naĩõ bapacutidutiria. Teero niipacari, yũre Cõamacũ apepõná macãrãrẽ “ñañará nĩyia” j̃ĩdutiriawĩ. ²⁹Teero tiigú, ãniã yũre “jãmũ” j̃ĩrĩ, atiwũ. “Wáaria”, j̃ĩriawũ. Yũ mas̃idũgaga; múã ¿deero tiádara yũre atidutiarĩ? j̃ĩ sãñãyigũ.

³⁰Cornelio cūñrē yuuyigu:
 —Mecūāmena bapari burecori netōā, ate wáari siro: Yñu ati hōranorā atiwíi yáa wiip̄u beti, Cōāmacūrē sāīgú tiiáwū. Wācūña maniró sícū ūm̄u suti asiyáre sãñarigu bauáawī yñu p̄utor̄u.
³¹Cūñ yñure jīñāwī: “Cornelio, Cōāmacū m̄u sãirēre t̄oáwī. M̄u bóaneōrārē niyeru ticorécārē ūseniremena ññaāwī. ³²Teero tiigú, Joper̄u m̄u ūm̄hārē tico-coya. Simón Pedro wāmecutigu-re atidutiya. Cūñ wáic̄ura caseri quēnogáya wiip̄u niiqui. Cūñcã wāmecutii Simón. Cūñya wii pairímaa wesap̄u niia”, jīi wedeawī yñure. ³³Teero tiigú, máata atidutigu ticocoawū. M̄u ãñurō tiigú atiyu. Marī niipetira Cōāmacū ññacorop̄u niā. Niipetire m̄u-rē Cōāmacū wededutiariquere wedeya. T̄oádara tiia, jīiyigu.

Pedro Cornelioya wiip̄u wederigū

³⁴Pedro wedeyigu:
 —Yñu mecūtīgā t̄omasíā: Cōāmacū niipetirare sícārībíro ññāqui. ³⁵Niipetire pōnarī macārã cūñrē quioníremena ññarārē, cūñ booré tiirāre bocaqui. ³⁶Mūñ masīcu: Cōāmacū Israelya pōna macārārē cūñye quetire ticocorigu niiwī, Jesucristomena ãñurō niirecutirere buaáro jīīgū. Jesucristo niipetira Ōp̄u niī. ³⁷Niipetirop̄u ūsã judíoa niirī ditap̄u wáariquere t̄oój̄yu múācã. Teeré tiinucáwū Galileap̄u, Juan baso-

cáre “wāmeōtidutiya” jīñāri siro. ³⁸Cōāmacū Jesús Nazaret macã macūrē tutuare ticorigu niiwī. Espiritu Santo cūñmena niirī tii-rigu niiwī. Jesús cūñ noo wáaro ãñurē tiiwáwi. Niipetira wātī ññañarō tiiirirare netōñéwī. Teeré tii-wí, Cōāmacū cūñmena niirī.

³⁹’Ūsã judíoa niirī ditap̄ure, Jērusalénp̄ure cūñ tiiiriguere ūsã ññapetijāwū. Cūñrēna āp̄erá curusap̄u páabiatu síādutiwa. ⁴⁰Cōāmacūpe itiábureco siro cūñrē masōrigu niiwī. Masōāri si-ro, ūsã p̄utor̄u cūñrē bauánemorī tiiirigu niiwī. ⁴¹Basocá niipetirare bauáriwi. Ūsārē bauáwi. Ūsārē tíator̄u Cōāmacū beserigu niiwī, Jesús tiiádarere ññapetijāārō jīi-gū. Cūñrē masōāri siro, ūsã cūñ-mena yaa, sīni tiiwá. ⁴²Ūsārē cūñye quetire wededutiwi. “Basocá catirāre, diarirare wapa tii-gúdurē cúñrigu niiwī Cōāmacū Jesurē” jīirēre wededutiwi ūsārē. ⁴³Cōāmacū niipetira Jesurē pa-deorāre cūñmena cūñ ññañaré tii-rēre acabógudaqui. Teeré jóarira niiwā niipetira profetas, jīiyigu.

Judíoa niihērārē Espiritu Santo diijeárigū

⁴⁴Pedro teero jīirīrã, Espiritu Santo diijeáyigu Pedro wederere t̄oráp̄ure. ⁴⁵⁻⁴⁶Teero tiirã, cūñ āp̄erāyēmena wedesenucāyira masīripacara. Cōāmacūrē “ãñu-niã m̄u” jīi, ūsenire ticoyira. Judíoa Pedrore bapacutiatarira teeré t̄orã, t̄omanijōāyira.

—¡Acué! Judíoa niihērāpucā-rē Cōāmacū Espíritu Santore niigū jeari tiii, jīīyira.

⁴⁷Pedro jīīyigū:

—Cōāmacū Espíritu Santore ticoi āniācārē marī judíoare tiirōbirora. Teero tiirā, “wāmeōtirijā-ña” jīī cāmōtāmasīria, jīīyigū.

⁴⁸Teero tiigū, cūārē Jesucristo wāmemena wāmeōtidutiwigū. Too síro cūā cūārē jīīyira:

—Ānopú pūtuácūmuña ména síquē burecori ūsāmena, jīīyira.

Teero tiigū, cūāmena pūtuáyigū.

Pedro Jerusalénpu Jesuré padeoráre wederigüe

11 ¹Jesús beserira, Jesuré padeorá Judeapu niirā atequetí tuoyíra: “Judíoa niihērā Cōāmacūye quetire booáyira” jīī-rére tuoyíra. ²Teero tiirā, Pedro Jerusalénpu pūtuajeari, judíoa Jesuré padeorá síquērā cūārē sāi-ñáyira:

³—Mūu judíoa niihērāya wiipū sāāwayiro. Cūāmena yaayiro, jīīyira.

⁴Pedro cūārē toopú wáarigüere āñurō wedemuāñucāyigū cūārē:

⁵—Yūu Joperu niigū, súbusegu tiiwú. Yūu cānirīpacū, quēēgū tiiróbiro iñawū. Ūmuāsepu sicaró sutiróbiro baurí caseroca yūu pūtopū diiátiwū. Too bapari wesari siaríro niiwū. ⁶Yūu tiicasero poperu niirére iña, “¿ñeenó niī?” jīī wācūgū, iñaquēnowū. Niipeti-

ra wáicūra páira, macāñucū macārā, yeparu wéera, wūnrā sāñawā. ⁷Yūu teeré iñarī, sícū yūure wedeseri tuowú: “Jáā, Pedro, āniārē sīāyáya”, jīīwī. ⁸Yūupe cūārē yūuwū: “Yaaria, yūu Ōpū. Ñañará ūsā judíoa yaaya manirāno niīya. Yūu āniānorē yaahegu niitu”, jīīwū. ⁹Ūmuāsepu wedesegu yūure jīīnemowī: “Cōāmacū cūū ‘añurā niīya’ jīīrārē mūupe ‘ñañará, yaaya manirāno niīya’ jīīrijāña”, jīīwī. ¹⁰Ītārī wedeseari siro, niipetiremena ūmuāsepu muājōāwū.

¹¹Teero wáarira, ĩtārā ūmuā Cesarea macārā yūu pūto tico-coarira jearira niiwā yūu niirí wiipūre. ¹²Espíritu Santo yūure cūāmena wáadutiwi. “‘Cūā judíoa mee niīya; yūu cūāmena wáari, ñañanibocu’, jīī wācūrijāña”, jīīwī. Āniā seis Jesuré padeorá yūumena jeawa. Ūsā toopú jea, yūure boocóriguya wiipū sājjeawū. ¹³Ūsā toopú sājjeari, tiiwí macū ūsārē wedewi: “Sícū ángele yáa wiipū nucūrī iñāawū. Cūū yūure jīīāwī: ‘Joperu mūu ūmuārē ticocoya. Cūārē Simón Pedro wāmecutigüere atidutiya. ¹⁴Cūū Cōāmacūyere mūurē wedegudaqui. Mūu, mūuya wii macārāmena netōnéādare quetire wedegudaqui’, jīī wedeawī yūure ángele”, jīīwī.

¹⁵Yūu cūārē wedesenucārīrā, sicato marīre diijeárirobirora Espíritu Santo diijeárigu niiwī cūāpūre. ¹⁶Teeré iñagū, Jesús marī

Ōpū jīiriguere wācūwū: “Juan mūārē ocoména wāmeōtiwi. Yūu Pacupeja nemorō añurō tiigúdaqui mūārē. Péerogā siro Espiritu Santore ticodiocogúdaqui”, jīiwī. 17 Teero tiigú, yūu wācūtu: “Cōāmacū marīrē ticodiocoribirora cūārē ticodiocorigu niwī, cūā Jesucristo marī Ōpūrē padeorí. Teero tiigú, yūu Cōāmacūrē netōncámasiritu”, jīiyigu Pedro.

18 Cūū tee jīirī tʔorá, cūūrē jīinemoriyira sáa. Cōāmacūrē usenire ticoyira:

—Judíoa niihērācā cūā ñañaré tiirére wācūpati, wasorá, Cōāmacū netōnérira niīadacua. Cūācārē catiré petihére ticogúdaqui, jīiyira.

Antioquía macārā tiirécutirigue

19 Judíoa Estebanrē sīārī siro, Jesuré padeoráre ñañarō netōrī tiiyira. Teero tiirá, dutibatéjōāyira. Āpērā Fenicia ditapu, āpērā Chipre nēcūrōpu, āpērā Antioquíapu jeayira. Cūā toopú jeara,

judíoa dícre Jesuyé quetire wedeyira. 20 Sīquērā cūāmena dutiwáwira Antioquíapu jea, judíoa niihērācārē wedeyira. Cūā Chipre macārā, Cirene macārā niyira. “Jesús marīrē netōnégū nipectira Ōpū niī”, jīī wedeyira. 21 Cōāmacū cūārē añurō tiápuyigu. Teero tiirá, paḥ too macārā Jesuré padeonēcáyira.

22 Jerusalén macārā Jesuré padeorá tee quetire tʔoyira. Teeré tʔorá, Bernabére Antioquíapu ticocoyira. 23 Cūū tiimacāpu jea, Cōāmacū cūārē tiāpurere iña, bayirō useniyigu. Cūārē wācūtu tuare tico, wedeyigu:

—Jesuré mūā wācūdurijāña. Cūū dutirére añurō tiirucújāña, jīiyigu.

24 Cūū añuniwī. Espiritu Santo cūūmena niirigu niwī. Añurō Cōāmacūrē padeorucúrigu niwī. Paḥ basocá cūū wedeserere tʔorá Jesuré padeoyira.

25 Bernabé Antioquíapu niigū, Tarsopu Saulore āmaágū jeayigu.



Antioquía Siria ditapu

26 Cũñrẽ buajeá, Antioquíapũ néerũtaayigu. Cũñ tiimacãpũre Jesuré padeorãmena sicacũma niyira. Paũ basocãre bueyira. Toopũ Jesuré padeorãre “cristiano” jĩĩncãyira.

27 Teebũrecorire Jerusalén macãrã profetas Antioquíapũ jeayira. 28 Sícũ cúãmena jearigu wãmecũtiyigu Agabo. Cũñ Espiritu Santo masirẽ ticorãmena wedeyigu:

—Niipetiropũ jubóare wáadacu, jĩiyigu. Jubóare wáawũ Claudio romanuã õpũ niirito.

29 Teerẽ tũorã, Jesuré padeorã cámerí wedeseyira:

—Marĩ niyeru ticocoda Judeapũ niirãrẽ Jesuré padeorãre. Marĩ sũoró jeatuario ticocoda, jĩiyira.

30 Cũñã jĩĩrirobirora niyerure nẽo, Bernabé, Saulomena ticocoyira Judeapũre. Cũñãrẽ jĩiyira:

—Aterẽ ticowa butoã dutirãre, jĩiyira.

Santiago diarigue;

Pedrore peresuwiipũ sõnecorigue

12 1 Teebũrecorire Herodes Judea dita õpũ niyiyigu. Cũñ sĩquẽrã Jesuré padeorãre ñañarõ tiápẽyigu. 2 Juan sõwũ Santiagore espadamena siãdutiyigu. 3-4 Cũñrẽ sĩarĩ ññarã, judíoa useniyira. Cũñ usenirĩ ññagũ, Pedrore ñeeduti, peresuwiipũ sõnecodutiyigu. Baparipõna surara wasso, cũñrẽ coterucuyira. Sicapõna macãrã bapari dícu niyira. Pas-



Pedro surara decorũ cãñigũ tiiyigu.

cua bũrecori niirĩ, Herodes teero tiiyigu. “Pascua bũrecori siro Pedrore néewioneco, basocã ññacoropũ siãdutigũda”, jĩĩ wãcũmiyigu. 5 Teero tiirã, Pedrore cotemiyira peresuwiipũ. Cũñ toopũ niirĩ, Jesuré padeorãre Cõãmacũrẽ bayiró sãrã tiiyira.

Ángele Pedrore peresuwiipũ netõnérigue

6 Herodes cũñrẽ siãdutiadari sũguero macã ñnamirẽ Pedro surara pũarã decorũ cãñigũ tiiyigu. Cõmedã pũadãmena siatúnoyigu. Æpẽrã surara soperũ peresuwiire coterã tiiyira. 7 Wãcũñã maniró sícũ ángele cũñ niirõpũ bauáyigu. Æñurõ bóejõãyiro. Cũñrẽ warupũ paacaré, wãcõyigu.

—Boyero wũmunucãña, jĩiyigu ángele.

Cũñ teero jĩĩrĩrã, cõmedãri Pedroye wãmorĩrẽ siatúaredari jõãcódiaiyiro.

8 —Sitũrũda siatúya. Mũyẽ sature sãñaña, jĩiyigu.

Pedro cũñ jĩĩrirobirora tiiyigu.

—Mũyaro sutiró sotoá macã-rõ sãñaña. Jãmu, yũre nũnũná, jĩiyigu.

⁹Pedro cũũ siro nũnũwitiwayigu. “¿Diamacũrã niigari ate ángele yũre néewitiware? Apetó tiigú, quẽẽgũ tiibócu”, jĩĩ wãcũ-miyigu cũũpeja. ¹⁰Surara niisũ-guerare netõwáyira. Too síro surara ãpẽrãré netõwáyira. Tiiwíi sããwaro cõme sopepãma niirõpũ jeayira. Tiipãma basiro páõjõãyiro. Cũã tiisopere witiwayira. Maapũ yoasãñurõ wáa, ángele di-tijõãyigu.

¹¹Pedro ãñurõ tũomasĩncã-jea, wãcũyigu: “Diamacũrã ni-ãyu yũn ãñãrigue. Niirõrã Cõã-macũ yũre netõnégũdu ángelere ticocoayi, Herodes siãrĩjããrõ jĩĩ-gũ. Judíoa niipetire yũre ãñaã-rõ wáare ãñadũgarere cãmotáa-yi”, jĩĩ wãcũyigu.

¹²Teeré masĩtoa, wáajõãyigu Juan Marcos pacoya wiipũ. Coo wãmecutiyoigo María. Tiiwiipũre paũ basocá neã, Cõãmacũrẽ sãĩrã tiiyira. ¹³Toopú jea, sicato sããrõ macã sopepãmapũ doteyigu. Tii-wíi padegó, Rode wãmecutigo, “¿noã niĩ?” jĩĩ sãĩnãgõ wáyigo. ¹⁴Pedro wedeserere tũomasĩ, bayiró useniyoigo. Usenipaco, páõriyigo. Cãmecutúsã, cũãrẽ: —Pedro sopepã niĩati, jĩĩ wedemiyoigo.

¹⁵—Mũũ teero jĩĩãmajãgõ tiia, jĩĩyira.

—Diamacũrã jĩĩã, jĩĩyigo.

—Too docare Pedrore cotegú ángele niiqui, jĩĩmiyira.

¹⁶Cũã teero jĩĩcõãtorito, Pedro dotejãgũ tiiyigu. Cũã wáa, páõ, Pedrore ãña, ãñamanijõãyira.

¹⁷Cũãrẽ wãmomena wẽẽtucoyigu, nocõrõ wedeseya jĩĩgũ. Cõã-macũ cũũrẽ peresuwiipũ néewiti-waariguere wedeyigu.

—Santiagore, ãpẽrã Jesuré pa-deorãre teeré wedeya, jĩĩyigu.

Tiiwíi niĩarigu witi, wáajõãyigu aperopã.

¹⁸Bóeri surara Pedro manirĩ ãñarã, bayiró wãcũpatiyira. “¿Deero wáayiriye?” cãmerĩ jĩiyira. ¹⁹Herodes “Pedro maniãwĩ” jĩĩrĩ tũogú, surarare “ãmaãrã wáaya” jĩĩcoyigu. Cũã ãmaãmiyira. Bũariyira. Herodes Pedrore cotemiãrirare bayiró sãĩñãrucu, cũãrẽ siãjãdutiyoigo.

Too síro Herodes Judea ditapũ niĩarigu Cesareapũ niigũ wáyigu.

Herodes diarigue

²⁰Herodes bayiró cúayigu Tiro, Sidón macãrĩ macãrãmena. Cũã Herodeya ditapũ yaarẽ sãĩrucúyira. Cũũ cũãmena cúagu, yaarẽ dúadutiriyigu. Teero tiirã, cũũrẽ ãñarã wáyira. Herodeyere duti-bosagumena tiiápure bũayira. Cũũ wãmecutiyoigo Blasto. Cũũ tiiápuremena ãñurõ niirecutirere sãiyira Herodere.

²¹—Tiibũreco niirĩ, múãrẽ wedegũda, jĩĩyigu Herodepe.

Cũũ jĩĩri bũreco jeari, Herodes cũũye õpũ suti ãñuróre sãña, õpũ duirĩpĩrõpũ dui, basocãre wede-

yigu. ²²Cũũ teero wederi, basocá acaribíyira:

—Ate sícũ cõamacũ wederé niã; basocú wederé mee niã, jĩiyira.

²³Cũũpe “niiria; yũ basocú niã; cõamacũ mee niã” jĩriyigu. Teero tiigú, wãcũña maniró ángele cũũrẽ diarecutiri tiiyigu. Teero tiirá, cũũrẽ becoa yaasĩjã-yira.

²⁴Niipetiropũ Jesuyé queti se-sajõayiro. Teero tiirá, paũ Jesuré padeonemóyira.

²⁵Bernabé, Saulomena Jerusalénũ Jesuré padeoráre tiípu-toa, cãmecóputayira Antioquía-pũ. Juan Marcóre cãmãmena néewayira.

Bernabé, Saulo Jesuyé quetire apeyé macãrĩpũ buenũcãrigue

13 ¹Antioquiapũre Jesuré padeorãmãna niyira profetas, ãpẽrá Jesuyére buerá. Noquẽrá niyira:

Bernabé,
Simón (cũũrẽna “Ñĩigũ” jĩiyira),
Lucio (Cirene macã macũ),
Manaén (Herodes Galilea õpũ-
mena sícãrõmena masãrigũ),
Saulo niyira.

²Sicabũreco cũã beti, Cõamacũrẽ sãĩ, usenire ticora tiirí, Espiritu Santo cũãrẽ jĩiyigu:

—Bernabé, Saulore beseya, yũ cũãrẽ “tiiyá” jĩrẽre tiirá wáari, jĩiyigu.

³Teero jĩrĩ tuo, beti, Cõamacũrẽ sãĩfãri siro, cũãrẽ ñaapeó, “wáaya” jĩiyira.

Chiprepũ Bernabé, Saulo buerigue

⁴Teero tiirá, Espiritu Santo ticocoarira niijĩrã, wáyira. Seleucia macãpũ búawasugueyira. Too macãrã dooriwũmena wáa, Chipre nũcũrõpũ jeayira. ⁵Salamina-pũ niirã, judíoa nearé wiseripũ Jesuyé quetire bueyira. Juan Marcos cũãrẽ tiíapugũ wáyigu.

⁶Tiimacã niãrira wáa, tiinũcũrõpũre Jesuyé quetire buesũgocojãyira. Tée apeniãá Pafos macãpũ buejeayira. Tiimacãpũre sícũ judíoayũ yái tiirõbiro niigũrẽ buajeáyira. Cũũ wãmecũtiyigu Barjesús. “Yũ profeta niã”, jĩĩditonetõyigu. ⁷Tiinũcũrõ dutigú bayiró masígú menamacũ niyigu. Cũũ wãmecũtiyigu Sergio Paulo. Cũũ Cõamacũye quetire tuodugágu, Bernabé, Saulore suodutiyigu. ⁸Cũã jeari, yái tiirõbiro biigú cũã buerẽre cãmotádugamiyigu. Cũũrẽ Elimas jĩiyira griegoayemena. Cũũ tiinũcũrõ dutigú Jesuré padeorí booriyigu. ⁹Saulo, ãpẽrá “Pablo” jĩigú, Espiritu Santo cũũmena niirĩ, cũũrẽ bayiró ñña, ¹⁰jĩiyigu:

—Mũũ jĩĩditorebũcu, mũũ booró tiigú, wãĩ tiirõbiro tiigú, ãñũrẽ tiirẽre ñnatutigu niã mũũ. Cõamacũ diamacú wederere “diamacú niiria” jĩĩ wedewisiogu tiia. ¹¹Mũũrẽ mecũtígã Cõamacũ ññaarõ tiigúdaqui. Mũũ capeari ññahẽgũ putuágudacu; yoari muĩ-

pũ bóerere ñnaricu, té Cõamacũ booró jeatuaro, jĩiyigu Pablo.

Máata cũrē naĩtĩjõãyiro. Paaãmanucũ, cũrē wéewaadarare amaãyigu. ¹²Teero wáari ñnagũ, tiinucũrõ dutigú quioníremena Jesuyé buerére ñnamani-jõãgũ, Jesuré padeonucáyigu.

**Antioquía Pisidia ditapũ
Bernabé, Pablo buerigu**

¹³Pablo, cũũ menamacãrãmena Pafopũ niãrira tíãwa, Panfilia ditapũ jeayira. Tiiditapũ jea, Pergepũ wáyira. Cũã Pergepũ jeari, Juan Marcos cũãrē toorá cúũ, coecóputuayigu Jerusalénpũ. ¹⁴Tiimacãpũ niãrira wáyira apemacá Antioquíapũ. Tiimacã Pisidia ditapũ pũtuáa. Judfoa yeerisãri bureco niirĩ, cũã neãrí wiipũ sããwa, duiyira. ¹⁵Moisére dutiré cúũriguere, profetas jóari-guere buetoari, tiiwí dutirá cũãrē wededutiya:

—Ûsãya wedera, basocáre wededugara, wedeya, cũãrē wãcũtutuaaro jĩrã, jĩiyira.

¹⁶Pablo “jáũ” jĩĩ, wũmunucã, wãmo wéëtuyigu, ditamaníã jĩĩgũ. Teero tiitóa, cũãrē wedeyigu:

—Yáa wedera Israelya põna macãrã, Cõamacũrē quioníremena ñnarãcã, yũre tuoyá: ¹⁷Cõamacũ Israelya põna macãrã Òpũ niirigu niiwĩ. Cũũ ñsã ñecũsũmuãrē besecũrigu niiwĩ. Cũã ãpẽrãyé dita Egiptopũ niirĩ, cũãrē paũ basocáputiri tiirigu niiwĩ. Too síro cũã tiiditapũ niirãrē cũũ

tutuaremena néewitiatirigu niiwĩ. ¹⁸Cuarenta cũmarĩ basocã manirõpũ cũã cũrē netõnucãriguere ñcãrigu niiwĩ. ¹⁹Too síro cũã Canaán ditapũ jeari, tiidita macãrã siete põnarĩ macãrãrē cõãrĩ tiirigu niiwĩ. Tiiditare ñsã ñecũsũmuãrē cúũrigu niiwĩ. ²⁰Tiiditapũ cũãrē cúũãri siro, cuatrocientos cincuenta cũmarĩ niiyira.

’Cũã toopá niirĩ, Cõamacũ cũãrē queti beseadarare cúũyigu. Té profeta Samuel niiré burecoripũ dutituyira. ²¹Samuel niirito, basocã sícũ cũã õpũ niigũdũre sãiyira. Cõamacũ cũã õpũrē sõnecoyigu. Cũũ wãmecũtiyigu Saúl. Cũũ pacũ Cis wãmecũtiyigu. Cũã Benjamínya põna macãrã niiyira. Saúl cuarenta cũmarĩ cũã õpũ niiyigu. ²²Cõamacũ cũrē õpũ niiré wionécoari siro, Daviré cũã õpũ sõnecoyigu. Cõamacũ Daviyé maquẽrē wedeyigu basocáre: “Yũũ ñnarĩ, David, Isaí macũ, yũũ tũsarére tiii. Niipetire yũũ tiidutirere tiigũdu niĩ”, jĩiyigu. ²³“Sí-cũ David pãrãmi niinũnusegũpũ Israelya põna macãrãrē netõnẽgũdũre ticocogũda”, jĩĩ wedeyigu Cõamacũ ñsã ñecũsũmuãrē. Jesús Cõamacũ jĩirigũra niĩ. ²⁴Jesús buenucããdari sũguero, Juan Israelya põna macãrãrē bueyueyigu: “Mũã ñañaré tiirére wãcũpati, waso, wãmeõtidutiya”, jĩiyigu. ²⁵Juan cũũ tiiré petiáدارo tiirĩ, jĩiyigu: “Yũũ mũã wãcũgũ mee niã. Yũũ siro ãpĩ atiqui. Cũũ

añunetōgũ niiqui. Yũupe cũũ ðuaró búri niigú niĩ”, jĩiyigu.

²⁶Yáa wedera Abraham pãrãmerã niinũnũsera, Cõamacũrẽ quioniremena ñnarácã, tũoyá. Cõamacũ marĩrẽ cũũ netõnére quetire ticocorigu niiwĩ. ²⁷Jerusalén macãrã, cũãrẽ dutirácã Jesuré ñnãmasĩriyira. Cũã yeerisãre bũrecoricõrõ profetas jóariguere buepacara, tũomasĩriyira. Jesuré sãadutiri, tee jóaripũ jĩrõbirora tiiyira. ²⁸Cũũrẽ sãarĩ tiiréno wapa buaripacara, Pilatore “sãadutíya cũũrẽ” jĩi sãiyira. ²⁹Cõamacũye queti jóaripũ jĩrõbirora cũũrẽ tiipetira, curusapu niigũrẽ néedioco, ùtãtutipũ cũũmiyira. ³⁰Cõamacũpe cũũrẽ diarigũpũre masõrigu niiwĩ. ³¹Jesús cũũ masãri siro, pee bũrecori bauáyigu cũũmena Galileapũ nii, Jerusalénpũ bapacuti jearirare. Cũãrã cũũ masãrigure ñnarira basocãre wedeeya.

³²Ûsãcã múãrẽ teeréna wedea. Cõamacũ marĩ ñecũsũmũãrẽ cũũ jĩiirõbirora ³³marĩrẽ cũã pãrãmerã niinũnũserapũre teeré tii-éñoyigu. Tee Jesús diarigũpũre masõrigue niĩã. Salmopũcãrẽ teeré biiro jóanoã: “Mũũ yũũ macũ niĩã. Mecũãmena yũũ mũũ pacu niirére masĩadacua”,^p jĩi jóarigue niĩã. ³⁴Cũũ diarigũpũ masõãdare, cũũya õpũũ bóariadarecãrẽ biiro jóanoã: “Niipetire yũũ Davi-

ré jĩiriguedõrõ mũũrẽ añurõ tii-boságũdacu”,^q jĩi jóanoã. ³⁵Salmopũpũ David biiro jóarigu niiwĩ sũcã: “Mũũ ‘bõarijããrõ’ jĩigũdacu mũũ maĩgũrẽ”,^r jĩi jóarigu niiwĩ. ³⁶Davipé Cõamacũ dutiré-re tii, cũũ dutirito macãrãrẽ tii-ápu, too síro diajõã, cũũrẽ yaaári siro, bóawejõãjĩyi. ³⁷Cõamacũ masõrigupe bóawerigu niiwĩ. ³⁸⁻³⁹Yáa wedera, yũũ múãrẽ wederére masĩri booa. Mũã Moisére dutiré cũũriguere tiipacãra, acabóre buaricu. Jesuména, cũũrẽ padeorã, tee niipetire acabóya maniriguere acabóre buamasĩcu. ⁴⁰Profetas jóarigue mũãrẽ wãari jĩirã, añurõ wãcũña. Biiro jóarira niiwã:

⁴¹Mũã Cõamacũrẽ buijãrã, añurõ tiyá.

Mũã catiré bũrecorire yũũ tiiádarere éñogũda.

Ãpẽrá múãrẽ teeré añurõ wedepacari, padeorídojãcu.

Teero tiirã, ñnãmanijõã, diajõãadacu mũã,^s

jĩi jóarira niiwã, jĩi wedeyigu Pablo.

⁴²Cũã witiwari, cũãrẽ sãiyira:

—Ape yeerisãri bũreco niirĩ, ateré buewa sũcã ùsãrẽ, jĩiyira.

⁴³Tiiwiĩ neãrira witiabawara, paũ judíoa, judíoa niihãrã Cõamacũrẽ useniremena padeorã cũãmena bapacutiwayira. Pablo, Bernabé cũãrẽ jĩiyira:

^p 13.33 Salmo 2.7.

^q 13.34 Isaías 55.3.

^r 13.35 Salmo 16.10.

^s 13.41 Habacuc 1.5.

—Cõamacũ múãrẽ añurẽ tico-rére wãcũdurijãña. Cũũrẽ padeo-rucújãña, jĩ wedeyira.

⁴⁴Apesemána yeerisãri bæreco niirĩ, niipetira tiimacã macãrã Cõamacũye quetire t̃woádara neãyira. ⁴⁵Пау neãrĩ ñnarã, judíoa bayiró pesucútiyira. Teero tiirã, ññarõ wedeseremena Pablo buerere “diamacũ niiria” jĩ buijáyira. ⁴⁶Pablo, Bernabé teeré t̃worá, cuiro maniró cũãrẽ jĩyira:

—Múã judíoare ãpẽrá suguero Cõamacũye quetire bueró niiró tiiwú. Múã teeré t̃wopacára, boorí. “Cõamacũ catiré petihére ticorere c̃wobórano mee niã”, jĩrã tiia múã. Teero tiirã, ãsã mecúti-gãrẽ judíoa niihẽrãrẽ Cõamacũye quetire bueadacu sãa. ⁴⁷Cõamacũ teeré jĩ dutirigu niiwĩ ãsãrẽ cũũye maquẽ jóaripũpũre:

Υμν μνηρẽ sããwócore tiiró-biro cúũã judíoa niihẽrã-pũre.

Υμν netõnére quetire buegũ-dacu niipetire macãrĩpũ, ^tjĩ jóarigue niã, jĩiyigu Pablo.

⁴⁸Teeré t̃worá, judíoa niihẽrã bayiró ãseniyira. “Cõamacũye queti añunetõjõãã”, jĩyira. Cõamacũ catiré petihére ticonoádara padeonucáyira. ⁴⁹Tiit̃wopũre Jesuyé quetire wedewarucuyira. ⁵⁰Judíoape Pablo, Bernabé cõãdugayira. Cũã masírã numiãrẽ cúari tiiyira. Cũã numiã cũãmena naĩrõ súubusera neãrã ni-

yira. Basocã añurã numiã niiyira. ãmũácãrẽ teerora cúari tiiyira. Cũã ãmũã p̃p̃tĩ macãrã niiyira tiimacãpũre. Pablo, Bernabé ññarõ tiinucãrĩ tii, cúãya ditapũ niĩarirare cõãjãyira. ⁵¹Cũãpe tiimacã maquẽ dita cúãye d̃wopori túaariguere páabatecõãyira. “Múã basiro wapa c̃woa” jĩrã, teero tiiyira. Iconio macãpũ wãajõãyira. ⁵²Jesuré padeorã Espiritu Santo cúãmena niirĩ, bayiró ãseniremena p̃t̃wúáyira.

Iconiopũ Pablo, Bernabé tiirigue

14 ¹Pablo, Bernabé Iconio-pũre judíoa neãrĩ wiipũ sããwa, wedeyira. Cũã t̃woriãñu-remena wederi, paũ judíoa, ãpẽrá judíoa niihẽrã Jesuré padeonucáyira. ²Judíoa Jesuré padeohera judíoa niihẽrãrẽ cúari tii, ññarõ wãcũrĩ tiiyira Pablo, Bernabé. ³Teero tiirã, Pablo, Bernabé yoari p̃t̃wúáyira tiimacãpũre. Cuiro maniró marĩ Õpũyere wedeyira. Cõamacũpe “diamacũrã wedeeya” jĩĩgũ, cũũ tutuaremena tiiẽnorĩ tiiyigu. ⁴Tiimacã macãrã p̃wãpõná batoyira. ãpẽrá judíoa tiiróbiro wãcũyira; ãpẽrápé Jesús beserira tiiróbiro wãcũyira. ⁵Teero tiirã, judíoa niihẽrã, judíoa, cũãrẽ dutirãmena neã, wedeseyira:

—Jãmũ, Pablo, Bernabé ññarõ jĩ, ãtãperimena déesããda marĩ, jĩmiyira.

^t13.47 Isaías 42.4; 49.6.

⁶Pablo, Bernabé cûārē ñañarõ tiidugárere tʷorá, dutijóâyira. Licaonia ditapɯ jea, too maquẽ macārī Listra, Derbe, apeyé macārī-pɯcārē jeayira. ⁷Toopúre Jesuyé añuré quetire wedewarucuyira sũcã.

Listrapɯ Pablöre ütãperimena déerigue

⁸Listrapɯ sícũ basocú wáama-sihẽgũ duiyigɯ. Sicato bauágɯpɯ-ra dɯpori posarigɯ niyigɯ. ⁹Toopú duiɯ, Pablo basocáre wederere tʷoyigɯ. Pablo cûñrẽ ñña, “ãni Jesuré cûãyẽ dɯpori netõné-masĩrere padeói” jĩ wãcũyigɯ. ¹⁰Teero tiigú, bayiró wedeseremena: —Mɯɯ dɯporimena añuripĩ wũmɯncãña, jĩyigɯ.

Cũũ teero jĩrĩrã, bupucutúa, wãancãyigɯ. ¹¹Pablo teero tiirí ññarã, Licaonia macãrã cûãyemena bayiró busurómena wedeseyira:

—Cõãpõna basocá tiiróbiro õpũñcutira marĩ pɯtopɯ diijeá-aya, jĩyira.

¹²Bernabére cûãyagɯ cõamacũ Zeus wãmecutigɯ wãme tuuyira. Pablopere, cũũ wederĩ ññarã, ãpĩ cûãyagɯ cõamacũ Hermes wãmecutigɯ wãme tuuyira. ¹³Tiimacã witiwaropɯ Zeure padeorí wii niyiro. Tiiwí macũ pai wecúa ãmũãrẽ coorimena mamõãrirare tiimacã sããwaropɯ néeatiduti-yigɯ. Pai, ãpẽrá too macãrã Pablo, Bernabére padeoádara, wecuaré sããdugámiyira. ¹⁴Cũã teeré tiidugári tʷorá, Pablo, Bernabé cûã

basiro cûãyẽ sutire wéeyigajâyira. “Mũã tiiadare bayiró ñañaã” jĩrã, teero tiyira. Cũã pau deco-pɯ cutɯwá, cûārē bayiró busurómena jĩyira:

¹⁵—¡Mũã ãsarẽ teeré tiirjãña! ãsãcã mũã tiiróbirora basocá niiã. Mũã biiro tiirécutirere nocõrõrã duujãña. Mũã padeoré wapamaníã. Cõãmacũ catigúpere padeonucãña. Cũũ ãmũãse, atiditã, día pairímaa, niipetire atibú-reco niirere tiirigɯ niwĩ. Teeré mũãrẽ wedera atira tiiáwũ. ¹⁶Cõãmacũ tíatopɯre niipetire dita macārī macãrã cûã booró tiirí, cãmotáririgɯ niwĩ. ¹⁷Basocá cûñrẽ padeoripacari, cũũ niirecutirere cũũ añuré tiirémãna ãñoĩ niipetirare. Cũũ oco peari tiirémãna ote ducacutiri tiii. Marĩrẽ añuró yaaré tico, ãseniremena niirĩ tiii, jĩyira.

¹⁸Wáicɯrãre sãã, cûārē padeoádara tiimiyira. Péerogã dusaátiri, Pablo, Bernabé cûārē cãmotájâyira.

¹⁹Antioquía macãrã, ãpẽrá Iconio macãrã jeayira toopúre. Judíoa niyira cûã. Basocáre wãcũre wasorí tiyira. Pablöre ütãperimena dée, “diajõãĩ” jĩmiyira. Macã wesapɯ wéewa, cûũjâyira. ²⁰Jesuré padeorá cûñrẽ ñnasodeanucãyira. Cũũpe wũmɯncã, macãpɯ piyajóâyigɯ sũcã. Apebúreco Bernabémãna Derbepɯ wáajóâyigɯ.

²¹Cũã toopú jea, Jesuyé añuré quetire wedeyira. Too macãrã

paꝝ cŭã buerére padeoncãýira. Too síro cŭã cãmerutãaatiyira Listrapꝝ. Too macãrã Iconiopꝝ, too macãrã Antioquíapꝝ pꝛtũa-jeayira. ²²Teemacãrĩpꝛe Jesuré padeorãre wãcütutuare ticoyira. “Jesuré padeorucújãña”, jĩiyira. “Marĩ Cõãmacũ Òpũ niirópꝝ wãaadari sũguero, pee ñañaré wáari, wãcũbayijãrõ booa”, jĩiyira. ²³Jesuré padeoré põnarĩcõrõ bũtoá dutirãre beseyira. Cũãrẽ cũũrã, beti, Cõãmacũrẽ sãiyira. “Marĩ Òpũ múã padeogú tiápu-aro múãrẽ” jĩ, wãájõayira.

Antioquía Siria ditapꝝ Pablo, Bernabé putuárigue

²⁴Pablo, Bernabé Pisidia ditapꝝ netõwá, Panfilia ditapꝝ jeayira. ²⁵Pergepꝝ wedetõa, Atalia macãpꝝ búajeayira. ²⁶Too macãrã doo-riwũmena wáyira Antioquíapꝝ wáara. Tiimacã macãrã cũãrẽ sica-to ticocora, “Cõãmacũ múãrẽ ãñu-rõ cotearo” jĩ ticocoyira. Cõãmacũ tiidutĩrere tiirã wãadutiyira. Cũãpe teeré tiipetĩtoa, pꝛtũajea-jõayira. ²⁷Tiimacãpꝝ coerã, Jesuré padeorãre neõ, Cõãmacũ cũãmena tiirĩguere wedeyira. “Cõãmacũ judíoa niihẽrãcãrẽ netõnerere tico-wi”, jĩ wedeyira. ²⁸Cũã yoari pꝛtũayira Jesuré padeorãmena.

Jerusalénpꝝ neãrigue

15 ¹Cũã toopú niirĩ, ãpẽrá Judea dita macãrã cũã pꝛtopꝝ jeayira. Jesuré padeorãre bueyira:

—Múã Moisére dutiré cũũrigue tihéri, múã cõnerĩgu yapa macã caseróre widedcõãhẽrĩ, Cõãmacũ múãrẽ netõnerĩqui, jĩiyira.

²Pablo, Bernabé cũãmena bayiró cãmerĩ wedeseyira. Teero tiirã, Antioquíã macãrã Jerusalenpꝝ ticocoadara, Pablo, Bernabé, ãpẽrá too macãrãrẽ beseyira. Cũãrẽ jĩiyira:

—Jerusalénpꝝ wáaya. Jesús beserirãmena, ãpẽrá bũtoá dutirãmena wedesera wáaya tee marĩ wedesere maquẽrẽ, jĩ ticocoyira.

³Jesuré padeorã cũãrẽ ticocori, Fenicia dita, Samaria ditapꝝ netõwáyira. Teemacãrĩpꝝ netõwãra, judíoa niihẽrã cũã Jesuré padeoncãrĩguere quetire wedeyira. Tee quetire tũorã, niipetira Jesuré padeorã bayiró useniyira.

⁴Cũã Jerusalenpꝝ jeari, Jesuré padeorã, Jesús beserira, ãpẽrá bũtoá dutirã cũãrẽ bocayira. Cũãrẽ Cõãmacũ cũãmena tiirĩguere wedeyira. ⁵Toopũre síquẽrã fariseo basoca Jesuré padeorã niiyira. Cũã wũmũncã, wedeseyira:

—Judíoa niihẽrã cũã Jesuré padeorĩ, cũã cõnerĩgu yapa macã caseróre widedcõãdutiro booa. Moisére dutiré cũũriguere tiidutiro booa, jĩmiyira.

⁶Teero tiirã, Jesús beserira, ãpẽrá bũtoá dutirã neã, wedeseyira tee maquẽrẽ. ⁷Cũã yoari cãmerĩ sãĩñã wedeseari siro, Pedro wũmũncã, cũãrẽ jĩiyigũ:

—Yáa wedera, múã masĩã: Cõãmacũ jõõ niiritorpꝝ, judíoa

niihērārē cūūye quetire wededu-
tigu, yūre beserigu niwī. Cūā-
cārē teeré t̄uo, “Jesuré padeoáro”
jīirigu niwī. ⁸Cōāmacū niipetire
basocá wácūrere masigú “yáara
niīya cūā” jīirere ēñogú, Espiritu
Santore ticorigu niwī cūārē ma-
rīrē cūū ticorirobirora. ⁹Marīrē
cūāmena tuuducáwaririgu niwī.
Cūācārē Jesuré padeorí, cūā ña-
ñaré tiirere acabórigu niwī.
¹⁰Múā Cōāmacūrē “m̄m̄ cūārē
netónemasīricu, cūā Moisére du-
tiré cūūriguere tiihéri” jīirā tiicú.
Marī ñecūsūmūā Moisére dutiré
cūūriguere tii sīcārībiriya; ma-
rīcā sīcārībīricu. ¹¹Cōāmacū ju-
díoa niihērārē tiiróbiro marīrē
netónéqui. Jesús marī Ōp̄rē pa-
deorí, wapa booró maniró marī-
cārē netónéqui, jīiyigu Pedro.

¹²Teeré t̄uorá, niipetira ditama-
nījōāyira. Bernabé, Pablo wedese-
recārē añurō t̄uoyira. Judíoa nii-
hērā p̄top̄ Cōāmacū cūāmena
tiiēñonetōriguere wedeyira. ¹³Cūā
wedetoari, Santiago wedeyigu:

—Yáa wedera, t̄uoyá. ¹⁴Cōā-
macū judíoa niihērāp̄re cūūyara
niīadarare besesugueriguere we-
deawī Simón Pedro. ¹⁵Profetas
teerora jóarira niwā. Cūā jóari-
guere añurō t̄uoyá:

¹⁶“David dutirigue petirí siro,
cūū pārāmérā niin̄n̄usera
dutrigue petirí sirop̄,
sīcū David pārāmi niin̄n̄-
segure

yū cūā ōp̄ sōnecogudacu
sūcā.

¹⁷Teero tiirá, judíoa niihērā
yūre padeoádacua,
yū beserira niijīrā”, ¹⁸jīiri-
gu niwī Cōāmacū.

Tíatop̄ teeré jīirigu niwī
Cōāmacū, basocáre masī-
dutigu,^u

jīi jóarira niwā.

¹⁹“Too docare judíoa niihērā
Jesuré padeon̄cārārē “dutipoto-
cōrijāāda sáa” jīi wácūā yū.
²⁰Ateré jóaada cūārē: Wáic̄ra
dii cūā padeoráre ticoariguere
yaarijāña. Āp̄rāmēna ñañarō
ñeeaperijāña. Wáic̄ra dii díi
cōāña maniré diiré yaarijāña.
Wáic̄ra díire s̄nirijāña, jīi jóa-
ada. ²¹Múā masīā: Tíatop̄ marī
yeerisāre burecoricōrō Moisére
dutrige cūūriguere weden̄cājiya.
Marīcā atitóre buedecoc̄tia.
Teeré niipetire macārīp̄ judíoa
neārē wiserip̄ bueeya, jīiyigu
Santiago.

Judíoa niihērārē jóarip̄

²²Teero tiirá, Jesús beserira,
āp̄rā b̄toá dutirá, niipetira Je-
suré padeorámēna jīiyira: “Marī
ticocoadarare beseri, añuādacu.
Pablo, Bernabémēna cūārē tico-
coco Antioquíap̄”, jīiyira. Juda-
re beseyira. Cūūrēna āp̄rā Bar-
sabás jīiyira. Āp̄i Silas niiyigu.
Cūā p̄arā cūā añurō padeorá nii-
yira.

^u15.16-18 Amós 9.11-12.

23 Cúãmena atipú ticocoyira: “Ûsã Jesús cūũyere wede-dutigũ beserira, ãpẽrã butoá dutirá múã judíoa niñhẽrãrẽ ãñudutia. Múã ùsã baira tiiróbiro niirã Antioquíapũ, Sírriapũ, Ciliciapũ niirãrẽ jóaa. 24 Siquẽrã ãno macãrã ùsã menamacãrã ùsã dutiró maniró múã pũtopũ wáyira. Múãrẽ potocóãyira. Cúã wederẽmena múãrẽ wedewisioyira. 25 Teeré tũorã, ùsã sãcãrãbíro wãcũrẽmena ùmũã sãquẽrãrẽ múã pũtopũ bese, ticocori, ‘ãñuãdacu’ jĩãwũ. Cúã wáaadacua Bernabé, Pablo marĩ bayiró maĩrãmena. 26 Bernabé, Pablo sãrĩquíoro tiiyíra, Jesucristo marĩ Òpũyere buera. 27 Judas, Silas ùsã ticocora wedeadacua atipú maquẽrẽ. 28 Ûsãrẽ Espíritu Santo wãcũrẽ titorobirora pee dutiré múãrẽ cúũricu. Ate bayiró booré dícare múãrẽ cúũãda: 29 Wáicũra dii cúã weerirare ticoariguere yaarijãña. Wáicũra díre sãnirijãña. Wáicũra dii díi cõãña maniré diiré yaarijãña. Æpẽrãmẽna ñãnarõ ñeaperijãña. Múã ate dutiré tiiã, diamacũ tiiãrã niãdacu. Nocõrõrã niã”, jĩ jóayira.

30 Cúã “wáara tia” jĩ, Antioquíapũ wáajõãyira. Toopú jea, basocãre neãduti, tiipũrẽ wiyayíra. 31 Tiipũrẽ bueri tũorã, wãcũtutua-

re ñeerã, ãñurõ ùseniyira. 32 Judas, Silas profetas niijĩrã, yoari wedeyira. Æñurõ wãcũtutua, ãñurõ yee-ripũnacũtũre ticonemoyira cúãrẽ. 33 Yoasãñurĩ niiyira cúãmena. Too síro “wáara tia” jĩ, wáajõãyira. Too macãrãpe “Cõãmacũmena wáaya múãrẽ ticocorira pũtopũ” jĩcoyira. 34 Silape “wáagu tia” jĩ-racũ, “yũ ãno pũtuãgũda” jĩ, pũtuãjãyigũ. 35 Pablo, Bernabéã too Antioquíapũ pũtuãjãyira. Paũ ãpẽrãmẽna too macãrãrẽ Jesuyé quetire bueyira.

Pablo, Bernabé cãmerí cõarigũe

36 Nocõrõ yoari siro, Pablo Bernabére jĩiyigũ:

—Jãmũ sũcã, wáaco marĩ Jesuyé quetire bueré macãrĩcõrõ. Jesuré padeonũcãrĩrãre iñanetõãda, ¿deero niirecutimĩ cúã? jĩrã, jĩimiyigũ.

37 Bernabé néewadũgamiyigũ Juan Marcõre. 38 Pablope jĩiyigũ:

—Too sugueropũ bueyapacũtiriwĩ cũũ. Panfiliapũ marĩ niirĩ, cõãcopũtuãatiwi. Marĩmena wãanemorĩ boorigã, jĩiyigũ.

39 Cúã basiro bayiró cãmerí wedese, cúã, cãmerí cõãjãyira. Bernabépe dooríwũmena Chipre nũcũrõpũ Marcõre néewayigũ. 40 Pablope Silare beseyigũ. Jesuré padeorã “Cõãmacũ cũũ ãñurẽ tiorẽmena múãrẽ cotearo” jĩ sãĩbosãari siro, wáajõãyigũ. 41 Wáã, Siria, Cilicia ditapũ netõwáyigũ. Jesuré padeorãre wãcũtutua ticonemoyigũ.

**Silas, Timoteore Pablo
néewarigue**

16¹ Pablo Derbe, Listra ma-
cārĩpũre jeayigu. Toopú
sĩcũ Jesuré padeogũre buajeáyi-
gu. Cũũ wãmecutiwigũ Timoteo.
Cũũ judíoayo Jesuré padeogó
macũ niyigũ. Pacupé griegoayu
niyigũ. ² Jesuré padeorá Listra,
Iconio macārã cũũrẽ “añuniĩ” jĩĩ
wedeseyira. ³ Pablo cũũrẽ bapa-
cutiaro jĩĩgũ, néewadugayigũ.
Judíoare tiigũ, Pablo Timoteo cõ-
nerĩgu yapa macã caseróre wide-
cõãdutiwigũ. Judíoa niipetira tii-
dita macārãpe Timoteo pacũ
griegoayu niirere masiyira. ⁴ Tee-
ro tiitõa, macārĩpũre netõwáyira.
Jerusalén macārã Jesús beserira,
ãpẽrá bũtoá dutirá dutiré cúũri-
guere wede, “teeré tiiyá” jĩĩnetõ-
wayira. ⁵ Teero tiirã, Jesuré pa-
deorã wãcũtutuanemoyira. Jesu-
ré padeodũriyira. Bũrecoricõõ
ãpẽrãcã Jesuré padeonũcáyira.

**Pablo quẽẽgũ tiirõbiro
Macedonia macũrẽ ñnarigue**

⁶ Too síro cũã Asia ditapũ Jesu-
yé quetire buera wãadugare Espi-
ritu Santo cãmotáyigũ. Teero
tiirã, Frigia, Galacia ditape tããtã-
wa, ⁷ Misia dita táariropũ jeayira.
Toopú jea, Bitinia ditapũ wãajõã-
miyira. Espiritu Santo toopúcãrẽ
wãadutiriyigũ. ⁸ Teero tiirã, Mi-

sia netõwã, búawayira Troaspũ.
⁹ Toopú ñami Pablo quẽẽgũ tiirõ-
biro sĩcũ Macedonia dita macũ
cũũ pũto wedesenucũrĩ ñnayigũ:

—Ûsã Macedonia macãrãrẽ tii-
ápugũ tĩãatiya, jĩĩyigũ.

¹⁰ Cũũ quẽẽrõpũ tiirõbiro ññaã-
ri siro, máata ãsãrẽ néewaadari-
wũre ãmaãwũ. ^v “Cõãmacũ marĩ-
rẽ Macedonia macãrãrẽ Jesuyé
ãñurẽ quetire wededutigũ tiiãji-
yi”, jĩĩ wãcũwũ.

Filipospũ Lidia padeonũcãrigue

¹¹ Ûsã Troaspũ niiãrira doorĩ-
wũmena diamacãrã Samotracia
nũcũrõpũ wãajõãwũ. Apebũreco
Neápolis macãpũ wãawũ. ¹² Too
macãrã Filipospũ maajeáwũ. Ro-
manuã tiirĩ macã niiã. Macedo-
nia ditapũre Filipos búri niirĩ ma-
cã mee niiã. Tiimacãpũre sĩquẽ
bũrecori pũtũáwũ. ¹³ Judíoa yee-
risãri bũreco niirĩ, tiimacãrẽ wi-
tiwa, día wesapũ jeawũ. “Judíoa
sũubusero toopú niibocu”, jĩĩ wã-
cũwũ. Numiã neããrĩrare buajeã,
cũãmena dui, wedewũ cũãrẽ.
¹⁴ Toopũre sĩcõ Tiatira macã ma-
cõ niiwõ. Coosuti wapapacãre
sõã ñiisãñũre dúago niiwõ. Cõã-
macũrẽ padeogó niiwõ. Coo wã-
mecutiwo Lidia. Coo Pablo wede-
rere tũorĩ, Cõãmacũ coore ãñurõ
tũonũnũseri tiiwĩ. ¹⁵ Coore, coo-
ya wii macãrãrẽ wãmẽõtiari siro,
ũsãrẽ jĩĩwõ:

^v **16.10** Lucas atipũ jõarigũ Troaspũ niijĩyi. Pablo toopú jeari, Lucas cũũmena wãa-
yigũ Macedoniapũ.

—Yũre “diamacũrã Jesuré pa-deogó niyo” jĩĩ wãcũrã, jãmu, yãa wiipũ pũtuãya, jĩĩwõ.

Coo bayiró pũtuãduti ri tuorã, pũtuãwu.

Pablore, Silare peresuwiipũ sõnecorigue

16 Sicabũreco ãsã Cõãmãcũrẽ súbuseropũ wãara, sĩcõ numiõ wãtĩ sããnorigore bocawũ. Coo ãpẽrãrẽ dutiãpenori basoco ni-wõ. Wãtĩ masirẽ ticorẽmena too síropũ wãaadarere wedemasĩwõ. Coo teero wederẽmena coore dutiãpera pairó niyeru wapasẽwa. 17 Pablore, ãsãrẽ bayiró busurõmena jĩĩnũnũsewo:

—Ãniã Cõãmãcũ ãmũãsepu niigũrẽ padecotera niĩya. Cõãmãcũ basocãre netõnere quetire wedeeya, jĩĩwõ.

18 Pee bũreconi teero jĩĩnũnũsewo. Pablope pãasuti, cãmenũcã, wãtĩ coomena niigũrẽ jĩĩwĩ:

—Mũn coomena niigũrẽ Jesu-cristo wãmemena witiwadutia, jĩĩwĩ.

Mãata witiõãrigũ niwĩ.

19 Coore dutiãpera “deero tii niyeru wapatãnemicu coomena” jĩĩwã. Teero tiirã, Pablo, Silare ñee, tiimacã decopũ dutirãpũre nẽewawa. 20 Queti beserĩ basoca pũtopũre nẽejea, jĩĩwã:

—Ãniã judĩoa niĩya. Marĩya macã macãrãrẽ wedeñañorã tiĩya. 21 Apeyẽ niirecutirere bueeya. Marĩ romanuã niijĩrã, teero niirijãrõ booa. Marĩ teerẽ tiimasĩria, jĩĩwã.



Pablo, Silas peresuwiipũ niirigue

22 Toopũ neããriracã Pablo, Silamena cúajõãwã. Queti beserĩ basoca Pablo, Silare cũãye sutire tuuwẽduti, tãnadutiwa. 23 Cũãrẽ bayiró tãnatõa, peresuwiipũ tuunecosõnecowa. Tiiwiĩ coterĩ basocũre dutiwiitĩwari jĩĩrã, ãñurõ biajãdutiwa. 24 Cũã teero jĩĩrĩ tũogũ, peresuwiĩ coterĩ basocũ niituri tatiãpũ tuunecosõnecoyigũ cũãrẽ. Pũagũ yucũgu tusure coperi watoãpũ cũãye dũporire súucũduti, siatũ, biadũpõjãyigu.

Cõãmãcũ dita cãmeñarĩ tiirigue

25 Ñami deco Pablo, Silas Cõãmãcũrẽ sãĩ, basapeoyira. ãpẽrã peresu niirã cũã basari tũoyira. 26 Wãcũña manirõ dita bayiró cãmeñayiro. Cũã niirĩ wii maquẽ botarĩ cãmeñayiro. Mãata tiwiĩ biare sopepãmarĩ pãõpetijõãyiro. Niipetira peresuwiipũ niirãrẽ cõmedãrimena siatũarigue jõãpetijõãyiro. 27 Tiiwiĩ coterĩ basocũ wãcã, tee pãõãrigue soperire ñña, “dutiãpetijõããya” jĩĩ wãcũmiyigu. Teero tiigũ, cuiũ, cũũ basiro

espada née, sãǵúdu tiimíyigu.
 28 Pablope cūārē bayiró wedese-
 remena jĩiyigu:

—Muu basiro ñañarō tiirijãña.
 Ũsã ãnopú niipetijãã, jĩiyigu.

29 Teero jĩĩrĩ tʉogú, cūārē cote-
 rí basocupe sãwócore néeatidu-
 ti, sãcutúsãyigu Pablo, Silas nii-
 rópu. Cuiyu, bayiró ñapõpigu, cūã
 puo ñicãcoberimena jeacũ-
 muyigu. 30 Too síro wãmunucã,
 cūārē néewitiwa, sãĩñáyigu:

—¿Deero tiibógari yuu, Cõã-
 macũ yuure netõnéãrõ jĩĩgũ?

31 Cūã yuuyira:

—Muu ũsã Őpũ Jesuré padeo-
 gú, netõnénogúdacu. Mũyaya wii
 macãrãcã padeorã, netõnénoãda-
 cua, jĩiyira.

32 Cūārē, cūyaya wii macãrãrē
 Cõãmacũye quetire wedeyira.
 33 Ñami tii horara cūã tãnaãrigue
 cãmire cosegúdu néewayigu. Co-
 seári siro, máata cūũ, cūyaya wii
 macãrã wãmeõtinoyira. 34 Tiiwí
 coterí basocu cūyaya wiipu né-
 muãwa, cūārē yaaré ecayigu. Cūũ,
 cūyaya wederamena bayiró useni-
 yira Cõãmacũrē padeonucãrã.

35 Bóeri queti beserí basoca tii-
 macã coterí basocare jĩiyira:

—Íniãrē wionécodutira wáaya,
 jĩiyira.

36 Tiimacã coterí basoca toopú
 jea, cūã jĩĩariguere tiiwí coterí
 basocare wedeyira. Teeré tʉo,
 cūũpu Pablöre wedeyigu sãa:

—Múãrē queti beserí basoca
 “wionécoaro” jĩĩãrira niiãwã.
 Teero tiirã, ãñurõ wáaya, jĩiyigu.

37 Pablope tiimacã coterí baso-
 care jĩiyigu:

—Ũsã romanuã niipacari, queti
 beserí basoca ũsã tiãriguere be-
 seripacara, ũsãrē basocã ñãcoro-
 pu tãnarí tiiãwã. Peresuwiipu
 tuunésõnecori tiiãwã. Mecũtigã
 ũsãrē basocã ñãhãrõpu wionéco-
 dugacua. Niiria. Cūã basiro atijĩ-
 rã, ũsãrē néewionecora atiaro,
 jĩiyigu.

38 Tiimacã coterí basoca queti
 beserí basocare wedera wáayira.

—Íniã “romanuã niiã ũsã” jĩĩ
 wedeawã, jĩiyira.

Teeré tʉorã, queti beserí baso-
 ca cuiyira. 39 Tiiwiipú jea, cūārē
 acabõre sãiyira. Sãitõa, cūārē pe-
 resuwiipu niirãrē néewioneco:
 —Atimacãrē niirijãña; wáaya,
 jĩiyira.

40 Pablo, Silas peresuwiipu nii-
 ãrira wãa, Lidiaya wiipu sããwa-
 yira sũcã. Toopú Jesuré padeorã-
 re ñña, wãcũtutuare tico, wãajõã-
 yira.

Pablo Tesalónicapu tiirígue

17 1 Pablo, Silas netõwáyira
 Anfípolis, Apolonia ma-
 cãrĩrē. Too netõwã, jeayira Tesa-
 lónica macãpu. Tiimacãpũre ju-
 díoa neári wii niyiro. 2 Pablo cūũ
 tiirucúrobirora tiiwiipú sããwayi-
 gu. Itiã semana cūã yeerisãre bu-
 recoricõrõ Cõãmacũye queti jóa-
 ripũ maquẽrē wedeyigu. 3 Tiipũ
 maquẽrē cūārē wede, “Cõãmacũ
 beseriguere ñañarõ netõ diari siro,
 masãgũdaqui” jĩĩ wedeyigu.

—Jesús yꝑꝰ mǫārē jīīarigu Cōāmacū beserigura niiī, jīīyigꝰ.

⁴Cūū wederi tꝑorá, síquērǻ judíoa “teerora niiā” jīī, Pablo, Silamena niinucāyira. Teero biiri paꝰ griegoa Cōāmacūrē padeorá, paꝰ ꝑꝑꝰtí macārǻ numiā cūāmena niinucāyira. ⁵Teero tiirá, āpērǻ judíoa ĩnatutiya Pablo, Silare. Teero tiirá, ũmúá daderáre, ñañarǻ niisodeatirare néō, tiimacā macārārē cúaaro jīīrǻ, acaribíduytiya. Cūā cúara, Jasónya wiipꝰ wáayira. Pablora, Silare basocá decopꝰ néewaadara āmaārǻ wáamiya. ⁶Buaríyira. Cūārē buahéara, Jasónrē, āpērǻ Jesuré padeoráre ñee, wéewayira. Acaribíwa, tiimacā dutirá ꝑꝰtopꝰ jea, wedesāyira:

—Āniā niipetiro cūā wáaropꝰre wedemecūōrǻ tiicúa. Maríya macārē teerora tiijeáaya. ⁷Jasón cūārē cūūya wiipꝰ cꝑoárigu niīawī. Cūā niipetire romanuā ōꝑū dutirére netōnucárǻ tiīawā. “Āꝑí ōꝑū niiī, Jesús wāmecutiꝰgꝰ” jīīrǻ tiīawā, jīīyira acaribíremena.

⁸Cūā teero jīīrǻ tꝑorá, niipetira, cūārē dutirácǻ dee tii masíriyira. ⁹Jasónrē, cūū menamacārārē niyeru cúūduytiya cūāmena.

—Ate wisióre quēnojeáripꝰ, wiyaáada mǫārē tee niyerure, jīīyira.

Niyeru cúūari siro, cūārē duujáyira.

Pablo Bereapꝰ tiiríꝰue

¹⁰Máata tiīñamirǻ Jesuré padeorá Pablo, Silare wáadutiya Berea macāꝑꝰ. Toopú jea, judíoa neārí wiipꝰ sáāwayira. ¹¹Berea macārǻꝑe Tesalónica macārǻ nemoró basocá āñurá niyiya. Cūā wederére tꝑouséniyira. Teeré tꝑorá, ¿diamacūrǻ niimiī? jīī masídugara, búrecoricōrō Cōāmacūye queti jóaripūrē teero buerucujáyira. ¹²Teero tiirá, paꝰ Jesuré padeonucāyira. Basocá āñurá griegoa numiá, ũmúáčǻ paꝰ padeonucāyira. ¹³Tesalónica macārǻ judíoa Pablo Bereapꝰ “Cōāmacūye quetire wedegꝰ tiíayigꝰ” jīīréré tꝑoyíra. Teero tiirá, toopú wáayira. Wedemecūō, cúari tiíyira. ¹⁴Teero tiirí ĩñarǻ, Jesuré padeorá máata Pablora día pairi maꝑꝰ wáadutiya. Silas, Timoteo tiimacāꝑꝰra ꝑꝰtꝑájáyira. ¹⁵Pablora néewarira Atenaspꝰ jea, cūūrē toopú cúújá, cámecóꝑꝰꝑꝰtayira. Cūāmenarǻ Pablo queti ticocoyigꝰ:

—Boyero Silas, Timoteo atiaro ānopú, jīīyigꝰ.

Pablo Atenaspꝰ tiiríꝰue

¹⁶Pablo Atenaspꝰ cūārē yueꝰ, tiimacā macārǻ pee cūā padeorá weerirare ĩñagū, bayiró wácūyigꝰ. ¹⁷Teero tiigú, judíoa neārí wiipꝰ sáāwa, judíoamena, āpērǻ Cōāmacūrē padeorámena wedeseyigꝰ. Búrecoricōrō macā decoꝑꝰ cūū buajeáramena wedeseyi-

гн. 18 Æpěrá epicúreoyere buerá, estoicoyere buerá Pablomena wedeseyira. Cũñ Jesuyé quetire, diarirapũ masárere wedeyigũ cûárē. Cûá basiro cāmerí sãĩñáyira:

—¿Deero jĩdũgagũ tiii ãni, teero wedeseãmajãgũ? jĩyira.

Æpěrápē jĩyira:

—Apeditá macārã cûã padeoráye maquērē wedesegũ niitu niĩ, jĩyira.

19 “Jãmũ” jĩ, cûūrē néewayira Areópago burorũ, dutirá neãrucororũ. Cûūrē jĩyira:

—Mũũ mama bueré wederére tũodũgága. 20 Mũũ tũoyá maniriguere wedesea. Teeré masĩdũgága. ¿Deero jĩdũgaro tiii? jĩyira.

21 Atenas macārã, aperó macārã toopú jea niirã mama queti díçre tũo, wedese ɯsenicua.

22 Pablo Areópagorũ neãrá decorũ wũmũncã, jĩyigũ:


—Mũã Atenas macārã, mũãyare bayiró padeóa, yũũ ñnarĩ.

23 Yũũ ññanetõgũ, mũã súbuserere ññagũ, sicaró mũã súbuserorũ jóaturiguere ññãwũ: “MASÍ-

ÑA MANIGÛRĒ SÚBUSERO NIÃ”, jĩ jóaturigue niãwũ. Mũã masĩripacara súbusegũrena yũũ mũãrē wedea.

24 Cõamacũ atibúcore, atibúrecorũ niirécārē tiirigũ niwĩ. Æmũãse, atiyepá Õpũ niĩ. Teero tiigú, basocá cûã tiiré wiserire niiriqui. 25 Marĩ paderémena cûūrē tiípumasĩña manicú. Apeyenó ðsarícu cûūrē. Cũñ niipetirare catiré, yeerisãre, apeyé niipetirere ticoqui.

26 Sícũ basocúmenarã niipetire põnarĩ macārã wáari tiirigũ niwĩ. Cûãrē atibúreco niipetiorũ wáa, niirĩ tiirigũ niwĩ. Cûũrá niipetire põnarĩrē “atiditapú nocõrõ yoari niãdacua” jĩ cûúrigũ niwĩ. 27 Cõamacũ teero tiirigũ niwĩ, cûūrē ãmaããrõ jĩgũ. ãñurõ ãmaãmasĩhērã niipacara, bũabõcua. Cũũ marĩ sĩquerã pũtogã niiqui. Yoarorũ niiriqui. 28 Cũũ tutuaremena marĩ cati, wáamasĩ, niã. Mũã basarére jóarira biiro jóarira niwã: “Maricã cũũ põna niã”. 29 Marĩ Cõamacũ põna niijrã, oro, plata, ãtãmena tiirirare



Areópago buro

“Cõamacũ niĩ” jĩĩ wãcũrijãrõ booa. Marĩ wãcũrémena Cõamacũ queorére tiimasáricu. ³⁰Cõamacũ too sũguero macãrãpũre cũũrẽ masĩrijãrã, cũũ dutirére tiihérare teero ñajãrigũ niĩwĩ. Atitóre niipetirare niipetiropũre cũã ñañarẽ tiirére wãcũpati, wasodutiqui. ³¹Cõamacũ niipetirare wapa tiiadari bũrecore besetoayigu. Tiibũreco jeari, queoró jĩirémena wapa tiigúdaqui. Cũũ beserigũmena teero tiigúdaqui. “Cũũrá múãrẽ wapa tiigúdu niĩ” jĩĩ ãngũ, diarigũpũre masõrigũ niĩwĩ, jĩiyigu Pablo.

³²Diarirapũ masãrére wederi tũorã, sĩquẽrã buijáyira. ãpẽrãpẽ: —Too síro mũũ wedeseri tũoada teeréja, jĩiyira.

³³Pablo cũã too niirĩrã, wãajõãyigu. ³⁴Sĩquẽrã Jesuré padeó, Pablõre nũnyíra. Sícũ Areópãgorũ dutirãmena neãrucugũ niiyigu. Cũũ wãmecũtiyigu Dionisio. Apegó Dámaris wãmecũtiyigo. ãpẽrã cũãmena niiyira.

Corintopũ Pablo tiirigũe

18 ¹Too síro Pablo Atenaspũ niirĩrigũ Corinto macãpũ wãajõãyigu. ²Toopú jeagũ, judíoayũ Ponto dita macũrẽ bũajeáyigu. Cũũ wãmecũtiyigu Aquila. Pablo toopú wãaadari sũguero, Claudio romanuã õpũ judíoa Romapũ niirãrẽ witiidutiyaigu. Aquila, cũũ nũmo Priscilamena Italiapũ niirĩrã witi, jeayira tiimacã Corintore. Pablo cũãrẽ ñã-

gũ wãayigu. ³Cũũ cũã paderénorã padejú niijĩgũ, cũãmena padejúdu putuáyigu. Wáicũra caserimena wiseri tiirã niiyira. ⁴Judíoa yeerisãre bũrecoricõrõ cũã neãri wiipũ wedegũ wãayigu. Judíoare, judíoa niihẽrãrẽ padeodugãri tiidugãgũ tiimiyigu.

⁵Silas, Timoteo Macedoniapũ niirĩrã jeari, Pablo wederé dícu wedeyigu. “Jesús Cõamacũ beserigũ niĩ”, jĩĩ wedemiyigu judíoare. ⁶Cũãpe cũũ wederére cãmótãncãyira. Cũũrẽ ñañarõ jĩiyira. Teero tiigú, Cõamacũ cũãrẽ ñañarõ tiiadarere ãngũ, cũũ sotoã sãñããrĩrore, tuuwé páabateyigu. Cũãrẽ jĩiyigu:

—Mũã pecamepũ wãari, múãye wapa niĩadacu; yé wapa mee niĩadacu. Teero tiigú, mecũãmena judíoa niihẽrãrẽ wedegũ wãagũda, jĩiyigu.

⁷Tiĩwĩ niirĩrigũ witiwayigu. Apewĩ putogã niirĩ wiipũ sããwayigu. Tiĩwĩ Ticio Justoya wii niyiro. Cõamacũrẽ padeogú niiyigu cũũ. ⁸Judíoa neãri wii dutigú, cũũya wii macãrãmena Jesuré padeoyíra. Cũũ wãmecũtiyigu Crispo. Paũ too macãrãcã Pablo wederére tũorã, Jesuré padeoyíra. Padeó, wãmẽotinoyira.

⁹Sicãñami Pablo cãnirĩpacũ, quẽẽgũ tiirõbĩro Jesús cũũrẽ wederi tũoyigu. Cũũrẽ jĩiyigu:

—Cuirijãña. Yéere wederucujãña. Wededujã tiirijãña. ¹⁰Yũũ mũũmena niirucujãã. Basocã mũũrẽ ñañarõ tiimasáricua. Ati-

macārē paṁ yñre padeoádara niíya, jĩiyigu.

¹¹Teero tiigú, Pablo sicacūma apēcūmá deco toorú pṁtúáyigu. Cōāmacūye quetire bueyigu.

¹²Teeburecorire sícū Acaya dita dutigú niyigu. Cūñ wāmecūtigu Galión. Cūñ dutigú niirito, judíoa sīcārībīro wācūrā Pablore ñee, queti beserópṁ néewayira. ¹³Galiónrē jĩiyira:

—Āni Cōāmacūrē padeodutíre romanuā ōpū dutirére netōñcáre niā, jĩiyira.

¹⁴Pablo wedegudṁ tiirí, Galión judíoare wedesuguecojāyigu:

—Āni apeyenó ñañoátā, basocáre ñañarō tiátā, múārē añurō tṁobóajiyu. ¹⁵Múāye, múā judíoa dutiré niirí, múā basiro quēnoñá. Yñṁ teenórē besegudṁ mee niā, jĩiyigu.

¹⁶Cūñ queti beserópṁ niārira-re cōāwionecojaigū. ¹⁷Niipetira Sóstenes judíoa neārí wii dutigú-re ñee, queti beserí wii díamacū páayira. Galiónpe “cūñ booró tiáro” jĩijāyigu.

**Antioquíapṁ Pablo
coepūtárigue, too síro cūñ
wedewanemorigue**

¹⁸Pablo peeburecori pṁtúáyigu Corintopṁ. Too síro Jesuré padeoráre “wáagṁ tiia” jĩi, dooríwṁmena wáajōāyigu Siria ditapṁ wáagṁ. Priscila, Aquila cūñmena wáayira. Cencreapṁ búawasugueyira. Toorú Pablo Cōāmacūrē “biiro tiigúda” jĩrirobirora tiigú,

cūñ róare pedecōājāyigu. ¹⁹Too macārā Éfesopṁ tīajeayira. Tii-macāpṁ Pablo cúuyigu Priscila, Aquilare. Cūñpe judíoa neārí wii-pṁ sāāwa, judíoare wedeyigu. ²⁰Cūñrē yoasāñurí pṁtúádutimi-yira. Cūñpe booríyigu.

²¹—Jerusalénpṁ yñre wáaro booa, bosebureco ññagū wáagṁ. Múārē ññagū atinemogūdacu, Cōāmacū boorí, jĩiyigu.

“Wáagṁ tiia” jĩi, wáajōāyigu dooríwṁmena. ²²Cesareapṁ jea, Jerusalénpṁ maawáyigu. Toorú Jesuré padeoráre añudutiyigu. Too macū Antioquíapṁ wáajōāyigu. ²³Toorúre péero nii, wáajōāyigu sūcā. Galacia dita maquē macārírē, Frigia dita maquē macārírē netōwáyigu. Niipetira Jesuré padeoráre wācūtutuare ticonemoyigu.

Apolos Éfesopṁ buerigue

²⁴Tíatore judíoayṁ Alejandría macā macū Éfesopṁ jeayigu. Cūñ wāmecūtigu Apolos. Cūñ añurō wedemenigū niyigu. Cōāmacūye queti jóaripū maquērē añurō masígú niyigu. ²⁵Marí Ōpū “biiro niirecūtiro booa” jĩirére buenorigū niyigu. Juan basocáre wāmeōtigu buerigue dícare masīpacṁ, diamacú Jesuyére bueyigu useniremena. ²⁶Cūñ judíoa neārí wiipṁ cuire manirómena wedenucāyigu. Priscila, Aquila cūñrē tṁo, néewa, Cōāmacūye quetire añurō diamacú wedenemoyira.

²⁷ Cũũ Acayapũ “wáagudu tiia” jĩĩrĩ, Jesuré padeorá “ãñurõ wáaya” jĩĩyira. Cũũrẽ paperapũ jóabosayira. Jesuré padeorá Acayapũ niirárẽ “Apolore ãñurõ boca-ya” jĩĩ jóayira. Cũũ toopú jeagũ, Cõãmacũ tiíápurementa Jesuré padeoráre ãñurõ tiíápuyigũ.

²⁸ Cũũ niipetira ññacoropũ judíoare cũũ wedemeniremena docacũmurĩ tiiyigũ. Cõãmacũye queti jóaripũpũ cũũrẽ bue, “Jesús Cõãmacũ beserigũ nii” jĩĩrere ãñooyigũ.

Éfesopũ Pablo buerigüe

19 ¹ Apolos Corintopũ niirito, Pablope ãmũáreburire netõwá, Éfesopũre jeayigũ. Toopú siquerã Cõãmacũrẽ padeoráre buajeayigũ. ² Cũũrẽ sãñáyigũ:

—Mũã Cõãmacũrẽ padeorí, ¿Espíritu Santo mũãmena niinucãrĩ? jĩĩyigũ.

Cũũape yũuyira:

—Óba. ãsã Espíritu Santo niirere tuohera niitũ, jĩĩyira.

³—Too docare ¿noã wederiguere padeojírã, wãmeõtidutiri? jĩĩyigũ.

—Juan wederiguere padeojírã, wãmeõtidutiwũ, jĩĩyira.

⁴ Pablo jĩĩnemoyigũ:

—Juan basocáre wãmeõtiyigũ. Teeména cũã ñañaré tiirere wãcũpati, wasorere ãñooyira. Juan biiro wedeyigũ: “Yũũ siro ãpĩ atigũdaqui. Cũũrẽ padeoyá”, jĩĩyigũ. Cũũ teero jĩĩ wederigũra niĩ Jesús, jĩĩyigũ.

⁵ Cũũ teero jĩĩrĩ tuorá, Jesús wãmemena wãmeõtidutiya.

⁶ Pablo cũũrẽ ñaapeóri, Espiritu Santo cũũpũre niigũ diijeayigũ. ãpẽrã basocáye wedeserere masiripacara, wedesenucãyira. Cõãmacũ wededutirere wedeyira. ⁷ Cũũ niipetira niirã, doce ãmũã niiyira.

⁸ Pablo tiimacãpũ judíoa neãrĩ wiipũ wáarucuyigũ. Ítĩárã muipũrã tiwiipũre cuire maníromena wedeyigũ. “Cõãmacũ dutiré basocãpũre niĩadare jeatoaa” jĩĩrémenta Jesuré padeorí tiijádugagũ tiiyigũ. ⁹ Siquerã cũũ wederere tuodugariyira. Padeoríyira. Mama buerere basocá tuocóropũ ñañarõ wedeseyira. Teero tiigú, Pablo witiweojõayigũ; Jesuré padeoráre néewitiwayigũ. Bãrecoricõrõ Tiranoya wiipũ neãyira. Tiiwiĩ buerĩ wiipũ bueyigũ sũcã. ¹⁰ Pũacũmã bueyigũ. Teero tiirã, tiidita Asia macãrã tuopetijõayira Jesuyé quetire. Judíoa, judíoa niihẽrãcã teeré tuoyira.

¹¹ Cõãmacũ cũũ sícũrã tiimasírere Pablomena tiĩẽnoyigũ. Cũũmentã ññaña manirere tiiyigũ. ¹² Cũũ paacõáre caserire, cũũya õpũũ pẽniárigüe caserire néewayira diarecutirare. Teeména netõnéyira; wãtĩã sããnorirare cõãwionecoyira.

¹³ Siquerã judíoa wãanetõrã wãtĩãrẽ cõãwionecora niiyira. Cũũ marĩ Òpũ Jesús wãmemena wãtĩãrẽ cõãwionecodugamiyira.

—Jesús Pablo wedewarucugu wāmemena múārē witiwadutia, jīimiyira wātīārē.

¹⁴Teerora tiirá tiimíyira Esceva pōnacā. Esceva judíoayū, paiaré dutigú niyiyū. Cūū pōna siete niyira. ¹⁵Cūā teero tiirí, wātī cūārē yūuyiyū:

—Jesuré yūū masiā. Pablocārē masiā. ¿Múāpeja noānó niī? jīiyigū.

¹⁶Basocú wātī sāānorigū cūāpūre bupuñápeayigū. Cūā niipetira nemoró tutuanetōnucājāyigū. Cūārē ñañarō peti tiyigū. Sutamánrā, cāmicūtira tiwí niīarira cūtucówitiwayira. ¹⁷Cūārē teero wáare quetire Éfeso macārā tūopetijōāyira. Niipetira judío, judío niihērācā tūoyira. Bayiró cuiyira sáa. Marí Ōpū Jesuyére āñurō quioníremena wedeseyira sáa.

¹⁸Paū too sūgueropū Jesuré padeonucārira jea, cūā ñañaré tiirere wedeyira. ¹⁹Paū yaso doarira cūā bueré papera tutirire néeneō, sóecōājāyira niipetira ññacoropū. Teetutiri wapa cūā bapaqueori, “cincuenta mil” niyeruquiri plataquiri wapacūtímiyiro. ²⁰Ateména marí Ōpūye queti sesajōārō tiyiro. Cōāmacū tutuaremena paū padeonemórā tiyira.

²¹Ate wáari siro, Pablo wācūyigū: “Yūū Jerusalénpū pūtuawagūda. Toopú wáadari sūguero, Macedonia, Acaya ditapū ññanetōgū wáagūda. Jerusalénpū jea, niīari siro, Romapū ññagū wáaro

boocú”, jīī wācūyigū. ²²Teero tiigú, puarā cūārē tiíapurare ticosūgueyigū Macedoniapū. Cūā niyira Timoteo, Erasto. Cūūpe pūtuájāyigū ména toopú Asia ditapū.

Éfesopū cúasore wáarigue

²³Tiátorena mama bueré padeorémena bayiró cúasore wáayiro. ²⁴Cúasori tiinucáyigū sīcū plata padegú. Cūū wāmecutiigū Demetrio. Platamena cūā padeogóya wii tiiróbiro biiré wiserigā tii, dúagu niyiyū. Cūā padeogó weerigo wāmecutiigo Artemisa. Tee wiserigārē dúara, Demetrio, cūārē padecoteracā pairó wapatárucuyira. ²⁵Cūārē padecotera, āpērā plata paderáre néoyigū. Cūārē jīiyigū:

—Múā āñurō masiā: Marí ate paderémena āñurō wapatá niijāmiā. ²⁶Āno Éfesopūre Pablo paūre cūū wederémena nūnūrī tii-tóai mée. Āno Asiapūcārē múā ññarōbirora, teero biiri múā tūorōbirora paū niicua. Basocá tiirí-
 raja “padeorá mee niīya” jīīāwī cūūdu. ²⁷Ate bayiró quioa. Marí tiiré búri niiré pūtuábocu. Artemisa āñunetōjōāgōya wiicā búri niirí wii pūtuábocu. Coó Asia macārā padeogó niipetira atibúreco macārā padeogó niyo. Coó pūptí macō niirere basocá ñañarō wedesenucārí, búri niiré pūtuábocu, jīiyigū.

²⁸Cūū teero jīīrī tūorá, bayiró cúa, acaribíyira:

—Artemisa añunetōjōāgō Éfeso macārã padeogó niyo, jīiyira.

²⁹Cūã acaribíri, paṁ tiimacã macārãcã “¿deero wáai?” jīi masīripacara, acaribípetijōāyira. Sīcārōména cūã neārōpṁ cutṁwáyira. Pablomena bapacutiwarirare bayiró ñee, néewayira. Cūã niyira Gayo, Aristarco. Macedonia macārã niyira. ³⁰Pablo basocá decopṁ sãāwadugamiyigṁ. Jesuré padeorápe cūūrē wáadutiriyira. ³¹Āpērã Pablöre maírã queti ticocoyira. Cūã sīquērã Asia macārã dutirá niyira. “Pablo ũsã neārōpṁ sãāatirijãārō”, jīicoyira. ³²Toopú niirá āpērã cūã booró acaribíyira. Āpērã apeyenó acaribíyira. Āpērãcã teorora jīāmajáyira. “¿Marí ānopú deero tiirá neārī?” jīi masīriyira. ³³Āpērã judíoa Alejandre iñabuayira. Basocá díamacūpṁ cūūrē tuunēcōcōoyira, wedearo jīirã. Cūãrē “ditamanijōāñã” jīidugagṁ, wéētucōmiyigṁ. “Ūsã wapa cūoríã”, jīidugamiyigṁ. ³⁴“Cūũ judíoayṁ nií”, jīi iñamasírã, acaribínemoyira. Pua hora sīcāríbíro acaribíyira.

—Artemisa añunetōjōāgō Éfeso macārã padeogó niyo, jīiyira.

³⁵Sīcū tiimacã macārãrē dutigú too acaribírare ditamanírī tiyigṁ. Cūãrē jīiyigṁ:

—Múã Éfeso macārã, yṁṁre tṁoyá. NiiPETIRO macārã ateré masīcua: Marí atimacá Éfeso macārã Artemisa añunetōjōāgō padeorí wiire coterá niíã. Coó queo-

ré ũmúãsepṁ diiátiriguere coterá niíã. ³⁶Sīcū “teero mee niíã” jīimasīriqui. Teero tiirá, nocōrōrã acaribíya. Āñurō wácūsugueya, noo booró tiiámarí jīirã. ³⁷Āniã múã néeatirira apeyé marí padeorí wii maquērē yaaríarira niíãwã. Marí padeogóre ñañarō wedeseriarira niíãwã. ³⁸Demetrio, āpērã plata paderámēna wedesãre cūogú, queti beserōpṁ wáaaro. Tee niíadarerena queti beseró, queti beserí basocacã niíya. Toopú cāmerí wedesãārō. ³⁹Múã apeyenó sãāidugára, atimacá macārã dutirámena cūã neārōpṁ wedesera wáaya. Cūã múãrē wede adacua. ⁴⁰Mecūã marí acaribíariguere romanuã dutirá marírē wedesārīquiro tiirá tiia. Marí teero peti acaribíro bauró acaribíámajãrã tiiáwũ. Teero tiirá, romanuã cūã wedesārí, marírē deero jīi yṁṁmasíña maniádacu, jīiyigṁ.

⁴¹Teero wedeseyapacuti: —Nocōrōrã niíã, jīiyigṁ.

Macedoniapṁ, Greciapṁ Pablo wáarigüe

20 ¹Cúasore petiári siro, Pablo Jesuré padeoráre neādutiya. Cūãrē wácūtutuare tico, “wáagṁ tiia” jīi, Macedonia pṁ wáajōāyigṁ. ²Too maquē macārīpṁ netōwágṁ, too macārãrē cūũ wederémēna wácūtutuare ticōnemowayigṁ. Teero tii, jeyigṁ Greciapṁ. ³Toopú iñiárã muípurã pṁtúayigṁ. Cūũ Siriapṁ dooríwṁmena wáagudṁ, judíoa cūũ-

rē sīādugáre quetire t̄oyígu. Teero tiigú, “Macedonia wáarimar̄na cámerputúawaḡda sūcā” jīī wácúyígu. ⁴Cūñ wáari, āp̄erá cūñrē bapacutiwarira niiwā. Cūñ niiwā: Sópater Berea macā macū (cūñ Pirro wāmecutígu macū niiwī); Segundo, Aristarco (cūñ p̄uará Tesalónica macārā niiwā); Gayo Derbe macā macū; Timoteo; Tíquico, Trófimo (cūñ p̄uará Asia macārā niiwā). ⁵Cūñ ūsā s̄ugero wáa, Troas̄p̄ ūsārē yuerira niiwā. ⁶Ūsā Filiposp̄p̄ putuáw̄. Toopú pā púuri tiirēmena wúoya maniré p̄rē yaarí boseb̄ureco ññaw̄. Nocōrōrā nii, wáajōāw̄ dooríw̄mena. Cinco b̄urecori siro jeaw̄ Troas̄p̄. Toopú sica semana putuáw̄.

Troas̄p̄ Pablo ññanetōḡū wáariḡue

⁷Yeerisāri b̄ureco niirī, ūsā neāw̄ bocaadara. Apeb̄urecope Pablo wáaḡd̄u niijīḡū, cūñrē wedewi. Ñami deco niirī, wedeḡu tiiwí ména. ⁸Ūmuárō macā tatiā ūsā neārī tatiap̄ p̄e sīāwócorepa niiw̄. ⁹Sīcū mam̄u ventana soper̄u duigú w̄goá jeanowī. Cūñ wāmecutiwi Eutico. Pablo yoari peti wedeḡu tiirī, cānicónuārīḡu niiwī. Yepar̄u ñaacodiawī. Cūñ duiariro itíacasa sotoap̄u niiw̄. Cūñape cutudiwá, diaariḡup̄re néem̄ōcowa. ¹⁰Pablocā

diiwáwi. Cūñ sotoa munibiá, cūñrē ñeediyo, cūñrē jīīwī:

—Nocōrōca ucuar̄ijāña. Catijāī ména, jīīwī.

¹¹Muāwa, cūñrē pā bato, yaa, wedeseboejōā, wáajōāwī. ¹²Man̄p̄ere wiipú néejōāw̄. Cūñ catiri, ññurō yeerip̄nacutira niiwā sūcā.

Troas̄p̄ niārira Mileto macāp̄u wáariḡue

¹³Pablo ūsārē jīīrirobirora dooríw̄mena cūñ s̄ugero Asop̄u wáajōāw̄. Pablo ūsārē: —Ȳu maap̄u wáa, Asop̄u m̄uārē bocaḡda, jīīwī.

¹⁴Asop̄u ūsāmena b̄ujeá, ūsā atiriw̄p̄u s̄āwī. Too síro Mitilep̄u tīāwaw̄. ¹⁵Too macārā apeb̄ureco Quío nuc̄rō díamac̄up̄ tīājeaw̄. Maawáriw̄. Too macārā apeb̄ureco Samosp̄u tīājeaw̄. Too macārā apeb̄ureco Miletop̄u jeajōāw̄ sáa. ¹⁶Ūsā Miletop̄u wáara, Éfessore diamac̄ú netōjōāw̄. Pablo Asiap̄u yoari putuádugariwi. Cūñrē basioatā, Jerusalén̄p̄u Pentecostés boseb̄ureco ññadugawi.

Pablo Éfeso macārā butoá dutiráre wedeyaponriḡue

¹⁷Pablo Miletop̄u niiḡū, Éfeso macārā Jesurē padeorá butoá dutiráre atiduticowi. ¹⁸Cūñ jeari ñña, cūñrē jīīwī:

¹⁰20.5 Lucas atipú jóariḡu Filiposp̄u niijiyi, Pablo toopú jeari.


—Múã ãñurõ masĩcu yũũ múã watoapũre tiirécutiguerere. Yũũ sicato Asiapũ jeagũ, tée yũũ niitugũpũ tiitũcoriguere ãñurõ masĩcu. ¹⁹Yũũ marĩ Òpũ dutiró tiigú, “ãpẽrá nemoró ãñurẽ tiia” jĩ wãcũriwũ. Múãmena utiwũ. Judíoa yũũre ñañarõ tiidugári, ñañarõ netõwũ. ²⁰Niipetire múã ãñurõ niãdarere wedepetijãwũ. Basocá neãrõpũ, múãye wiseripũ teero wederucujãwũ. ²¹Judíoare, judíoa niñhẽrãcãrẽ ateré sícãrĩbíro wedewũ: “Múã ñañarẽ tiirére wãcũpati, wasoyá; Cõãmacũyere ãñurõ tiinũcãña; Jesús marĩ Òpũrẽ padeoyá”, jĩ wederucujãwũ. ²²Yũũ mecũtigã wáagũ tiia Jerusalẽpũ Espiritu Santo yũũre dutirotirora. Toopú yũũre deero wáaro wáaadacu masĩriga. ²³Ate dícnere masĩã: Basocá ñañarõ netõrĩ tii, yũũre peresuwiipũ sõnecoadacua. Ateré macãrĩcõrõ Espiritu Santo yũũre wedei. ²⁴Ateré masĩpacũ, wãcũpatiria. Yũũ catirére maĩria. Marĩ Òpũ Jesús cũũ paderé cũũriguere peotídũgaga. Cõãmacũ basocãre netõnére quetire wededutiwi yũũre.

²⁵Yũũ múã pũtopũ niigũ, Cõãmacũ dutiré basocãpũre niãdarere jeariguere wedewarucuwũ. “Múã sícũno yũũre ññanemoricu sáa”, jĩ tũgueñajãga. ²⁶Teero tiigú, mecũã múãrẽ wedea: Yũũ wederiguere tũorĩra pecamepũ wáari, yé wapa niiricu. ²⁷Yũũ múãrẽ niipetire Cõãmacũye quetire wederijã tiirĩwũ. ²⁸Teero tiirã, múã

basiro coteya. Jesuré padeorĩ põna macãrãcãrẽ ãñurõ cote, buenemoña. Múãrẽ Espiritu Santo cũũrigũ niĩwĩ, cũãrẽ ññanũñsearo jĩigũ. Cõãmacũ cũũ macũye díimena cũãrẽ cũũyara wáari tiirĩgũ niĩwĩ. Teero tiirã, oveja coterĩ basoca tiirõbiro cũãrẽ tiiapuya. ²⁹Yũũ tũgueñarĩ, yũũ wáari siro, ãpẽrá jĩditorepira múãmena niirã jeaadacua. Yáíwa ovejare sãrã tiirõbiro múã Jesuré padeorẽre petirĩ tiidugãadacua. ³⁰Sĩquẽrã múã menamacãrãcã wedewisioadacua, Jesuré padeorã cũãrẽ tũonũñsearo jĩĩrã. ³¹Teero tiirã, ãñurõ tũomasĩ niĩña. Múã ateré acabóricu: Itiãcũma múã niipetirare ãñurõ tiãdarere bóaneõremena búrecori, ñamirĩ wedewũ.

³²Yũũ wáagũ tiia. Cõãmacũ múãrẽ ãñurõ cotearo. Cũũ maĩrẽ quetimena múãrẽ tutuare ticaro. Tee queti múãrẽ wãcũtutuari, padeonemorĩ tiimasĩcu. Tee quetire padeorĩ, ãpẽrá Jesuré padeoramena múãrẽ ãñurẽ ticogũdaqui Cõãmacũ. ³³Ãpẽrãyé niyeru, oro, suti boonemósãriwũ yũũ. ³⁴Múã masĩcu: Yé wãmorĩmena padewũ. Teemena yũũ, yũũ menamacãrã boorĩguenorẽ buawú. ³⁵Niipetire yũũ tiirĩguemena múãrẽ ãñurũ. Marĩ paderemena bóaneõrãrẽ tiiapuro booa. Marĩ Òpũ Jesús cũũ jĩiriguere wãcũrõ booa: “Ticogũpe ñeegũ nemorõ useniqui”, jĩiyigu, jĩĩwĩ Pablo.

³⁶Teerẽ jĩitoanũcõ, cũã niipetirarena ñicãcoberimena jeacũ-



Dooríwuca

mu, Cõamacũrẽ sãĩwĩ. ³⁷Niipetira bayiró utiwa. Cũĩrẽ páabua, wasopúro ùpũ tiiwá. ³⁸Cũũ “múã yũre ñanemoricu sáa” jĩĩariguere wãcũrã, nemoró bóaneõrã pũtuáwa. Too síro dooríwupu cũĩrẽ cúũcora wáawa.

Jerusalénpu Pablo wáarigue

21 ¹Ûsã Éfeso macãrã butoá dutirãre “wáara tia” jĩĩtoa, dooríwupu muãsã, wáajõãwũ. Wáa, diamacú wáa, Cos macãpu jeawũ. Apebúreco Rodas macãpu, too macãrã Pátara macãpu jeawũ. ²Toopú Feniciapu wáaríwucare buajeáwu. Tiiwupú muãsã, wáajõãwũ. ³Wáa, Chipre nũcũrõrẽ ñawa, tiinũcũrõ acuniñare pũtuáwu. Too netõwá, Siria ditapure jeawũ. Jea, Tiro macãpu maajeáwu. Toopú tiiwú macãrã apeyẽ cúã néewariguere apamonecoadara tiiwá. ⁴Toopú ùsã Jesurẽ padeorãre ãmaã, buajeáwu.

Cúãmena sica semana pũtuáwu. Cúã Espiritu Santo masĩrẽ ticorẽmena Pablõre “Jerusalénpu wáarijãña” jĩĩmiwã. ⁵Cúã teero jĩĩpacari, tii semana petirí, wáajõãwũ sũcã. Cúã niipetira, cúã nũmosánumiã, cúã põna ùsãrẽ bapacuti buawa macã wesapu. Ditatupari pu ñicãcoberimena jeacũmu, Cõamacũrẽ sãĩwũ. ⁶Sãĩtõa, “wáara tia” jĩĩ, dooríwucapu muãsãwũ. Cúãpe cúãye wiseripu pũtuajõãwã.

⁷Tiropu niiãrira wáa, Tolemaidã macãpu jeawũ. Toopú Jesurẽ padeorãre ãñuduti, sicabũreco pũtuáwu cúãmena. ⁸Apebúreco wáa, Cesareapu jeawũ. Toopú jeara, Felipe Jesuyé queti wedegúya wiipũ sããwawũ. Felipe Jesurẽ padeorã siete yaarẽ batorira menamacũ niirigu niiwĩ. Cũũ pũtopu pũtuáwu. ⁹Cũũ põna numiã manũmanirã bapari niiwã. Cúã profetas niiwã.

¹⁰Yoari ñsã niiripacari, sîcũ Judéapũ niîarigũ jeawi. Profeta niîwî. Cũũ wãmecutiwi Agabo. ¹¹Ñsã puto jea, Pabloyada siatúridare née, cũũ basiro cũũye ðupori, cũũye wãmoriũ siatúwi. Siatútoa, ñsãrẽ jîwî:

—Espíritu Santo jîwîwî yũure: “Judíoa Jerusalénũ atidã òpũrẽ siatúadacua ñno mũũ siatúro tiiróbiro. Cũũrẽ judíoa niîhãrãpũre ticoadacua”, jîwî Agabo.

¹²Cũũ teero jîrî tuorã, ñsã Pablore: —Jerusalénũ wáarijãña, jîmiwũ.

Cesarea macãrãcã: —Wáarijãña, jîmiwã.

¹³Cũũpe jîwî:

—Utirijãña. Yũure bayiró wãcũpatiri tiirã tiia. Jerusalénũ Jesuyé wapa yũure siatú, siãdũgãpacari, wãagũda, jîwî.

¹⁴Cũũ “jáũ, ññuã” jîhãrî ññarã: —Cõamacũ booró tiiaró, jîjãwũ.

Nocõrõã ditamanirã pũtuáwũ.

¹⁵Ñsã too niîarira ñsãye ññano-toa, wãajõãwũ Jerusalénũ. ¹⁶Siquẽrã Cesarea macãrã Jesuré padeorã wãawa ñsãmena. Cũũ ñsãrẽ néewawa Mnasónya wiipũ. Cũũ Chipre macũ niirigũ niîwî. Yoari Jesuré padeogú niîwî. Toopú cãniwũ.

Pablo Santiago ññagũ wáarigüe

¹⁷Ñsã Jerusalénũ jeari, Jesuré padeorã ñseniremena bocawa ñsãrẽ. ¹⁸Apebũreco Pablo ñsãmena Santiago ññagũ wãawi. Toopú niipetira bũtoã dutirã niîwã.

¹⁹Pablo cũãrẽ ññudutiwi. Judíoa niîhãrãrẽ Cõamacũ cũũmena tiirígüecõrõ ðuaró maniró wedemũñucãwî. ²⁰Teeré tuo, Cõamacũrẽ ñsenire ticowa. Pablore jîwã:

—Ñsãya wedegũ, mũũ masîcu: Pãũ peti judíoa Jesuré padeorã niîiãya. Cũã “Moisére dutiré cúürigüere tiipetiro booa” jîrã tiíya. ²¹Cũã ate wedepatirere tuoáyira: Mũũ judíoa niîhãrãye ditapũ niigũ, judíoa toopú niirãrẽ Moisés dutiré “tiirijãña” jîyiro. Cũã põnarẽ cõnerigũ yapa macã caseróre “widecõãrijãña” jîyiro. Teero biiri marî judíoa tiirécütirenocãrẽ “tiirijãña” jîyiro. Teeré tuoýira. ²²“¿Deero tiigúdari cũũ?” jî wedeseawũ ñsã mũũrẽ. Cũã mũũ “ãnopã jeaayigũ” jîirere tuoãdacua. ²³Teero tiirã, ñsã biiro wãcũãwũ: Ñmũã bapari Cõamacũrẽ “biiro tiíada” jîñarira niîãwã. ²⁴Mũũ cũãmena Cõamacũwiipũ wáari, ññubocu. Mũũcã cũã tiiróbirora tiíya. Cũã marî tiirénorẽ tiirã tiíãwã. Atebũrecore ññanarẽ tiíarigüere acabóre sãirã tiíãwã. Niipetire wáicũra cũã Cõamacũrẽ ticoadarare mũũ sãibosãya. Mũũ teero tiíari siro, cũã póare pedecõãdutiadacua. Mũũ biiro tiíarigüere masirã, niipetira judíoa mũũye quetire “teero jîñamajãrã tiijíya” jîñadacua. “Cũũcã Moisére dutiré cúürigüere ññurõ tiigú niî”, jîñadacua. ²⁵Jesuré padeorã judíoa niîhãrãpere “biiro tiirí ññuãdacu” marî jîirigüere jóacotoawũ: Wáicũra dii cũã padeorãre ticoarigüe-

re yaarijáña. Wáicuraye díire sīniríjáña. Wáicura dii díi cōña maniré díire yaarijáña. Āpēráména ñañarō ñeeaperijáña, jīi jóawu, jīiwā.

Pablöre peresuwiipü néewarigue

²⁶Apebúrecope Pablo cúã bapare néewawí. Pablo cúũ ñañaré tiiáriguere acabóre sãitóri, Cōamacūwiipü sãawayira. Pablo pairé wedeyigu:

—Sica semana dusaa ãniã ñañaré tiiáriguere acabóre sãĩádarō. Niituri búrecore cúãcōrō wáicurare sĩáduťi, ticoadacua Cōamacūrē, jīiyigu.

²⁷Cúã siete búrecorei peotíadara tiirí, judíoa Asia macārã Pablöre Cōamacūwiipü niirí ññayira. Cũürē ññarã, ãpērãrē cúarosãrĩ tiiyira. Cúã cúũrē ñee, acaribíyira:

²⁸—Ûsãya wedera, tiiápura atiya. Ānirã níi niipetiropü niipetirare ñañarō buewarucugu. Cũũ marí judíoa maquērē, Moisére dutiré cúũriguere, teero biiri atiwí maquērē ñañarō wedesewarucuyigu. Apeyeréja, griegoare atiwipüre néesããwĩ. Cũũ biiro tiigú, atiwí ñañaré manirí wiire ñañogú tiii, jīiyira.

²⁹Ate sũguero Tróximo Éfeso macū Pablomena macãpü niirí ññayira. Teero ññarira niijĩrã, cúã “cũürē Cōamacūwiipü néesããjĩyĩ” jīi wãcũrira niimiwã.^x

³⁰Cúã wedesãrĩ tuorã, niipetira tiimacã macārã acaribíbatejõãwã. Cutujectáwa. Pablöre ñee, wéecowitiawa, téé Cōamacūwii sopeputópü. Máata sopepãmarĩrē biajãwã. ³¹Pablöre sĩãádarapü tiirí, ãpērã basocã surara dutigúpüre wedera wáarira niiwã:

—Niipetira atimacã Jerusalén macārã neã, cúa, acaribíra tiiáwã, jīiyira.

³²Cũũ tee quetire tuogú, cúũyara surarare, cúãrē dutirare néõ, diiáti, cutuátiwa cúã puto-pü. Surara dutigú suraramena cutuátiri ññarã, Pablöre páarira duujãwã.

³³Surara dutigú Pablo putopü jea, surarare ñeeduti, puadá cõmedaména siatúduťiwi. Basocáre sãĩñãwĩ:

—¿Noã níi ãni? ¿Deero tiiãrĩ? jīimiwĩ.

³⁴Basocápe ãpĩ merẽã, ãpērãcã merẽã noo booró acaribíãmajãwã. Teero tiigú, surara dutigúpe ãñurõ tuobúariwi. Cũũyara surarare néewadutiwi cúã niirí wiicarpü. ³⁵Tiiwií muãwaropü jeari, basocã bayiró tuudiyówa. Teero tiirã, surara Pablöre néepa néecomuãwã. ³⁶Niipetira cúã siro tuudiyóatira: —Sĩãcõjãña, jīi acaribíwa.

Pablo “yũ wapa cuoríã” jĩirigue

³⁷Tiiwiipú sõnecoadara tiirí, Pablo surara dutigúre sãĩñáyigu:

^x21.29 Cōamacūwii Jerusalénpü niimiri wiipüre judíoa niihērãrē sããwadutiriya.

—Yuu munmena wedeseri, ¿añuniadari? jiiyigu.

Cũũrẽ yũnyigu:

—¡Ayo! Mũncã griegoayer wedesemasijãayo. ³⁸ ¿Mũu Egipto macũ ãsã romanuãrẽ cõãdũgãmirigu mee nii? Cũũ cuatro mil basocãre sããrẽpira dutigũ niyigu. Cũũyarare nẽõ, basocã manirõru nẽewayigu, jiiyigu.

³⁹Pablo yũnyigu:

—Yuu cũũ mee niã. Judioayũ niã. Tarso Cilicia ditaru niirĩ macã macũ niã. Bũri niirĩ macã macũ mee niã. Yuu añiãrẽ wededũgãga. Mũu boorĩ, wedegũda, jiiyigu.

⁴⁰Surara dutigũ “jáũ” jiiyigu. Teero tiigũ, too mũãwaroru nucũgũrã, wẽẽtucowi. Cũã ditamanĩrĩ ñna, hebreoyemena wedewi cũãrẽ:

22¹—Yãa wedera, yuu pacũsũmũã, yũre tũoyã mẽna. Yuu mũãrẽ yẽ maquẽrẽ wedegũda, mũã yũre “wapa cũorĩ” jiiãrõ jiiigũ, jiiwĩ.

²Cũũ hebreoyemena wederi tũorã, nemorõ ditamanijõãwã. Pablo cũãrẽ jiiwĩ:

³—Yuu judioayũ niã. Tarso Cilicia ditaru niirĩ macãru bauãwu. Atimacãrũ masãwũ. Gamaliel yũre buewi. Cũũ Moisés marĩ ñecũsũmũãrẽ dutirẽ niipetirere buepetijãwĩ yũre. Mũã atitõre Cõãmacũ dutirẽre tiirẽcutirobitorã yũncã añurõ tiirucujãã. ⁴Yuu tiibũrecoru mama buerẽre padeorãre ñaãarõ tiirucũwu. Sĩ-

quẽrãrẽ sããdutiũwu. ãmũã, numiãrẽ ñee, cũãrẽ peresuwiiru sõnecodutirucuwũ. ⁵Paiares dutigũ, niipetira Judioare Dutirã Peti “teerora tiiwĩ” jii masĩcua. Cũãrã yũre dutirẽpũrĩrẽ jãobosarira niiwã. Teepũrĩrẽ nẽe, marĩya wdera Damascoru niirãrẽ ticogũdu tiimĩwũ. “Mama buerẽre padeorãre ñee, siatũ, nẽewagũda Jerusalẽnru, cũãrẽ ñaãarõ tiidutiũdu”, jiiimĩwũ.

Pablo wasorĩgue queti

(Hch 9.1-19; 26.12-18)

⁶’Maa wãagu, Damascoru jeagũdu tiirĩ, coeritõ niirĩ, wãcũña manirõ ãmũãserũ bõediati yuu ruuto bayirõ capemõrõ bõewũ. ⁷Teero wãari, yuu ditaru ñaacũmujõãwũ. Sĩcũ yũre wedeseri tũowũ: “Saulo, ¿deero tiigũ yũre ñaãarõ tiinũnũsei?” jiiwĩ. ⁸“¿Noã nii mũu?” jiiwũ. “Yuu Jesús Nazaret macã macũ mũu ñaãarõ tiinũnũsegura niã”, jiiwĩ. ⁹Yũmẽna wãarĩracã tee bõediatiriguere ñna, “cuijõããwũ” jiiwã. Cũũ yũmẽna wedeseriguere “tũoriatũ” jiiwã. ¹⁰Yuu cũũrẽ sãĩñãwũ: “Õrũ, ¿deero tiirĩ boogãrĩ?” jiiwũ. Cũũ yũre yũwi: “Wũmũnũcãña. Damascoru wãaya. Toorũ mũũrẽ sĩcũ wedegũdaqui niipetire mũu tiãdare Cõãmacũ quẽnorẽre”, jiiwĩ. ¹¹Yũmẽna wãarira yũre tũãwãta, Damascoru wãara. Yũre asibatẽre capeari bauherĩ tiiwũ.

12 Tiimacãpũre Ananías wãme-
cutigu niĩwĩ. Cõamacãrẽ quoní-
remena padeogú, Moisére dutiré
cũuriguere tiigú niĩwĩ. Niipetira
judíoa tiimacã niirã cũũrẽ “ãñu-
niĩ” jĩĩ ññawã. 13 Yũũre ññagũ jea,
yũũ wesarũ nucũ, yũũre jĩĩwĩ:
“Yáa wedegũ Saulo, ññamũõcoya
sũcã”, jĩĩwĩ. Wãcũña maniró cũũ-
rẽ ññamũõcowũ. 14 Yũũre jĩĩne-
mowĩ: “Tíatorũ Cõamacã marĩ
ñecũsũmũã padeorĩgũ mũũrẽ be-
setoayigũ, cũũ boorẽre mũũrẽ
masĩarõ jĩĩgũ. Cũũ macũ ãñugũrẽ
ñña, cũũ wedeserere tuoáro jĩĩgũ,
beseyigũ. 15 Mũũ cũũyere wede-
gũ wáagũdacu. Niipetirare niipe-
tiropũ mũũ ññãrĩguere, mũũ
tuoáriguere wedewarucugũ wáa-
gũdacu. 16 Teero tiigú, yoari yue-
rijãña mũũ. Wãmũñcãña. Marĩ
Õpũrẽ padeojĩgũ, mũũ ññañaré ti-
rére acabóre sãĩñã. Sãĩtóã, wã-
meõtidutiya”, jĩĩwĩ.

**Pablo judíoa niĩhẽrã pũtopũ
wáadutiriguere wederiguere**

17 Too síro Jerusalénũ pũtũa-
jeagũ, Cõamacãwiipũ cũũrẽ sãĩ-
gũ jeawũ. Yũũ cũũrẽ sãĩgũ tiirĩ,
cãñirĩpacũ, quẽẽrõpũ tiiróbiro
Jesuré ññawã. 18 Jesús yũũre jĩĩ-
wĩ: “Boyero atimacã Jerusalénrẽ
witiwaya. Año macãrã yé queti-
re mũũ wederĩ, boorĩadacua”, jĩĩ-
wĩ. 19 Yũũ cũũrẽ jĩĩwũ: “Õpũ, cũã
ãñurõ masĩcua: Niipetire judíoa
cũã neãré wiseripũ mũũrẽ padeo-
ráre tãnadutĩ, peresuwiipũ sõne-
corucuwũ. 20 Esteban mũũye

queti wederiguere cũã sãĩritore,
yũũcã toopũra ññanucũwã. Cũũrẽ
sĩarãye suti sotoá maquẽrẽ cote-
bosawũ. ‘Ãñurõ tiirã sãããya’, jĩĩ
wãcũmiwũ”, jĩĩ wedemiwũ Jesu-
ré. 21 Cũũ yũũre jĩĩwĩ: “Wáaya.
Yũũ aperopũ yoaropũ ticocogũ-
dacu mũũrẽ judíoa niĩhẽrã pũto-
pũ”, jĩĩwĩ.

**Pablo surara dutigúmena
wedeseeriguere**

22 Nocõrõrã ãñurõ tuotúwa.
Teeré tuorã, bayirõ acaribíwa sũ-
cã.

—Cũũrẽ sãĩcõãjãña. Cũũrẽ
boorĩdojã, jĩĩ acaribíwa.

23 Acaribíra, cũã cúarere ññorã,
cũãye suti sotoá sãñarere tuuwé,
wéẽtuwa. Dita maané, débate-
cowa. 24 Cũã teero tiirĩ ññagũ, su-
rara dutigú Pablõre sõnecojãdu-
tiyigũ cũãya wii popeapũ. Sõne-
cotoanũcõ, Pablõre “¿deero tiirã
basocã mũũrẽ acaribí?” jĩĩ we-
derĩ tiidũgágũ, cũũrẽ tãnagũdũ
siatúdutiya. 25 Siatúari siro, Pa-
blope cũã pũto nucũgũ cien sura-
ra dutigúre jĩĩyigũ:

—Mũã yũũre búri peti tãnama-
sĩricu; romanuãrẽ dutiré teero
tiidutíria. Yũũ romanuãyũ niĩã;
queti beserĩ basoca yũũ tiarĩgue-
re beseriyã ména, jĩĩyigũ.

26 Cũũ teero jĩĩrĩ tuogú, cien su-
rara dutigú cũũrẽ dutigúpũre we-
degũ wáayigũ.

—Mũũ ãñurõ tiyã. Jõõ niĩãri-
gũ “romanuãyũ niĩã” jĩĩãwĩ, jĩĩyi-
gũ.

27 Teeré tuogú, surara dutigú sãĩnãgũ wáayigu:

—¿Niirórã mũu romanuãyu nii? jĩiyigu.

—Éjũ, cũúrã niiã, jĩiyigu Pablo.

28 Surara dutigúpe: —Yũũ pai-ró niyeru wapatíwũ, romanuãyu niirére sããgũdu, jĩiyigu.

—Yũũja máata bauágũpũra romanuãyu niirigu niwũ, jĩiyigu Pablo.

29 Teeré tuorã, cũũrẽ tãnaãdara tiimĩarira máata aperopé jeaconucãyira. Surara dutigúcã cui niyigu. “Romanuãyũre ‘tãnaãá’ jĩĩgũ, siatúdutimiãyu” jĩĩ wãcũgũ, cuijõayigu.

Pablo Judíoare Dutirá Peti pũtorũ wederigũ

30 Teero tiigú, judíoa cũũrẽ wedesãre diamacũ maquẽrẽ masĩdũgagu, arebũrecope paiaré dutirãre, teero biiri niipetira Judíoare Dutirá Petire néõyigu. Pablo-re jõãdutí, néediati, cũã ñnacoropũ nucũdutiýigu.

23 1 Pablo Judíoare Dutirá Petire ñña, jĩiyigu:

—Yãa wedera, yũũ catiré burecorire tée mecũãpũmena Cõãmacũ ñnacoropũ ãñũrõ yeeripũnacu-tia, jĩiyigu.

2 Ananías paiaré dutigú teeré tuogú, Pablo wesa nucũrãrẽ useropũ páadutimiyigu cũũ teero jĩĩrẽ wapa. 3 Teero tiigú, Pablo cũũrẽ jĩiyigu:

—Cõãmacũ mũũrẽ ññañarõ tiigúdaqui. Mũũ tiiditõrepigu niiã.

Mũũ too duia, yũũre queti bese-gũdu Moisés dutiré jĩĩrõbirora. Mũũ basirora tee dutirére netõ-nucãgũ tiia, yũũre páadutigũpe-ja, jĩiyigu.

4 Too nucũrá cũũrẽ jĩiyira:

—Biiro ññañarõ wedeserijãrõ booa paiaré dutigú Cõãmacũ cúũrigũre, jĩiyira.

5 Pablo cũãrẽ jĩiyigu:

—Yãa wedera, cũũ paiaré dutigú niirére yũũ masĩriatu. Cõãmacũye queti jóaripũpũ biiro jóare niiã: “Mũãya macã macãrãrẽ dutigũre ññañarõ wedeserijãña”, jĩĩã, jĩiyigu.

6 Pablo too niirã saduceo basoca, ãpẽrá fariseo basoca niirĩ ñnãgũ, bayiró busũrõmena wedeseýigu:

—Yãa wedera, yũũ fariseo basocũra niiã yũũ pacũsũmũã tiirõbirora. Basocã diarira masãrere yũũ padeóa. Ate yũũ padeoré wapa mũã yũũre ãno queti beserõpũ néeatia, jĩiyigu.

7 Teeré tuorã, fariseo basoca, saduceo basocamena bayiró cãmerĩ jĩiyira. Teero tiirã, sĩcãrõména niimiãrira batajõayira. 8 Saduceo basoca diarirapũ masãrere, teero biiri ángelea, wãtĩã niirere padeoríya. Fariseo basocape teeré padeo-óya. 9 Cũã bayiró acaribíyira. Teero tiirã, sĩquẽrã Moisés jóarigũre buerã wũmunucãyira. Fariseo basoca niyira. Bayiró cúasoremãna wedemiyira:

—Ñniré wapa ññañaré buaríã. Apetó tiigú, ángele cũũrẽ wedesejĩyi, jĩĩmiyira.

¹⁰Cúã bayiró cãmerí jĩnemorĩ ñãgũ, surara dutigú Pablöre wéetamutõrĩ jĩngũ, cuiyigu. Teero tiigú, Pablo cúã watoapũ niigúrẽ surarare néeatidutiyyigu. Cúã niirĩ wiicapũ néewadutiyyigu sũcã.

¹¹Tiiñami Jesús Pablo puto bauá, jĩyyigu:

—Wãcütutuaya. Atimacá Jerusalénrũ yéé quetire wedearobirora Romarucãrẽ wedegudacu, jĩyyigu.

Judíoa Pablöre sããdugámirigue

¹²Apebúrecope ãpẽrá judíoa yayióropũ neã, “Pablöre sããáda” jĩimiyira. “Mecũãmena yaari, sìnirínucããda; Pablöre sããtóarapũ, yaaada. Cũũrẽ sããríatã, Cõãmacũ marĩrẽ ñañarõ tiiáro”, jĩimiyira. ¹³Teero wedesera cuarenta nemoró niyyira. ¹⁴Cúã paiaré dutirá, ãpẽrá butoá dutirá putorũ wáa, cúãrẽ jĩyyira:

—Ësã Cõãmacũ ññacoropũ yaarinucããwũ; Pablöre sãããdari suguero, yaaria. ¹⁵Teero tiirá, múã, niipetira múãmena dutirá^y surara dutigúre queti ticocoya. Cũũ Pablöre néediatiario. “Ësã cúũ tiiáriguere añurõ sããñádugaga”, jĩicoya. Pablo múã puto jeaadari suguero, cúũrẽ sãããdara, cümüãdacu, jĩimiyira.

¹⁶Pablo bayio macũ cúã sããdugáre quetire tuogú, surara niirĩ wiicapũ sããwa, Pablöre queti we-

deyigu. ¹⁷Pablöre cúũ wederi tuogú, sícũ cien surara dutigúre atiduti, jĩyyigu:

—Ññiré mũũ dutigú putorũ néewaya. Queti wedegudu tiiáyyigu cúũrẽ, jĩyyigu.

¹⁸Cũũrẽ surara dutigú putorũ néewa, jĩyyigu:

—Pablo marĩ peresu cuogú yũũre atiduti, ññiré mũũ putorũ néeatidutiawĩ. Queti wedegudu tiiáyyigu mũũrẽ, jĩyyigu.

¹⁹Surara dutigú mamũrẽ wãmorũ ñee, néewa, basocá tuohéropũ sããñáyyigu:

—¿Ññeenó queti wededugai yũũre? jĩyyigu.

²⁰Mamũre cúũrẽ wedeyigu:

—Judíoa mũũrẽ queti ticocoadacua. Niipetira “biro tiiáda” jĩiãyira. Pablöre ñamigã Judíoare Dutirá Peti neãrõpũ néewadutiadacua mũũrẽ. “Cũũ tiiáriguere añurõ sããñádugaga”, jĩiditoadacua. ²¹Cũãrẽ tuorijãña. Cúã menamacãrã cuarenta nemoró ñmũã cúũrẽ duti, coteadacua. Cúã yaari, sìniriadacua; cúũrẽ sããtóarapũ, yaaadacua. Cúã “marĩ teero tiiriatã, Cõãmacũ ñañarõ tiiáro” jĩiãyira. Quenotóayyira cúã tiiádarere. Mecütigã mũũ “jáũ” jĩiré dícuere yuera tiicúa, jĩyyigu.

²²Surara dutigúpe jĩyyigu:


—Sícũnorẽ “teeré cúũrẽ we-deawũ” jĩirijãña. Nocõrõrã niãã, jĩyyigu.

^y23.15 Cũãmena dutirá Judíoare Dutirá Peti niyyira. Pecasãyemena “junta suprema” jĩicua.

Surara dutigú Pablöre Félix
ꝑꝑꝑꝑꝑꝑ ticocorigue

²³Surara dutigú cien surara dutirá ꝑꝑꝑꝑꝑꝑ atiduti, wedeyigu:

—Surarare quēnodutíya. Cúã mecúã ñami nueve niirí, wáaada-cua Cesareapꝑ. Doscientos surara dꝑꝑꝑꝑꝑ wáaaro; setenta caballoamena pesawaaro; doscientos saderéyucure néewaaro. ²⁴Pablo cúũ pesawaadara caballoacārē quēnoárō. Apeyenó merēã wáaro maniró Félix atiditá dutigúꝑꝑꝑꝑ néewayá, jĩiyigu.



Surara caballoamena pesaware

²⁵Wedetóa, paperapũ jóayigu. Ate cúũ jóarigue tiiróbiro niã:

²⁶“Yꝑꝑ Claudio Lisias, mꝑꝑ Félix Judea dita dutigúre añudutia. ²⁷Yꝑꝑ mꝑꝑꝑꝑ ticocogure judíoã ñeejããwã. Cúũrē siããdara tiimíawã. Yꝑꝑ cúũ romanuãyꝑ niirere tuogú, suraramena cúũrē netõnéãwũ. ²⁸¿Ñeenó wapa cúũrē wedesãĩ? jĩĩ masĩdugagu, Judíoare Dutirá Peti neãrõꝑꝑ cúũrē

néediwaawũ. ²⁹Judíoare dutiré maquē díccure ‘netõncããwĩ’ jĩĩ wedesããwã. Tee díccure cúũrē wedesãrĩ, ñeenó wapa siãmasiãna maniãwũ; cúũ ñañarō tiirípacari, peresuwiꝑꝑ sõnecomasiãna maniãwũ. ³⁰Ãꝑꝑerã judíoã ‘cúũrē siããda’ jĩĩrē queti yꝑꝑꝑꝑꝑꝑ jeaawũ. Teero tiigú, máata mꝑꝑꝑꝑꝑꝑ ticocoa. Cúũrē ãnopú wedesããrirare mꝑꝑꝑꝑꝑꝑ ‘wedesãrã wáaya’ jĩĩãwũ. Nocõrõã niã”, jĩĩ jóayigu.

³¹Tiĩnami surara cúũ dutiariborora Pablöre néewa, néejeayira Antípatris macãꝑꝑ. ³²Aꝑꝑéꝑꝑꝑꝑꝑꝑ surara dꝑꝑꝑꝑꝑ wáarira toorã cámeçõꝑꝑꝑꝑꝑꝑꝑꝑ cúãya wiicãꝑꝑꝑ sũcã. Caballoamena wáarira díccu Pablomena netõwãyira. ³³Cúã Cesareapꝑ jea, surara dutigú jóaripũrē ticoyira tiidita dutigúre. Pablocārē cúũꝑꝑꝑꝑꝑꝑ ticoyira. ³⁴Cúũ tiipũrē buetóa, Pablöre sãĩñáyigu:

—¿Noo macũꝑꝑ niĩ mꝑꝑ? jĩiyigu.

—Cilicia macũ niã, jĩiyigu.

³⁵—Mꝑꝑꝑꝑꝑꝑꝑꝑ wedesãrã ãnopú jeari, mꝑꝑꝑꝑꝑꝑꝑꝑ tuogúda, jĩiyigu.

Teero jĩĩtoã, Pablöre Herodeniya wiicãꝑꝑꝑ cotedutiyaigu.

Félix ꝑꝑꝑꝑꝑꝑ Pablöre
wedesãrigue

24 ¹Sicamoquēne bũreçori siro paiaré dutigú Ananías, siquērã bũtoã dutirámena Cesareapꝑ jeayira. Basocáre we-

desãrîrare wedesebosagu cûãme-
na jeayigu. Cûũ wãmecutiwigu
Tértulo. Félixpare Pablöre wede-
sâyira. ²Pablöre néejeari, Tértulo
cûũrê wedesãncãyigu:

—Ûsãrê dutigú, mũũ dutiréme-
na ãñurõ niirecutia ùsã. Mũũ ma-
sírëmenarã atiditã ãñurí dita
wáaro tiia. ³Niipetiropu niipetire
mũũ ùsãrê tiibosárere ùsenire-
mena ññaã. ⁴Mũũrê páasutiri ti-
dugáriga. Teero tiigú, péero we-
desecoguda. Ûsãrê péero tucóji-
ña ména. ⁵Ûsã ññarí, ãni ññaõí.
Niipetiropu judíoare sîcãrõména
niimirare cãmerí batarí tiine-
tõí. Nazaret macũ buerigue n-
nũrãrê suguegú niíí. ⁶Cõãmacũ-
wiire ññaõdugãmiwigu. Teero ti-
rá, ùsã cûũrê peresu ñeewũ. Ûsã
judíoare queti beserobirora cûũ-
rê queti besedugamiwũ. ⁷Ûsã
teero tiádara tiirí, Lisias surara
dutigú ùsã puto sããati, tutuaro-
mena cûũrê néejõãwí. ⁸Ûsã cûũrê
wedesãrere mũũpare wedesãdu-
tiwi. Mũũ basiro cûũrê sãñãte.
Teero tiigú, ate niipetire ùsã we-
desãrere “niirõrã niicu” jîí masí-
gũdacu mũũ, jîiyigu.

⁹Judíoa “újũ, teerora wáawũ”
jîínemocoyira.

Pablo Félixre wederigue

¹⁰Félix Pablöre ññayigu, wede-
seya jîigũ. Pablo wedeseyigu:

—Yũũ masíã: Mũũ yoari atiditã
macãrãrê queti beserí basocu
niíã. Teero tiigú, ùseniremena
mũũrê wedeguda yé maquẽrê.

¹¹Niipetire yũũ tiiríguere, mũũ
sãññarí, paũ basocã mũũrê wede-
masícu. Doce bũrecori netõã,
yũũ Jerusalénpu jeari siro. Toop-
pũ Cõãmacũrê padeogú jeawũ.
¹²Ñniã yũũre ãpẽrãména cãmerí
ññañarõ jîíí bũajeáriwa. Cõãma-
cũwiipũ, ùsã neãrê wiseripũ, tee-
ro biiri macãpu yũũ basocãre
cúari tiirí bũajeáriwa. ¹³Cũã we-
desãrere “biiro tiáwí” jîímasíri-
ya. ¹⁴Yũũ tiirére wedeguda. Ma-
ma bueré jîírobirora yũũ Cõãma-
cũ ùsã ñecũsumã padeorigue
padeóa. Ñniã mama buerére pa-
deorí booríya. Yũũ doca niipetire
Moisére dutiré cûũriguere, teero
biiri profetas jóariguere padeóa.
¹⁵Yũũ ãniã tiiróbirora Cõãmacũ
tiádarere yuea. Cûũ basocã dia-
rirapũ masõgũdaqui, ãñurê tiirã-
re, ññañarê tiirãre teerora. ¹⁶Te-
ro tiigú, yũũ masíõ jeatuaro wa-
pa cuohégũ niidugaga, Cõãmacũ
ññacoropũ, basocã ññacoropũ tee-
rora.

¹⁷Yũũ peecũmarí aperopú wáa-
netõãrigu Jerusalénpu jeawũ sũcã.
Judíoa bóaneõrãre niyeru ticogu
jeawũ. Teero biiri Cõãmacũrê pa-
deogú apeyenó ticogu jeawũ.
¹⁸Yũũ teeré tiigú tiirí, síquẽrã Asia
macãrã judíoa yũũre bũajeáwa
Cõãmacũwiipũ. Yũũre too sugue-
ropũ Moisés cosedutírobirora co-
setóawũ. Yũũre bũarí, paũ basocã
maniwã. Acaribíre maniwũ. ¹⁹Cũã
yũũre bũajeárira mũũpare atiro
booa, yũũre wedesãdugaraja, yũũ-
re wedesãre cuorãja. ²⁰Cũã atihe-

ri, ãniã wedearo. Yũ Judíoare Dutirá Peti p̄tor̄n̄ nucũrĩ, c̄ã ñãñarẽ b̄uarĩguere wedesãarõ. ²¹Ate docare yũre wedesãmasĩya. Yũ c̄ã p̄tor̄n̄ niigũ, bayirõ b̄usurõmena jĩwũ: “Basocã diarira masãrere padeóa yũ. Ate yũ padeorẽ wapa mũã mecũã yũre ãno queti beserõp̄n̄ néeatia”, jĩwũ, jĩyigu.

²²Félix mama buerẽ maquẽrẽ ãñurõ masĩgũ niijĩgũ, c̄ãrẽ jĩyigu:

—Nocõrõrã t̄ogũda. Lisias surara dutigũ jearip̄n̄, mũã wedesãre maquẽrẽ nemorõ ãñurõ sãĩñãgũda, jĩyigu.

²³Teero jĩtoa, cien surara dutigũre jĩrigũ niiwĩ:

—Ãnirẽ ãñurõ cotedutiya. Cũ niirõp̄n̄ wãanetõ, niijãrõ. Cũ menamacãrã cũrẽ tiiapudugari, cãmotãrijãña, jĩrigũ niiwĩ.

²⁴Pee b̄urecori wãaripacari, Félix, cũ n̄mo Drusilamena jeayigu sũcã. Co judíoayo niyigo. Pablõre néeatidutiya. Jesucristore padeorẽ wederi, t̄oyigu. ²⁵Pablo wedegũ, jĩyigu:

—Cõãmacũ marĩ ãñurõ tiirĩ booi. Marĩ ñãnarere tiidugãpacara, tiirjãrõ booa. Atibũreco petirĩ, Cõãmacũ wapa tiigũdaqui, jĩyigu.

Félix teero jĩrĩ t̄ogũ, cuijõãyigu. Pablõre wãadutiya jĩyigu:

—Apetõ apeyenõ tiirẽ manirĩ, m̄urẽ atidutigũda sũcã, jĩyigu.

²⁶Naĩrõ Félix Pablõre atiduti, cũmena wedeseyigu. “Cũ yũre niyeru ticori boomĩga, cũrẽ wionécogudũ”, jĩ wãcũmiyigu.

²⁷Puacũmã siro Félix dutigũ niirere witiijãyigu. Cũ wasorõ sããgũ wãmecutiya Porcio Festo. Félix judíoamena ãñurõ p̄tuãdugagũ, Pablõre toopũra cũjãyigu.

Pablo Festore wederigüe

25 ¹Festo tiiditapũ jeayigu, dutigũ niirẽ sããgũ jeagũ. Itiãbureco siro Cesareapũ niĩarigu Jerusalẽp̄n̄ wãayigu. ²Toopũ paiarẽ dutirá, ãpẽrã judíoa p̄rtĩ macãrã Pablõre c̄ã wedesãriguere wedeyira cũrẽ sũcã. ³Cũrẽ tutuaremena sãĩyira:

—Ûsarẽ tiiapuya. Pablõre ãno Jerusalẽp̄n̄ néeatidutiya, jĩmiyira.

C̄ã cũrẽ maapũ atigũre sããdarere quẽnorã tiimiyira. ⁴Festo c̄ãrẽ jĩyigu:

—Pablo Cesareapũ cotenoqui. Yũ mãata p̄tuawagũda toopũre. ⁵Teero tiirã, mũã menamacãrã teerẽ ãñurõ wedesemasĩrã yũmena wãaaro. Cũ ñãnarẽ tiigũ niirĩ, toopũ wedesãarõ, jĩyigu.

⁶Festo puamõquẽne b̄urecori ñurõ niyigu toopũre. Too siro p̄tuajõãyigu Cesareapũ. Cũ p̄tuajeari b̄ureco, apebũrecope queti beserĩ basocũ duirõp̄n̄ dui, Pablõre néeatidutiya. ⁷Pablo toopũ sããjeari, judíoa Jerusalẽp̄n̄ atiarira cũ p̄tor̄n̄ neãncãyira. Pee ñãanetõjõãre cũrẽ wedesãmiyira. C̄ã wedesãrere “diamacũrã niã” jĩ ñõomasĩryira. ⁸Pablo “yũ wapa c̄orã” jĩgũ, wedeyigu:

—Judíoa dutirére netõncágũ mee niĩa yũũ. Cõãmacũwiire ñañoríwũ. Romanuã õpũrẽ netõncáriwũ, jĩiyigu.

⁹Festope judíoamena añurõ pũtuádũgagũ, Pablõre sãĩñáyigu:

—¿Jerusalénpu wáadũgagari? Mũũ wáari, yũũ toopú mũũye maquẽrẽ besegũdacu, jĩĩmiyigu.

¹⁰Pablo cũũrẽ yũũyigu:

—Yũũ ãno romanuãrẽ queti beserõpu nucũã. ãnopũra yũũre besero booa. Mũũ añurõ masĩcu: Yũũ judíoare ñañarõ tiiríwũ. ¹¹Yũũ ñañaré tiirígũno niigũjã, “cũũrẽ sãrõ booa” jĩĩrĩ docare, “añurõ diagũda” jĩĩjãbocu. Cũã wedesãre diamacũ nihẽrĩã, sĩcũnõpera yũũre judíõapũre ticomasĩrii. Teero tiigũ, romanuã õpũ yũũre besearo sãa, jĩiyigu.

¹²Festo cũũrẽ tiipuri basocamena wedesetoa, jĩiyigu:

—Mũũ romanuã õpũpũre beseri booa. Too docare mũũ cũũpũre besedutigu wáagũdacu, jĩiyigu.

Festo, Agripare Pabloye maquẽrẽ wederigũ

¹³Pee bũrecori wáaripacari, tiidita õpũ Agripa, Berenicemena Cesareapu wáyigu Festore añudutigu wáagu. ¹⁴Cũã toopú peebũrecori niirĩ, Festo Agripare wedeyigu Pabloye maquẽrẽ.

—Félix peresu cúurigu sĩcũ niĩ. ¹⁵Yũũ Jerusalénpu niirĩ, paiaré

dutirá, judíoa butoá dutirá cũũrẽ wedesãwã yũũpũre. “Cũũrẽ sãadutíya”, jĩĩmiwã. ¹⁶Yũũ cũãrẽ yũũwũ: “Ûsã romanuã teero peti ‘sãjãña’ jĩĩmasĩriga. Sĩcũ wedesãnorigu, cũũrẽ wedesãriramena queti beserõpu wedesesũguero booa. Cũã wedesãrigure ‘wederijããrõ’ jĩĩrĩ, queti besemasĩña maniã”, jĩiwũ. ¹⁷Teero tiigũ, cũã ãno jeari bũreco arebũrecope pearo manirõ yũũ queti beserĩ basoca duirõpu duijigũ, cũũrẽ néeatidutiwũ. ¹⁸“Too nucũrá pee ñañaré cũũrẽ wedesããdacua”, jĩĩ wãcũmiwũ. Manirĩro niiwũ. ¹⁹Cũã padeorẽ maquẽ dícuere cũũrẽ wedesãwã. Apeyẽ, sĩcũ Jesús wãmecũtigu cũũ diarigu niipacari, Pablõpe “catii” jĩĩwĩ. ²⁰Yũũ aterẽ deero tii masĩhẽgũ, Pablõre sãĩñáwũ: “¿Jerusalénpu wáadũgagari? Mũũ wáari, toopú mũũye maquẽrẽ besenoãdacu”, jĩĩmiwũ. ²¹Cũũpe “romanuã õpũ yũũre besearo” jĩĩwĩ. Teero tiigũ, cũũrẽ ãnorá cúũjãdutiwũ sũcã, téẽ marĩ õpũpũre ticocoripu, jĩiyigu.

²²Agripa Festore jĩiyigu:

—Yũũcã cũũ wedeseri tũõdũgága, jĩiyigu.

—Jáu, ñamigã tũõgũdacu, jĩiyigu cũũpe.

²³Arebũreco Agripa, Berenicemena cũã añurẽ õpãrá suti sãñarira niiwã.^z Basocã ññacorõpu añurõ tiiẽñowa, sããwawa neãrĩ

^z25.23 Lucas atipú jóarigu Cesareapu niijigũ, cũũ ãpẽrãména neãjĩyi Agripare ñña-gũ. Ññaña Hechos 27.1.

tatiacapu. Surara dutirá, uputi macārā too macārā cūāmena sãawawa. Cūā neāpetiri, Festo néeatidutiwi Pablöre. ²⁴Cūū sãajeari, Festo jīwī:

—Ūsā ōpū Agripa, mūā niipetira ūsāmena neārā tūoyá. Ānirā niī niipetira judíoa wedesāri-gu. Jerusalén macārā, teero biiri āno macārā yūpūre “sīāró booa” jīī acaribíwa. ²⁵Cūā teero jīīpacari, ñeenó wapa sīāmasíña maniwū, yūu tūgueñarī. Cūū basiro “romanuā ōpū yūure be-searo” jīīrī, “toopūra ticocoguda” jīīwū cūūrē. ²⁶Yūu cūūrē ticocogu, marī ōpūrē ñeenó jóamasiriga. Teero tiigú, cūūrē néeatidutiawū mūā putopu. Mūūrē tiigú, néeatidutiawū, ūsā ōpū Agripa. Marī cūūmena wedeseari siro, cūūrē wedesāre maquērē añurō jóabocu. ²⁷Peresupu niigūrē ticocogu, “ate wedesāwā cūūrē” jīī jóacoheri, ñañaniā, yūu wācūrī, jīīwī.

Pablo Agripare wederigue

26 ¹Agripa Pablöre jīīwī: —Mecūtīgā yūuya mūūrē cūū wedesārere, jīīwī.

Pablo wedeguda jīīgū, wāmorē wéetu, wedewi:

²—Ūsā ōpū Agripa, mecūtīgā mūu yūure wededutiri, añurō ūseniā. Teero tiigú, judíoa yūure wedesāre niipetirere mūūrē wedeguda. ³Mūu judíoa niirecutire-re, teero biiri ūsā sīcārībīro padeohérecārē masīpetijāgū niirī,

bayiró ūseniā. Teero tiigú, yūure añurō tūocoduiya.

⁴Niipetira judíoa yāa dita macārā, Jerusalén macārā yūu mampūra cūāmena niirecutiriguer masīya. ⁵Cūūcā yūu fariseo basocu niirére yoari masīya. Fariseo basocu niijīgū, āpērā judíoa nemoró Moisés dutirére añurō tiipetījāwū. Cūū mūūrē wededugara, teerē wedemasīya. ⁶Cōāmacū ūsā ñecūsūmūārē cūū tiīadarere wedeyigu. Yūu cūū tiīadarere padeoré wapa judíoa yūure queti besedutiwa. ⁷Teerēna yuera tiia ūsā doce pōnarī macārā. Teero tiirā, bárecori, ñamirī Cōāmacūrē padeorucujāā. Yūucā teerē yuegu tiia. Ūsā ōpū, tee yūu yueré wapara judíoa yūure wedesārā tiīya. ⁸Mūāpe ¿deero tiirā Cōāmacū basocá diarirapūre masōrere padeorīi?

⁹Yūuja too sugueropu Jesús Nazaret macā macūrē padeorāre “ñañarō tiiró boocú yūure” jīī wācūmiwū. ¹⁰Jerusalénpu teero tiimíwū. Paiaré dutirá cūā dutirigumena pañ Jesuré padeorāre ñee, peresu tiirucúmiwū. Cūārē sīārī, “teerora sīāró booa” jīīrucúmiwū. ¹¹Pee judíoa neārē wiseripu wāa, Jesuré padeodúaro jīīgū, ñañarō tiirucúmiwū. Bayiró cūāmena cúagu, téee areyé ditapu cūārē ñañarō tiinunūsemi-wū.

¹²Teerē tiigú, wāamiwū Damascopūre paiaré dutirá yūure dutirépūrī jóabosariguemena.

13Maapu yuu wáari, coeritó niirí, ñmúáseru muírpu búreco macú bóero nemoró bóediatiri ññawú. Yuu puto yuumena wáarira puto-pucārē bóesesajōawú. 14Teero wáarira, úsā niipetira ñaacūmu-jōawú ditapu. Sicū yuure hebreo-ayemena wedeseri tuowú: “Saulo, ¿deero tiigú yuure ñañarō tiinunúsei? Muu basirope ñañarō tiigú tiia, yuure teero tiigú”, jīwī. 15“¿Noā niī muu?” jīwū cūūrē. “Yuu Jesús muu ñañarō tiinunúsegura niīā. 16Wūmūncāña. Yuu muurē ‘wedecotearo’ jīīgū, muurē bauáa. Mecūtīgā muu ññarēre, yuu muurē too síropu bauáadarere wedegu wáagudacu. 17Judíoa, judíoa niihērā muurē ñañarō tiirí, yuu muurē netónégūdacu. Muurē cúāpūre ticocoa. 18Muu yéere wedegu, cúā capearire ññarōrī tiigú tiiróbiro niigūdacu. Naītīārōpu tiiróbiro wáarare bóeropu wáari tiinucá-gūdacu muu. Cúā Satanás dutiré-re duujá, Cōāmacū dutirépere tiiró jīīgū, muurē ticocoa yuu. Cúā ñañarē tiirére acabóre ñeeārō jīīgū, ticocoa. Cúā yuure padeorámena niīārō jīīgū, ticocoa”, jīwī yuure.

19Teero tiigú, úsā ōpū Agripa, ñmúáseru dutirigue quēērōpu tiiróbiro yuu tuoríguere netónucáriwū. 20Wedenucāwū Damasco macārārē. Too síro Jerusalén macārārē, niipetiro Judea dita

macārārē, teero biiri judíoa niihērācārē wedewu. Cúārē “múā ññarē tiirére wácūpati, wasoyá” jīiwū. “Cōāmacūrē padeonucāña”, jīiwū. “Múā añurē tiirémena múā wasorére ēñoñá”, jīiwū. 21Yuu teeré wederé wapa judíoa Cōāmacūwiipū yuu niigūrē ñee, sīādugámiwā. 22Cúā teero tiidugápacari, Cōāmacūpe yuure tiirápuruujāi. Teero tiigú, yuu atitóre upatí macārārē, āpērā bári niirácārē Cōāmacūye quetire we-dea. Tíatopu Moisés, āpērā profetas síropu wáadarere jóarira niwā. Cúā jīirirobirora yuu we-dea: 23“Cristo Cōāmacū beserigure ñañarō netōādaro niirō tiiyiro. Diatoa, cūūrā diarigupū masásu-guegudaqui. Teero tiigú, cūū netónére maquērē wedegudaqui judíoare, judíoa niihērārē”, a jīi jóarira niwā, jīi wedewi Pablo.

24Cūū teero jīirīrā, Festo bayiró wedeseremena jīiwī:

—Pablo, muu mecūgú tiia. Muu basiro pee buenetōjīgū, mecūgú tiia, jīiwī.

25Pablope jīiyigu:

—Úsarē dutigú Festo, yuu mecūgú mee tiia. Yuu wederé diamacúrā niīā. Quioníremena we-dea. 26Marí ōpū Agripa tee maquērē añurō masíqui. Teero tiigú, cuiro maniró we-dea cūūrē. Ate yuu wedeariguere tuopetjājīyi. Yayióropu wáariyiro. 27Muu te úsā ōpū Agripa, ¿muu profetas

^a26.23 Isaías 42.6; 49.6.

jóariguere padeóí? Yñu masíã: Mñu padeocú, jĩwĩ.

²⁸—¡Nocōrōgã wedepacu, yñu-re Jesuré padeogú wáari tiidugá-cu! jĩwĩ Agripa Pablöre.

²⁹—Cōãmacũ boorí, péerogã o pairó wedepacu, teeré padeogú wáari tiidugága. Mñu, teero biiri niipetira yñure mecũã t̄orá yñu tiiróbiro niirí boogá. Peresu niiré díçure múãrē boosáriga, jĩwĩ.

³⁰Agripa, Festo w̄m̄m̄ncārĩ, Berenice, c̄ãmena duirácã w̄m̄m̄ncãwã. ³¹Witiwa, cãmerĩ wedeseyira:

—Íni c̄ũ tiirémēna peresu tiimasíña maniã. Teero tiirá, çñee-nó wapa c̄ũrē s̄iãbógari? jĩyira.

³²Agripa Festore jĩyigu:

—Íni “romanuã òpũ yñure be-searo” jĩriatã, c̄ũrē wionéco-boajiyu, jĩyigu.

Romaru Pablöre ticocorigue

27 ¹Festo Italiaru ticocomasirí ñagũ, Pablöre, teero biiri ãpērã peresu niirãrē Julio cien surara dutigũre cotedutiwi. Julio romanuã òpũya pōna macãrã surara dutigú niwĩ. ²Ûsã Adramitio macãwũ dooriwũru muãsãwũ. Tiwú Asia dita maquẽ petaripũ wãadaro tiwú. Sicũ Tesalónica macã macũ ñsãmena wãawi. Cũũ wãmecutiwi Aristarco. Cũũya macã Macedonia ditarũ niyiro.

³Apebũreco Sidónpũre jeawũ. Julio Pablöre ññurõ tiwí; c̄ũrē

c̄ũ menamacãrã niirira p̄topu ññagũ wãadutiwi, c̄ũ boorēnorē “ticoaro” jĩgũ. ⁴Too niirira tiwũmēna wãawũ sũcã. Wĩno ñsã díamacũpe bayiró páapuwũ. Teero tiirá, Chipre n̄c̄r̄orē díamacũpe netōwãwũ. Toopé wĩno páapubayiriwũ. ⁵Cilicia, Panfilia dita netōwá, Miraru jeawũ Licia ditarũre.

⁶Toopũ cien surara dutigú Italiaru wãadariwũre buajeárigũ niwĩ. Alejandría macãwũ niwũ. Ûsãrē tiwũpũ c̄ũwĩ. ⁷Wáa, peebũrecori ññurõgã wãawũ. Bayiró ññarõ netōrēmēna jeawũ Gnido macã díamacũpũre. Wĩno bayiró páapucãmotawũ mēna. Teero tiirá, Creta n̄c̄r̄opũre wáa, Salmónrē netōwá, Creta acuniñape sodeawũ. ⁸Bayiró ññarõ netōrēmēna sicapeta Ññurí Peta wãmecutiri petaru jeawũ. Tiipeta Lasea macã p̄to niwũ.

⁹Ûsã yuari pearēmēna péerogã dusawú púuriro, wĩno bayiró páapure wãadari suguero. Teero tiiró, bayiró quiowá, wáari. Teeré masigũ, Pablo c̄ũrē wedemiwĩ:

¹⁰—Marĩ netōwári, quio niĩãdacu, yñu tũgneñarĩ. Múã nēware, múãyawũ, marĩ catirécãrē tiidióbocu, jĩmiwĩ.

¹¹Cũũ teero jĩpacari, cien surara dutigú Pablo wedeariguere padeoríwi. Tiwú waatũgũ, tiwú dutigúpere padeowí. ¹²Tiipetape púuriro niirí, ññaniyiro. Teero

tiirá, paꝝ tiiwú macãrã “Fenice-
pꝝ wáañaãda, púuriro netóãda
jĩĩrã” jĩĩmiwã. Fenice macã peta
Cretapꝝ niyiuro. Tiipeta muĩpũ
sããwaro niiri peta nijĩrõ, wĩno
bayirõ páapuriyiro.

**Pairímaapꝝ oco wĩnoména
pearigue**

13 Wĩno aperopé péero páa-
puatiri, “jãꝝ, jeajõãadacu” jĩĩ-
miwã. Teero tiirá, tiiwꝝpú mũa-
sã, Creta wesagãpꝝ wáamiwũ.
14 Ûsã péerogã wáari siro, wã-
cũña manirõ wĩno bayirõ tiin-
cũrõ pꝝtope páapuatiwꝝ, Nor-
deste cúã jĩĩré. 15 Wĩno ãsãrẽ
aperopé néejõãwũ. Wĩno atirõ-
pe deero tii ãsã wáamasĩriwꝝ.
Teero tiirá, “teerora too wáajõã-
ãrõ” jĩĩ, wĩno noo páapucorope
wáajõãwũ. 16 Cauda nꝝcũrõpꝝ
netõwãwꝝ. Tiinꝝcũrõ apeniña-
pé wáari, wĩno bayirõ jeariwꝝ.
Toopú yucusóro cúã siatú wée-
riwꝝre bayirõ paderémena wée-
cowꝝ pairiwꝝ wesapꝝ. 17 Wée-
mũõcotoa, siatúpeowꝝ. Ûsã
wáariwꝝcare watiri jĩĩrã, cúã
pũgũdꝝpõrimena siatúdiyowa.
Sirte ditatupari niirõcapꝝ páa-
pucori jĩĩrã, cui niiwã. Teero ti-
rá, wĩno ñeeré caserire jõãdí-
cowa. Cúã jõããri siro, wĩno páa-
pucorope wáawꝝ. 18 Apebũreco
oco pea, páapu, ocoturí paca
niiri ñnarã, apeyé cõãdꝝowa.
19 Itiábũreco wáaromena, cúã
basiro tiiwú maquẽrẽ cõãdꝝowa
sũcã. 20 Pee bũreco niirõ muĩpũ bú-

reco macũ, ñocõã bauriwa. Oco
pea, teerora páapujãwũ. Teero
tiirá, “deero tii marĩ catiricu” jĩĩ
wãcũmiwũ.

21 Yoari yaaheri ñnagũ, Pablo
cúã decorꝝ jeanꝝcã, jĩĩwĩ:

—Yꝝꝝ menamacãrã, múã yꝝꝝ-
re tꝝoátã, ãñuniboajiyu; Cretare
witiiboajiyu; dooriwꝝ maquẽrẽ
ñañoriboajiyu; marĩ cõããrigue-
re cꝝobójiyu ména. 22 Marĩrẽ
teero wáapacari, wãcũtutuaya.
Sĩcũ diaricu. Atiwú dícre tii-
dióadacu. 23 Yꝝꝝ Cõãmacũrẽ pa-
deogú niĩã. Cũũ dutirére tia.
Cũũ ñami yꝝꝝ pꝝtopꝝ ángelere
ticocoarigu niĩãwĩ. 24 Ángele
yꝝꝝre wedeawĩ: “Pablo, cuirijã-
ña. Mũnrẽ romanuã õpũ pꝝtopꝝ
jearo booa. Mũnrẽ tiigú, Cõã-
macũ mꝝꝝ menamacãrãrẽ netõ-
négũdaqui sĩcũ diaro manirõ”,
jĩĩãwĩ. 25 Teero tiirá, múã wãcũ-
tutuaya. Yꝝꝝ Cõãmacũrẽ pa-
deóa. Cũũ yꝝꝝre jĩĩãrirobirora
wáaadacu. 26 Teero ãñurõ wáa-
pacari, atiwú nꝝcũrõpꝝ sũuñã-
cũmuãdacu, jĩĩwĩ Pablo.

27 Pꝝa semana ãsã Cretare witi-
wari siro, pairímaa Adriáticopꝝ
wĩno bayirõ páapucoremena
wáawꝝ. Ñami deco tiiwú macãrã
paderá “marĩ dita pꝝtopꝝ jeara
tiitú niĩã” jĩĩwã. 28 Cúã ¿nocõrõ
ũcũãmiĩ? jĩĩrã, opada cãnotĩ,
duudíoco, queoñãwã. “Treinta y
seis metros ãcũãã”, jĩĩ ñnawã.
Péero wáa, queoñãwã sũcã.
“Veintisiete metros ãcũãã”, jĩĩwã
sáa. 29 Ûtãpapú ñaapeari jĩĩ, cui-



Cōmepírē cōānore

wa. Teero tiirá, bapari cōmepírí^b teeyapupū siatúredarimena cōāñowā, waatúrope wéeñepasoaro jīirā. “Boyero bóeri boomíga”, jīiwā. ³⁰Tiiwú macārā paderá dutijóadugamiwā. “Ūsā cōmepírírē waasugúerope cōāñoādara tiia”, jīidito, péeriwugārē néediocora tiimíwā díapū. ³¹Pablope cien surara dutigúre, suraracārē jīiwí: —Āniā atiwupú putuáheri, múā sícū catiricu, jīiwí.

³²Teero tiirá, surarape wéeñeredarire páata, tiiwúgārē ñañoorí tiiwá.

³³Bóeadari suguero, Pablo ūsārē “yaaya” jīīgū, niipetirare jīiwí:

—Pua semana netōā, múā āñurō yaaripacara, “¿deero wáadari marí?” jīicotero. ³⁴Teero tiirá, múā āñurō niiāda jīirā, yaaro booa. Mecūtígā marírē ñañoorí wáapacari, múārē merēā wáaricu, jīiwí.

³⁵Teeré jīī, pārē née, niipetira iñacoropū Cōāmacūrē ūsenire tico, pārē puatá, yaanucāwí. ³⁶Wācūtutua, cúacā yaawa. ³⁷Ūsā niipetira tiiwupú niirá doscientos setenta y seis niiwū. ³⁸Cúā yaadugarere yaaari siro, trigoporire cōāñojāwā, tiiwú nucūhēriwu putuáaro jīirā.

Dooríwū ditatupari buropū sugacūmurigue

³⁹Bóecūmurí, ditare iñarā, “¿Noopú nií?” jīimasíriwa. Opacoca ditatuparigū niirórē iñawā.

—Toopú wáaada; ditatuparigū sūumacūmubocu, jīiwā.

⁴⁰Teero tiirá, cōmepírírē cōtéríjāārō jīirā, wéeñeāredarire widetácodiocowa. Waarípírí waatúgu waatúrepírírē jōádiocowa. Waasugúero niirí caserore wéemūducowa, wīno néewaaro jīirā. Teero tiirá, tiiwuré ditatuparipū ticocomiwā. ⁴¹Wáa, wācūña maniró ditatupari buro oco watoa niirí buropū sugacopeawū waasugúerope. Cāmeñariwū. Waatúrope ocoturí páapusācori, watijóāwū.

^b 27.29 Pecasāyemena: anclas.

42 Teero wáari ñnarã, surara jĩwã:

—Jãmũ, marĩ peresu tiirãre sãjãco; cũã báapã dutijõãbocua, jĩwã.

43 Cien surara dutigúpe “Pablo-re sãbócu” jĩgũ, cãmotáwi. Báamasĩrãrẽ: —Ñaañuãsugue, ditapũ báapãña, jĩwĩ—. 44 Æpẽrá táboapĩrĩmena, tiiwú maquẽ watiãrepĩrĩmena pasapãwaya, jĩwĩ.

Teero tiirã, ditapũ jea, niipetira netõpetijãwũ.

Malta nũcũrõpũ Pablo tiirigüe

28 1 Æsã ditapũ jeapetira, tãowú: Tiinũcũrõ Malta wãmecũtiwũ. 2 Too macãrã basoca ãñurõ tiiwá ãsãrẽ. Oco pea, yũsuári ñnarã, pecame diobosãwa.

—Sũmarã atiya múa niipetira, jĩwã.

3 Pablo peca seegú wáa, néeati, cũũ wããtĩarĩ, ãña tiidotopũ niirigũ asiré cuigũ, witiwi. Pablo-ya wãmorũ bacañãñumuwĩ. 4 Tiinũcũrõ macãrã ãña cũũya wãmorũre tusari ñnarã, cãmerĩ jĩwã: “Ñni basocã sããrigũ niiqui. Cũũ día pairĩmaapũ netõãrigũ niipacũ, cũũ ñañarẽ tiirẽ wapa diagũdaqui”, jĩwã.

5 Cũũpe pecamepũ wẽẽbatesowĩ ãñarẽ. Pũniriwi cũũrẽ. 6 Too macãrãpe wãcũmiyira: “Bipijõããdacu. Bipiriatã, wãcũña manirõ ñaacũmu, diajõãgũdaqui”, jĩmiiyira. Cũũ yoari yuemi, cũũrẽ merẽã wãaheri ñña, merẽã wãcũyira

sũcã. “Ñni basocã mee niiqui; sãcũ basocã padeogú niigũ niãti”, jĩwã.

7 Too pũtogã tiinũcũrõ macãrã dutigúya dita niiwũ. Cũũ wãmecũtiyigũ Publio. Cũũ ãsãrẽ boca-wi. Itiábureco ãsã cũũ pũto niirĩ, ãñurõ tiiwĩ. 8 Publio pacũ wioré, yoopote diagũ pesawi. Pablo cũũ niirõpũ sããwa, Cõãmãcũrẽ sãĩbosã, cũũrẽ ñaapeó, netõnẽwĩ. 9 Cũũ teero tiirĩ ñnarã, ãpẽrá tiinũcũrõ macãrãcã diarã atirucuwã. Netõnẽnowã. 10 Æsãrẽ pee apeyenó ticowa. Too síro ãsã wãaadara tiirĩ, ãsãrẽ dũsarécõrõ ticowa.

Romapũ Pablo jearigüe

11 Itĩãrã muĩpũrã niiwũ ãsã toopũre. Alejandría macã macãwũ tãe pũuriro wãapetiripũ niiwũ tiinũcũrõpũre. Tiiwú ãquẽãpũ cũã padeorã Cástor, Pólux queorẽ cũã páateture tusawũ. Æsã tiiwũpũ muãã, wãajõãwũ. 12 Wáa, Siracusa macã petapũ jeawũ. Toopũ itiábureco pũtuáwũ. 13 Too macãrã tiinũcũrõ wesa wáa, Regio macãpũ jeawũ. Sica-bureco siro ãsã sirope wĩno páapũtiwũ. Pũabũreco siro Puteoli macãpũ jeawũ. 14 Toopũre ãpẽrá Jesurẽ padeorãre buajeáwũ. Cũũ ãsãrẽ: —Sica semana ãsã pũto pũtuáya, jĩwã.

Too pũtuáari siro, maapũ wáa, Romapũ jeawũ sãa. 15 Æpẽrá Roma macãrã Jesurẽ padeorã ãsã Romapũ wãare quetire tũotóayi-

ra. Teeré tuo, té Foro de Apio macãpu ùsãrê bocara jeawa. Æpê-rãcá Tres Tabernas wãmecütiro-pu ùsãrê bocawa. Pablo cûãrê ñnagũ, Cõamacûrê usenire tico, wãcütutuare bñanemówĩ. ¹⁶ Æsã Romapu jeari, too macãrã dutirá jĩwã:

—Pablo merẽã niidugari, ãñu-niãdacu.

Cũñmena surara sícũ cũñrê cote-gudãre cúũwĩ.

Romapu Pablo tiirigue

¹⁷ Itiábureco siro Pablo judíoa uputí macãrãrê neãdutiwi. Cũã neãtoari, jĩwĩ:

—Yáa wedera, yũu maríya wederare, marí ñecũsũmuã tiirécuti-riguere netõnucáriu. Netõnucáripacari, Jerusalénpu judíoa yũure ñee, romanuãrê dutirãpũre tico, yũure peresu tiidutiwa. ¹⁸ Romanuãrê dutirá yũure sãññá-peti, sãñrí tiiréno wapa bñaríwa. Wionécodugamiwã. ¹⁹ Judíoa-pe booríwa. Teero tiigú, yũu “romanuã òpũ yũure queti besearo” jĩwũ. Yũure yáa wederare wedesã-re cuoríwũ. ²⁰ Teero tiigú, múãrê ñña, wedeseguda jĩgũ, boocóawũ. Cõamacũ beserigu marí Israelya põna macãrã yoari yueriguyere yũu wederé wapa atidá cõmedá siatúarigu niã, jĩwĩ.

²¹ Cũã cũñrê jĩwã:

—Æsã sicapũ Judea macãrã mũye maquẽrê cúã jóaripũrê

ñeeriwũ. Teero biiri too macãrã maríya wedera ãnopú jeara, ña-ñarõ wedeseriwa mũurê. ²² Æsã masiã: Niipetiropũre mama buerere “ñañaniã” jĩcua. Æsã mũu padeorere tuodugága, jĩwã.

²³ Cũã neãdari bũrecore wedecũjã, wáajõãwã. Tiibũreco niirí, paũ basocá cũũ niirí wiipũ jeawa. Bóeri wedenucãrigu wedenañõ-jõãwĩ. Cõamacũ dutiré basocãpũre niãdare jeariguere wedewi. Moisére dutiré cúũriguemena, profetas jóariguemena wedeyapono, “Jesús Cõamacũ beserigu niirí” jĩ padeorí tijãdugagu tiimíwĩ. ²⁴ Siquẽrã Pablo wederere tuorã “niirõrã niã” jĩwã. Æpêrãpẽ padeoríwa. ²⁵ Cámerí wedesetoa, sícãribíro wãcũri, wáajõãwã. Cũã wáaadari suguerogã, Pablo jĩwĩ:

—Profeta Isaías múã ñecũsũmuãrê jóariguere tuoyá. Diamacũ maquẽrê Espiritu Santo biiro cũñrê jóari tiirigu niwĩ:

²⁶ Basocãre wedegu wáaya:

“Múã tuopacãra, tuomasíri-adacu;

ññapacara, ññamasíriadacu”,
jĩña cúãrê.

²⁷ Cũãpe añurõ wãcũdugaricua; tuodugáricua;
ññadugaricua.

Cũã añurõ tuo, añurõ ñña,
wãcũrê wasoátã,

yũu cúãrê netõnẽboajiyu,^c
jĩ wedeya,

^c 28.26-27 Isaías 6.9-10.

jĩ jóarigu niwĩ. ²⁸Teero tiirá, añurõ masĩña múã: Cõãmacũ cũũ basocáre netõnére quetire judíoa niĩhẽrãrẽ wedenoãdacu. Cũãpe tũoãdacua, jĩwĩ.

²⁹Cũũ teero jĩĩãri siro, judíoa cũã basiro bayiró cãmerí wedese-co, witiwawa.

³⁰Ꞥacũmá Pablo cũã waso, wapatídutiri wiipũ niwĩ. Toopũ cũũrẽ ñnarã jearáre ureniremena bocarucuwi. ³¹Cuiro maniró Cõãmacũ dutiré basocápũre niĩãdare jeariguere, teero biiri marĩ Ñpũ Jesucristoyere wederucujã-wĩ ãpẽrá cãmotáro maniró.